

萬 有 文 庫

第 二 集 七 百 種

王 雲 五 主 編

史 繹

(四)

馬 驢 撰

商 務 印 書 館 發 行



# 釋史卷一

## 太古第一

### 開闢原始

【列子】昔者聖人因陰陽以統天地。夫有形者生於無形。則天地安從生。故曰有太易。有太初。有太始。有太素。太易者。未見氣也。太初者。氣之始也。太始者。形之始也。太素者。質之始也。氣形質具而未相離。故曰渾淪。渾淪者。言萬物相渾淪而未相離也。視之不見。聽之不聞。循之不得。故曰易也。易無形埒。易變而爲一。一變而爲七。七變而爲九。九變者。究也。乃復變而爲一。一者。形變之始也。清輕者上爲天。濁重者下爲地。故天地含精。萬物化生。（白虎通）始起先有太初。後有太始。形兆既成。名曰太素。混沌相連。視之不見。聽之不生。汁中生神明。神明生道德。道德生文章。（博雅）太初。氣之始也。生於酉仲。清濁未分也。太始。形之始也。生於戌仲。清者爲精。濁者爲形也。太素。質之始也。生於亥仲。已有素朴。而未散也。三氣相接。至於子仲。剖判分離。輕清者上爲天。重濁者下爲地。中和爲萬物。○二書本列子之說。【三墳】清氣未升。濁氣未沈。遊神未靈。五色未分。中有其物。冥冥而性存。謂之混沌。混沌爲太始。太始者。元胎之萌也。太始之數一。一管太極。太極者。天地之父母也。一極易。天高明而清。地博厚而濁。謂之太易。太易者。天地之變也。太易之數二。二爲兩儀。兩儀者。陰陽之形也。謂之太初。太初者。天地之交也。太初之數四。四益易。四象變而成萬物。謂之太素。太素者。三才之始也。太素之數三。三益易。天地孕而生男女。謂之三才。三才者。天地之備也。遊神動而靈。故飛走潛化。動植蟲魚之類。必備於天地之間。謂之太古。太古者。生民之始也。○此說與前倒異。蓋僞書最出近世。尤不可憑。

【淮南子】天墜未形。馮馮翼翼。洞洞瀾瀾。故曰大昭。道始于虛霏。虛霏生宇宙。宇宙生氣。氣有漠垠。清陽

者薄靡而為天重濁者凝滯而為地清妙之合專易重濁之凝竭難故天先成而地後定天地之襲精為陰陽陰陽之專精為四時四時之散精為萬物積陽之熱氣生火火氣之精者為日積陰之寒氣為水水氣之精者為月日月之淫為精者為星辰天受日月星辰地受水潦塵埃

【五運歷年記】元氣濛鴻萌芽茲始遂分天地肇立乾坤啓陰感陽分布元氣乃孕中和是為人也首生盤古垂死化身氣成風雲聲為雷霆左眼為日右眼為月四肢五體為四極五嶽血液為江河筋脈為地里肌肉為田土髮髯為星辰皮毛為草木齒骨為金石精髓為珠玉汗流為雨澤身之諸蟲因風所感化為黎毗。（述異記）盤古氏天地萬物之祖也。然則生物始於盤古。昔盤古氏之死也。頭為四岳。目為日月。脂膏為江海。為江河。氣為風。聲為雷。目瞳為電。古說喜為晴。怒為陰。吳楚閒說。盤古氏夫妻。陰陽之始也。今南海有盤古氏墓。亘三百餘里。俗云。後人追慕盤古之魂也。〔三五曆記〕天地混沌如雞子。盤古生其中。萬八千歲。天地開闢。陽清為天。陰濁為地。盤古在其中。一日九變。神於天。聖於地。天日高一丈。地日厚一丈。盤古日長一丈。如此萬八千歲。天數極高。地數極深。盤古極長。後乃有三皇。數起於一。立於三。成於五。盛於七。處於九。故天去地九萬里。○盤古氏名。起自雜書。恍惚之論。荒唐之說耳。作史者目為三才首君。何異說夢。

【真源賦】盤古氏後有天皇君一十三人時遭切火乃有地皇君一十一人各萬八千餘年乃有人皇君兄弟九人結繩刻木四萬五千六百年

【始學篇】天地立有天皇十三頭號曰天靈治萬八千歲。（遁甲開山圖）天皇被跡在柱州崑崙山下。〔三五曆記〕歲起攝提元氣肇有神靈一人有十三頭。號天皇。

○洞冥記云。一姓十三人。

【易通卦驗】天皇氏之先與乾曜合德。君有五期。輔有三名。〔河圖括地象〕天皇九翼。提名旋復。

【春秋係乾圖】天皇於是樹元陳樞。以立易威。

【始學篇】地皇十一頭。治八千歲。〔遁甲開山圖〕地皇興是熊耳龍門山。

【春秋命歷序】天皇氏以木王。地皇氏以火紀。

【淮南子】泰古二皇。得道之柄。立於中央。神與化游。以撫四方。是故能天運地帶。輪轉而無廢。水流而不止。與萬物終始。○天皇。地皇。稱爲二靈。是泰古二皇也。注謂伏羲神農者非。

【始學篇】人皇九頭。兄弟各三百歲。依山川上地之勢。裁度爲九州。各居其一方。因是而區別。〔遁甲開山圖〕人皇生於荆山。堤地之國。〔春秋命歷序〕人皇氏駕六蜚鹿。政三百歲。〔尙書璇璣鈴〕人皇氏九頭。駕六羽。乘雲車。出谷口。分九州。

【文子】九皇之制。主不虛王。臣不虛貴。階級尊卑。名號自居。吏民於次者。無國歷。寵歷錄副。其所付授。與天人參相結連。鈎考之具不備也。○奏博士稱古有天皇地皇泰皇。泰皇最貴。卽人皇也。亦號九皇。

【春秋元命苞】天地開闢。至春秋獲麟之歲。凡二百二十六萬七千年。分爲十紀。其一曰九頭紀。○卽人皇源賦。人皇厭倦塵事。乃授籙於五姓。二曰五龍紀。〔春秋命歷序〕皇伯。皇仲。皇叔。皇季。皇少。五姓同期。俱駕龍。號曰五龍。〔真源賦〕五姓乘雲車而治天下。三曰攝提紀。九姓。

四曰合雒紀。○四姓。五曰連通紀。六曰敍命紀。七曰循蜚紀。八曰因提紀。九曰靈氏以下。二十二氏。〔遁甲開山圖〕距靈胡者。偏得神元之道。造山川。出江河。神化之宜。與元氣齊生。爲九元真母。八曰因提紀。七世。啓統三世。吉夷四世。几渠一世。豨章四世。大巢二世。遂皇四世。

唐成八世。凡六十八世。是為因提之紀。九曰禪通紀。(丹靈書)倉頡一世。柏島二十世。中央四世。夫庭五世。栗陸五世。麗連十一世。為禪通之紀。○又伏羲。神農。共為十八氏。是十曰疏仡紀。○自黃帝以訖於周。積二百七十六萬歲。分為十紀。曰九頭。五龍。挺提。合雄。建通。序命。修聲。因提。禪通。流記。○此字有不同。蓋轉訛耳。

【三墳】太古之人皆壽。盈易。始三男三女。冬聚夏散。食鳥獸蟲魚草木之實。而男女構精。以女生為姓。始三頭。謂之合雄紀。生子三世。合雄氏沒。子孫相傳。記其壽命。謂之敝命紀。通紀四姓。生子二世。男女衆多。羣居連通。從強而行。是謂連通紀。生子一世。通紀五姓。是謂五姓紀。天下羣居。以類相親。男女衆多。分為九頭。各有居方。故號居方氏。沒。生子三十二世。強弱相迫。欲相吞害。中有神人。提挺而治。故號提挺氏。提

挺氏。生子三十五世。通紀七十二姓。故號通姓氏。此與元命苞所說倒異。〔子思子〕東戶氏之熙載也。紹荒屯。遺美好。垂精拱默。而九竇以承流。當是之時。禽獸成羣。竹木遂長。道上顛行。而不拾遺。耕者餘餽。宿之隴首。其歌樂而無謠。其哭哀而不聲。皆至德之世也。〔凡有子〕凡適氏之御天下也。不治而不亂。天下之人。惟知母不知父。鵜居鵲飲。而不求名譽。晝則旅行。夜則類處。及其死也。棄界風化而已。命之曰知生之民。○莊子稱冉相氏。渾沌氏。豨章氏。鵲冠子。稱成鳩氏。命歷序稱黃神氏。拒神氏。辰放氏。離光氏。洛書稱次民氏。及諸雜書所稱諸氏多矣。惟有巢。燧人。功德在民。似非鳥有者流。今錄於左。

【始學篇】上古皆穴處。有聖人教之。巢居。號大巢氏。〔三墳〕有巢氏。生太古之先。俾人居巢穴。積鳥獸之肉。聚草木之實。天下九頭咸歸。有巢始君也。壽一太易。本通

姓氏之後也。〔遁甲開山圖〕石樓山在瑛那。昔有巢氏治此山南。

【古史考】太古之初。人吮露精。食草木實。穴居野處。山居則食鳥獸。衣其羽皮。飲血茹毛。近水則食魚鼈。螺蛤。未有火化。腥臊多害腸胃。於是有聖人以火德王。造作鑽燧出火。教人熟食。鑄金作刃。民人大說。號

曰燧人。拾遺記遂明國有大樹。名遂。風盤萬頃。後世有聖人。遊日月之外。至於其國。有鳥啄樹。燧人感之。始有日中之市。交易其物。有傳教之壺。有結繩之政。壽一太易。本通姓氏之後也。

【尸子】燧人上觀星辰。下察五木以爲火。燧人之世。天下多水。故教人以漁。說文燧。禱祀除厲殃也。古者燧人。燧子所造。

【論語摘輔象】燧人四佐。明由曉升級。必育受稅俗。成博受古諸。隕丘受延嬉。燧人出天。四佐出世。易通燧皇始出。握機矩表計算圖。其刻曰。蒼牙通靈。昌之成。孔演命。明道經。慮藝作易。仲命德。維紀術。周文增通八八之節。轉序三百八十四爻。以繫王命之瑞。故正其本而萬物理。失之毫釐。差以千里。

陽子居之言曰。太古之事滅矣。孰誌之哉。屈原曰。遂古之初。誰傳道之。三復斯言。而知稽古之難信。考論者之無徵也。夫二子者。生當周季。去古未遠。而已歎古初之莫紀。矧百世以下。遭秦燔滅之餘。而妄稱上世之遺事。豈不亦迂誕哉。夫物必有所自始。事必有所由起。乾坤定位。萬彙繁滋。民生總總。氣稟不一。意必有人焉。首出庶物。以爲之主者。由是君道立矣。第文字未興。史官未設。伊昔之政教約束。固甚簡略也。孰能默識傳述。俾歷世罔或失墜。然則盤古以上。謂無君乎。吾不得而知也。天皇以下之君。謂盡可指數乎。吾亦弗敢信也。人壽之不齊。今猶古矣。黃帝在位百年。繼此者。唐帝殷宗。越周文考。多歷年所。顧不數見也。何獨洪濛之辟。皆身歷運會。抑堯舜齊聖。朱均不移。武周竝生。管蔡用畔。高陽高辛氏之子。有才有不才矣。安得九頭五龍。德皆神異。分理寰區。無或殂落。兄弟各一萬八千歲哉。信如十紀之說。名不雅馴。薦紳之所難言。卽所稱二百二十六萬餘年。分爲十紀。則紀約二十餘萬年。因提

六十八世。禪通九十餘世。世當得三千年。而一姓或止二三世。則是享年有永。祚世爲不長也。疏佐始黃帝。以訖獲麟。不過二千年耳。方之以前。修短不倫。忽焉與魯史春秋同時絕筆。何其舛與。太古未嘗無君也。泰山梁父之形兆垠塿。仲尼不能盡識。與夫管莊之所稱道。戎夫之所訓戒。倚相之所能讀。或在書契以前。或經孔子刪棄。是皆無裨於政治。罔資於問學者也。舍詩書六藝之文。而妄信諸子讖緯之雜說。未能悉三代之世。及而遠求洪荒以上之氏號。斯好奇者之過也。尙論者斷自庖犧氏可矣。



# 釋史卷二

## 太古第二

### 皇王異說

【爾雅】林、烝、天、帝、皇、王、后、辟、公、侯、君也。

【白虎通】帝王者何。號也。號者功之表也。所以表功名德。號令臣下者也。德合天地者稱帝。仁義合者稱王。別優劣也。皇者何。謂也。亦號也。皇君也。美也。大也。天之總美大稱也。時質。故總之也。號之爲皇者。煌煌人莫遠也。煩一夫。擾一士。以勞天下。不爲皇也。不擾匹夫匹婦。故爲皇。故黃金棄於山。珠玉捐於淵。巖居穴處。衣皮毛。飲泉液。吮露英。虛無寥廓。與天地通靈也。號言爲帝者何。帝者諦也。象可承也。王者往也。天下所歸往也。〔尚書利德考〕帝者。天號也。王者。人稱也。天有五帝以立名。人有三王以正度。天子爵稱也。皇者。煌煌也。〔獨斷〕皇者。煌也。盛德煌煌。無所不照。帝者。諦也。能行天道。事天審諦。〔帝王世紀〕孔子稱天子之德。感天地。洞八方。是以化合神者稱皇。德合天地者稱帝。仁義合者稱王。〔樂和耀嘉〕德象天地爲帝。仁義所生爲王。

【風俗通】皇者。天不言。四時行焉。百物生焉。三皇垂拱無爲。設言而民不違。道德玄泊。有似空天。故稱曰皇。皇者中也。光也。弘也。含弘履中。開陰布剛。上含皇極。其施光門。指天畫地。神化潛通。煌煌盛美。不可勝量。天立五帝以爲相。四時施生。法度明察。春夏慶賞。秋冬刑罰。帝者任德設刑。以則象之。言其能行

天道舉錯審諦。

【春秋繁露】德備天地者稱皇帝。天祐而子之。號稱天子。

【獨斷】天王諸夏之所稱。天下之所歸往。故稱天王。天子夷狄之所稱。父天母地。故稱天子。

【白虎通】或稱天子。或稱帝王。何以爲上。接稱天子。明以爵事天也。接下稱帝王者。得號天下至尊之稱。

以號令臣下也。

【說文】古之造文者。三畫而連其中。謂之王。三者。天地人也。而參通之者王也。本董子說。〔春秋考文補〕王者。往也。神所輪向。人所樂

歸。古之神聖人。母感天而生子。故曰天子。

【淮南子】帝者體太一。王者法陰陽。霸者則四時。君者用六律。乘太一者。牢籠天地。彈壓山川。含哇陰陽。伸曳四時。紀綱八極。經緯六合。覆露照導。普汜無私。蠖飛蠕動。莫不仰德而生。陰陽者。承天地之和。形萬殊之體。含氣化物。以成埒類。羸縮卷舒。淪於不測。終始虛滿。轉於無原。四時者。春生夏長。秋收冬藏。取予有節。出入有時。開闔張歛。不失其敝。喜怒剛柔。不離其理。六律者。生之與殺也。賞之與罰也。予之與奪也。非此無道也。故謹於權衡準繩。審乎輕重。足以治其境內矣。〔禮斗威儀〕帝者得其根核。王者得其英華。霸者得其附枝。故帝道不行不能王。王道不行不能霸。霸道不行不能守其身。

【新論】無制令刑罰。謂之皇。有制令而無刑罰。謂之帝。賞善誅惡。諸侯朝事。謂之王。興兵約盟。以信義矯

世謂之伯。

【風俗通】易稱天先春而後秋。地先生而後凋。日月先光而後幽。是以王者則之。亦先教而後刑。三皇結繩。五帝畫像。三王肉刑。五霸黠巧。此言步驟稍有優劣也。〔孝經鈎命訣〕三皇步。五帝驟。三王馳。五霸驚。

【管子】明一者皇。察道者帝。通德者王。謀得兵勝者霸。

【呂氏春秋】五帝先道而後德。故德莫盛焉。三王先德而後事。故事莫功焉。五霸先事而後兵。故兵莫強焉。

【獨斷】皇、王、后、帝、皆君也。上古天子。庖犧氏、神農氏稱皇。堯舜稱帝。夏殷周稱王。

【潛夫論】世傳三皇五帝。多以伏羲神農爲三皇。其一者或曰燧人。或曰祝融。或曰女媧。其是與非未可知也。○諸說見後。

【尙書大傳】遂人爲遂皇。伏羲爲戲皇。神農爲農皇也。遂人以火紀。火太陽也。陽尊。故託遂皇於天。伏羲以人事紀。故託戲皇於人。神農悉地力。種穀疏。故託農皇於地。天地人道備。而三五之運興矣。

【白虎通】三皇者何謂也。謂伏羲、神農、燧人也。或曰伏羲、神農、祝融也。謂之燧人何。鑽木燧取火。教民熟食。養人利性。避臭去毒。謂之燧人也。謂之祝融何。祝者屬也。融者續也。言能屬續三皇之道而行之。故謂祝融也。

【禮含文嘉】三皇。慮戲。燧人。神農。伏者。別也。變也。戲者。獻也。法也。伏羲始別八卦。以變化天下。天下法則。咸伏貢獻。故曰伏羲也。燧人鑽木取火。炮生為熟。令人無復腹疾。有異於禽獸。遂天之意。故曰燧人也。神農。神者。信也。農者。濃也。始作耒耜。教民耕種。美其衣食。德濃厚。若神。故為神農也。

【春秋運斗樞】伏羲、女媧、神農、是三皇也。

【白虎通】五帝者何謂也。禮曰。黃帝、顓頊、帝嚳、帝堯、帝舜、五帝也。黃者。中和之色。自然之性。萬世不易。黃帝始作制度。得其中和。萬世常存。故稱黃帝也。謂之顓頊何。顓者。專也。頊者。正也。能專正天人之道。故謂之顓頊也。謂之帝嚳者何也。嚳者。極也。言其能施行窺極道德也。謂之堯者何。堯。猶彘彘也。至高之貌。清妙高遠。優遊博衍。衆聖之主。百王之長也。謂之舜者何。舜。猶僂僂也。言能推信堯道而行之。（風俗通）黃者。中和之色。德四季。與地同功。故先黃以別之也。顓者。專也。頊者。信也。言其承易文之以質。使天下蒙化。皆貴貞慤也。嚳者。考也。成也。言其考明法度。醇美嚳然。若酒之芬香也。堯者。高也。饒也。言其隆興煥炳。最高明也。舜者。推也。循也。言其推行道德。循堯緒也。

王者何謂也。夏殷周也。夏殷周者。有天下之大號也。必改號者。所以明天意已著。欲顯揚已於天下也。已復襲先王之號。與繼體守文之君無以異也。不顯不明。非天意也。故受命王者。必擇天下美號。表著已之功業。明當致施是也。所以預自表克於前也。不以姓為號何。姓者。一字之稱也。尊卑所同也。諸侯各稱一國之號。而有百姓矣。天子至尊。即備有天下之號。而兼萬國矣。夏者。大也。明當守持大道也。殷者。中也。為

中和之道也。聞也。見也。謂當道著見中和之爲也。周者。至也。密也。道德周密。無所不至也。

〔風俗通〕禹者。輔也。輔續舜後。

· 虛續洪茂。湯者。摛也。昌也。言其擴除不軌。改毫爲商。成就王道。天下熾盛。文武皆以其所長。

五帝無天下之號。何。五帝德大能禪。以民爲子。成於天下。

無爲立號也。或曰。唐虞者號也。唐蕩蕩也。蕩蕩者。道德至大之貌也。虞者。樂也。言天下有道。人皆樂也。帝嚳有天下。號曰高辛。顓頊有天下。號曰高陽。黃帝有天下。號曰自然。自然者。獨宏大道德也。高陽者。陽猶明也。道德高明也。高辛者。道德大信也。

三皇五帝人之恒言也。尙書序曰。伏犧神農黃帝之書。謂之三墳。言大道也。少昊顓頊高辛唐虞之書。謂之五典。言常道也。故黃帝以上爲三皇。少昊以下爲五帝。五帝既沒。三王繼統。三王世衰。五霸遞興。是以論世者必稱三五。其來久矣。太史公作五帝本紀。首黃帝而無少昊氏。說者曰。少昊不居帝位。率身師以理西方。信然。則月令何以列少昊爲金行之帝。鄭子自述其祖。何得言繼黃帝而立也。自遷之書出。遂令言三皇者。欲備其數而不得。則紛然聚訟。或曰。燧人。或曰。女媧。或曰。祝融矣。夫遷之所本者。帝繫與世本也。然而帝繫世本。或出於周末。采錄固有不可依據者。舜祖虞幕。見於左氏國語者。明甚。而脫漏失紀。是豈可盡信乎。且遷之所記。往往乖刺疑誤。合重黎而爲一。是楚有二祖也。齊爲四岳之裔。又爲伯翳之後。是齊亦有二祖也。以伯翳爲皋陶之子。秦趙方興。何臧孫有不祀之歎。伯翳佐禹治水。以馴服鳥獸。卽書所謂益作朕虞。孟子所謂使益掌火者矣。史於本紀既兩岐其名。於世家又分爲

二人何其謬邪。故益之爲翳，亦猶昊之爲皞，伏羲之爲宓戲，嚳之爲倍，紂之爲受，與夫契之爲禹，垂之爲倕，臯陶之爲咎繇，仲虺之爲鬻，或爲鬻，或爲繻，伯冏之爲驪，右牙之爲雅，古文之通用類然，皆謂之二人可乎。周官外史氏掌三皇五帝之書，今三皇之書泯闕，五帝僅存二典，易敘庖羲氏以來，略舉之而不悉，俾後世無所折衷，無怪乎人人異端，牴牾更僕，未可問也。伯夷之作秩宗，虞書載之，而以爲四岳，姜姓之祖庭堅，高陽氏之才子也，而以爲咎繇之字，放勳、重華、文命，各言其德業也，而以爲堯舜禹之名，堯舜名也，而謚法載之，若此者，其皆信乎。共工氏與女媧爭，任知刑以霸九域，而列子云，共工與顓頊爭爲帝，是已有兩共工矣。其作亂於帝嚳之世，重黎誅之而不盡，與振滔洪水，舜流幽洲者，又有兩共工也。燧人之前，有有巢氏，昊英之後，又有有巢氏，而皆教民居，禪通之帝爲倉頡，黃帝之史爲倉頡，而皆造書契，帝堯之時有羿，夏后太康之時有羿，而皆以善射名，若此者，其盡然乎。信如世紀所稱，女媧祝融，皆襲庖羲氏之號，而竝稱三皇，是一姓而再皇也。據鄒子五德之運，五行相生，以承其位也。燧人祝融，皆以火德王，而與炎帝竝稱皇，是以火濟火也。皇者，美大難名，帝者，克配上帝，王者，貫通三才，其名不同，其實一也。皇，神化而莫違，帝，高居而不冒，王，天下所歸往，天祐之，民戴之，其德同也。三皇之世如春，五帝之世如夏，三王之世如秋，非春不生，非夏不長，非秋不成，其時不同也。而功同，三王異世，不相襲禮，五帝殊時，不相沿樂，曰作曰述，或革或因，其政不同也。而道同，天覆地載，四時運行，寒暑

代謝。以成歲功。其爲成物均也。日月照臨。金水內景。火外景。聖德光照。旁及四海。其爲明一也。饑者思食。渴者思飲。寒者就暄。暍者趨蔭。其欲不同。而皆得所欲也。故皇帝、帝王。皆有天下者之通號也。是以三皇以來。皆曰王天下。而夏殷之主。猶然以帝稱。傳曰。今之王。古之帝也。是豈有高下。隆汙之殊哉。故諸侯不得稱王。稱王者。僭也。自徐偃吳楚始也。天無二日。民無二王。國無二主。尊無二上。故諸侯不得相推爲王。相推者。亂也。自徐州之役始也。既列國皆稱王矣。復以王爲不足。而相尊以帝。若此者。悖也。自秦昭齊閔始也。王者。天子之稱。霸者。疆侯之號。未有兼稱霸王者。而兼稱之陋也。自項籍爲之也。書曰。皇帝清問下民。古之稱帝以皇者。皇帝。猶皇王也。言大君也。而云古有泰皇。因去泰著皇。采帝號。而合稱之。以爲有天下者之尊名。自秦政始也。古者五等之爵。公侯伯子男。未有以王命其臣者。而功臣子弟皆得以封王。自漢高始也。





### 太古第三

太皞紀 女媧附

【帝王世紀】太昊帝庖犧氏風姓也。燧人之世有巨人跡出于雷澤。華胥以足履之。有娠。生伏羲于成紀。蛇身人首。有聖德。（三墳）伏犧氏。燧人子也。因風而生。故風姓。〔詩含神霧〕大跡出雷澤。華胥履之。生宓戲。長九尺一寸。望之、廣、視之、專。〔孝經援神契〕伏犧大目。山準。日角。而連珠衛。〔白虎通〕伏犧祿衡連珠。唯大目。鼻龍伏。作易八卦以應樞。

【拾遺記】春皇者庖犧之別號。所都之國有華胥之洲。神母遊其上。有青虹繞神母。久而方滅。卽覺有娠。歷十二年而生庖犧。長頭修目。龜齒龍脣。眉有白毫。髮垂委地。或人曰。歲星十二年一周天。今叶以天時。且聞聖人生皆有祥瑞。昔者人皇蛇身九首。肇自開闢。於時日月重輪。山明海靜。自爾以來。爲陵成谷。世歷推移。難可紀算。比於聖德。有踰前皇。

【帝王世紀】燧人氏沒。庖犧氏代之。繼天而王。首德于木。爲百王先。帝出於震。未有所因。故位在東方。主春。象日之明。是稱太昊。都陳。（遁甲開山圖）伏犧生成起。徙治陳倉。仇夷山四面絕立。大昊之治也。

【漢書】太昊帝。易曰。炮犧氏之王天下也。言炮犧繼天而王。爲百王先。首德始於木。故爲帝太昊。



履	兌	睽	歸	中	節	損	臨
同人	革	離	豐	家人	既濟	賁	夷
无妄	隨	噬嗑	震	益	屯	頤	復
姤	大過	鼎	恆	巽	井	蠱	升
訟	困	未濟	解	渙	坎	蒙	師
遯	咸	旅	小過	漸	蹇	艮	謙
否	萃	晉	豫	觀	比	剝	坤

○此伏羲氏易。有畫無文。所謂八卦成列。因而重之。爲六十四卦者也。諸家官重卦者。或曰神農。或曰文王。皆非。

【尸子】伏羲始畫八卦。列八節。而化天下。〔春秋內事〕伏羲捕列三光。建分八節。以及應氣。凡二十四。消息福禍。以制吉凶。

【管子】慮戲作造六崧。以迎陰陽。作九九之數。以合天道。而天下化之。

【古史考】庖犧氏作卦。始有筮。其後殷時巫咸善筮。

【漢書】作網罟以田漁。取犧牲。故天下號曰炮犧氏。〔帝王世紀〕取犧牲以充庖廚。故號庖犧氏。是爲犧蟲。〔拾遺記〕庖者。包也。言包含萬象。以犧牲登薦於百神。

民服其聖。故曰庖犧。亦謂伏羲。變混沌之質。文宓其教。故曰宓犧。布主德於天下。元元之類。莫不尊焉。

【尸子】宓犧氏之世。天下多獸。故教民以獵。〔古史考〕伏羲氏作網。〔潛夫論〕結繩爲網以漁。〔世本〕芒氏作羅。○伏羲臣。

【古史考】伏羲制嫁娶。以儷皮爲禮。（拾遺記）始嫁娶。以修人道。

【孝經鉤命訣】伏羲樂曰立基。一云扶來。亦曰立本。

【世本】庖羲氏作瑟。五十絃。瑟。潔也。使人清潔於心。淳一於行。（楚辭注）伏羲氏作瑟。造駕辯之曲。

【史記】太帝使素女鼓五十絃瑟。悲帝禁不止。故破其瑟爲二十五絃。○正義曰。太帝。謂太昊伏羲氏。

【拾遺記】禮義文物。於茲始作。去巢穴之居。變茹腥之食。立禮教以導文。造干弋以飾武。絲桑爲瑟。均土爲埴。禮樂於是興矣。（古史考）羲皇造布。

【潛夫論】以龍紀。故爲龍師。而龍名。（宋符瑞志）有景龍之瑞。秋文耀鉤。伏羲作易。名官。

【三墳】命臣飛龍氏造六書。命臣潛龍氏作甲曆。伏制犧牛。冶金成器。教民炮食。易九頭爲九牧。因尊事爲禮儀。因龍出而紀官。因鳳來而作樂。命降龍氏倡率萬民。命水龍氏平治水土。命火龍氏炮治器用。因居方而置城郭。天下之民。號曰天皇。太昊伏羲有庖升龍氏。本通姓氏之後也。○三墳。此以伏羲爲憺人之子矣。又以伏羲爲飛龍氏。吳英爲潛龍氏。又上相共工。下相柏皇。及栗陸。赫胥。昆連。葛天。陰康。大庭。混沌諸氏。皆伏羲之臣。而女媧爲帝后。此其最妄誕者。不錄其辭。

【論語摘輔象】伏羲六佐。金提主化俗。曷明主建福。視默主災惡。紀通爲中職。仲起爲海陸。陽侯爲江海。

六佐出世。（河圖挺輔佐）伏羲禪於伯牛。鑽木作火。

【文子】伏羲氏之王天下也。枕石寢繩。殺秋約冬。○詳後。

【春秋命歷序】伏羲燧人始名物蟲鳥獸。

【史記】秦帝與神鼎一。一者一統天地萬物所繫終也。師古謂秦帝即太昊伏羲氏。以文在黃帝之前故也。

【帝王世紀】庖犧氏在位一百一十年崩葬南郡。外紀一百一十五年。《山海經》太皞生成男成鳥。成鳥生乘釐。乘釐生後照。後照是始巴人。女媧氏亦風

姓也。承庖犧制度亦蛇身人首。一號女希是爲女皇。楚辭注女媧人頭蛇身。一日七十化。《風俗通》俗說。天地初開闢。未有人民。女媧搏黃土爲人。劇務力不暇供。

乃引繩緝泥中。舉以爲人。故富貴賢知者。黃土人也。貧賤凡庸者。引緝人也。○荒唐。

【淮南子】往古之時。四極廢九州裂。天不兼覆地不周載。火熾炎而不滅。水浩洋而不息。猛獸食顛民。鷙鳥攫老弱。於是女媧鍊五色石以補蒼天。斷鼈足以立四極。殺黑龍以濟冀州。積蘆灰以止淫水。蒼天補四極。正淫水。涿冀州。狡蟲死。顛民生。背方州。抱圓天。和春陽夏。殺秋約冬。枕石寢繩。陰陽之所壅。沈不通者。竅理之。逆氣戾物。傷民厚積者。絕止之。當此之時。臥倨倨。興眇眇。一自以爲馬。一自以爲牛。其行蹢躅。其視瞑瞑。侗然皆得其和。莫知所由生。浮游不知所求。魍魎不知所往。當此之時。禽獸蝮蛇。無不匿其爪牙。藏其螫毒。無有攫噬之心者。其功烈上際九天。下契黃墟。名聲被後世。光暉重萬物。乘雷車。服駕應龍。驂青虬。援絕瑞。席蘿圖。黃雲絡。前白螭。後奔蛇。浮游消搖。道鬼神。登九天。朝帝於靈門。宓穆休於太祖之下。然而不彰其功。不揚其聲。隱真人之道。以從天地之固然。何則。道德上通。而智故消滅也。方州以背。方州以文。子以

稱伏羲氏。

伏戲女媧。不設法度。而以至德遺於後世。何則。至虛無純一。而不囁喋苛事也。

【風俗通】女媧禱祠神祈而為女媒。因置昏姻。（世本）隨作室。女媧作簧。帝系譜女媧命媧陵氏制都良管。以一天下之音。命聖氏為班管。合日月星辰。名曰充樂。歸

。昔女媧筮張幕枚占之。曰吉。昭昭九州。日月代極。平均土地。和合四國。（山海經）有神十人。名曰女媧之腸。化為神。爰處廣粟之野。橫道而處。

【帝王世紀】其末有諸侯共工氏。任知刑以強。伯而不王。（歸藏）共工。人面蛇身朱髮。楚辭注）康回。共工氏之名。

【漢書】祭典曰。共工氏伯九域。言雖有水德。在火木之間。非其序也。任知刑以彊。故伯而不王。周人譽其

行序。故易不載。○班氏世經。等以共工氏在戲農之間。記言女媧末年。共工氏戰而不勝。觸不周之山。天柱折。地維

俗通）共工氏之子曰彥。好遠游。舟車所至。足跡所逮。靡不窮覽。故祀以為祖神。

【管子】共工之王。水處什之七。陸處什之三。乘天勢以隘制天下。○此復稱王。其說與。

【帝王世紀】女媧氏沒。大庭氏王有天下。次有柏皇氏。中央氏。栗陸氏。驪連氏。赫胥氏。尊盧氏。祝融氏。混

沌氏。昊英氏。有巢氏。葛天氏。陰康氏。朱襄氏。無懷氏。皆襲庖犧之號。○大庭以下諸氏。漢書古今人表。俱在伏

無懷氏亦在伏犧前。故路史謂皆伏犧以前君號也。淮近世偽三墳出。以為皆伏犧之臣。此鑿空妄說。南軒曷為信之。尚書大傳）大庭氏土天下。五風並異。孝經鉤命訣）祝融樂曰屬緘。

【呂氏春秋】昔古朱襄氏之治天下也。多風而陽氣畜積。萬物散解。果實不成。故士達作為五弦瑟。以采

陰氣。以定羣生。昔葛天氏之樂。三人參牛尾。投足以歌。八闋。一曰載民。二曰玄鳥。三曰遂草木。四曰奮五

穀。五曰敬天常。六曰達帝功。七曰依地德。八曰總萬物之極。昔陰康氏之始。陰多滯伏而溝積。水道壅塞。

不行其原。民氣鬱闕而滯著。筋骨瑟縮不達。故作為舞以宣導之。○陰康。原作陶唐。下文有帝堯。故知此為陰康之訛。

渾淪未判。矇昧未分。天地混其體。日月含其輝。八卦隱其神。聖人藏其身。然後廓然既變。清濁乃陳。二儀立而陰陽交。六合拓而萬彙萌。舉萬物之紛頤。變動已併包於太極之中。非遞相生而轉相有也。蓋自開闢以來。易在天地之間。顧義蘊未宣。以待聖人之興起焉。唯伏羲氏爲能德洽上下。故天地垂文。河洛獻象。於是仰觀俯察。因自然之象數。法自然之變化。則象作易。以通神明。類萬物。而參贊位育之能事畢矣。故曰。變動不居。周流六虛。參伍以通其變。遂成天地之文。錯綜以極其數。遂定天下之象。雖其時有畫無文。文卽在畫之中也。逮其後。文王周公繫之。孔子贊之。人更三聖。世歷三古。故易之道大矣。今世之稱伏羲者。著在史策。不過作甲歷。制嫁娶。造琴瑟。教佃漁數事而已。蓋天地民物之理。已備於六十四卦之中。聖人猶留不盡之藏。以俟後聖之制作。不然。爻象具陳。何以衣裳棟宇。舟楫弧矢諸事。猶須炎黃以下之取象也哉。嗚呼。至矣。





# 釋史卷四

## 太古第四

### 炎帝紀

【帝王世紀】炎帝神農氏。姜姓也。母曰任姒。有蟪氏女。登爲少典妃。遊華陽。有神龍首。感生炎帝。人身牛首。長于姜水。有聖德。〔春秋元命苞〕少典妃安登。遊于華陽。有神龍首感之於常羊。生神子。人而龍顏。好耕。是爲神農。〔潛夫論〕赤帝魁隗。身號炎帝。世號神農。〔春秋命歷序〕有神人名石年。蒼色大眉。戴玉理。駕六龍。出地軸。號皇神農。〔水經注〕神農既誕。九井自穿。汲一井則衆水動。

【春秋元命苞】神農生三辰而能言。五日而能行。七朝而齒具。三歲而知稼穡般戲之事。

【潛夫論】代伏羲氏。其德火紀。故爲火師而火名。

【帝王世紀】繼無懷氏後。以火承木。位在南方。主夏。故謂之炎帝。都于陳。又徙魯。又曰魁隗氏。又曰連山氏。又曰列山氏。〔宋符瑞志〕炎帝有聖德。致大火之瑞。

【白虎通】古之人民。皆食禽獸肉。至于神農。人民衆多。禽獸不足。於是神農因天之時。分地之利。制耒耜。教民農作。神而化之。使民宜之。故謂之神農也。〔周書〕神農之時。天雨粟。神農遂耕而種之。作陶冶斤斧。爲耒耜。神農曰。〔禮含文嘉〕神農就田作耒耜。天應以穀。地應以醴泉。

【新語】民人食肉飲血。衣皮毛。至於神農。以爲行蟲走獸。難以養民。乃求可食之物。嘗百草之實。察酸苦之味。教民食五穀。

【淮南子】古者民茹草飲水。采樹木之實。食羸蝮之肉。時多疾病毒傷之害。於是神農乃始教民播種五穀。相土地宜。燥溼肥瘠。高下。嘗百草之滋味。水泉之甘苦。令民知所避就。當此之時。一日而遇七十毒。

【管子】神農作樹五穀。淇山之陽。九州之民。乃知穀食。而天下化之。〔古史考〕神農時。民食穀。釋米加燒石上而食之。〔孝經援神契〕神農耕桑得利。究年受福。〔尸子〕神農斂耕而王。所以勸耕也。神農夫。賈婦戴。以治天下。堯曰。朕之比神農。猶昏之仰旦也。

【文子】神農之法曰。丈夫丁壯不耕。天下有受其饑者。婦人當年不織。天下有受其寒者。故其耕不強者。無以養生。其織不力者。無以衣形。○後漢書注引。〔呂氏春秋〕神農之教曰。士有當年而不耕者。則天下或受其饑矣。女有當年而不績者。則天下或受其寒矣。故身親耕。妻親織。所以見致民利也。〔太玄經〕神農冬耕。被服純青。

【管子】神農之數曰。一穀不登。減一穀。穀之法什倍。二穀不登。減二穀。穀之法再什倍。夷疏滿之。無食者。予之陳。無種者。貸之新。故無什倍之買。無倍稱之民。

【本草經】神農稽首再拜。問於太一小子曰。鑿井出泉。五味煎煮。口別生熟。後乃食咀。男女異利。子識其父。曾聞太古之時。人壽過百。無殂落之咎。獨何氣使然邪。太一小子曰。天有九門。中道最良。日月行之。名曰國皇。字曰老人。出見南方。長生不死。衆耀同光。神農乃從其嘗藥。以救人命。〔述異記〕太原神釜岡。有神農嘗藥之鼎存焉。成陽山中。有

神農鞭藟處。一名神農原藟草山。山上紫陽觀。世傳神農於此辨百草。中有千年龍腦。〔搜神記〕神農以赭鞭鞭百草。悉知其平毒寒溫之性。臭味所主。以搗百穀。故天下號神農也。〔搜神記〕上藥一百二十種。爲

君。主養命。以應天。無毒多服。久服不傷人。欲輕身益氣。不老延年者。本上經。中藥一百二十種。爲臣。主養

性。以應人。無毒有毒。斟酌其宜。欲遏病補虛羸者。本中經。下藥一百二十五種。爲佐使。主治病。以應地。多

毒。不可久服。欲除寒熱邪氣。破積聚愈病者。本下經。三品合三百六十五種。法三百六十五度。一度應一

日。以成一歲。〔博物志〕神農經曰。上藥養命。謂五石之鍊形。六芝之延年也。中藥養性。謂合歡鴛鴦。萱草忘憂。下

藥。失其應。卽怨天尤人。設鬼神矣。〔藥治病〕謂大黃除實。當歸止痛。天命之所以延。性之所以利。病之所以止。當其藥。應以病也。違其

【春秋命歷序】神農始立地形。甄度四海遠近。山川林藪所至。東西九十萬里。南北八十二萬里。〔春秋元命苞〕神

農世。怪叢生白阜。圖地形脈道。

【帝王世紀】諸侯夙沙氏。叛不用命。箕文諫而殺之。災帝退而修德。夙沙之民。自攻其君。而歸炎帝。〔說文〕

古者宿沙。刃作者海鹽。○或云在帝魁之世。〔漢書〕太壹兵法一篇。神農兵法一篇。

【漢書】神農之教曰。有石城十仞。湯池百步。帶甲百萬。而無粟。不能守也。

【孝經鉤命訣】神農樂曰下謀。一名扶持。

【說文】琴。禁也。神農所作。洞越練朱五弦。〔新論〕神農氏爲琴七弦。足以通萬物而考理亂也。〔琴清英〕昔神農造琴。以定神。齊姒。去邪欲。反天真者也。

【潛夫論】日中爲市。致天下之民。聚天下之貨。交易而退。各得其所。

【三墳】

人皇神農氏政典

政典曰。惟天生民。惟君奉天。惟食喪祭衣冠教化。一歸於政。皇曰。我惟生無德。咸若古政。

嗟爾四方之君。有官有業。乃子乃父。乃兄乃弟。無亂於政。昔二君始王。未有書契。結繩而治。交易而生。亦惟歸政。昔在天皇。肇修文教。始畫八卦。明君臣民物陰陽兵象。以代結繩之政。出言惟辭。制器惟象。動作惟變。卜筮惟占。天皇氏歸氣。我惟代政。惟若古道。以立政。皇曰。正天時。因地利。惟厚於民。民惟邦本。食惟民。天農不正。食不豐。民不正。業不專。惟民有數。惟食有節。惟農有教。林林生人。無亂政典。政典曰。君正一道。二三凶。臣正一德。有常吉。時正惟四。色正惟五。惟質惟良。病正四百四。藥正三百六十五。過數乃亂。而昏而毒。道正常。過政反僻。刑正平。過政反私。祿正滿。過政反侈。禮正度。過政反僭。樂正和。過政反流。治正簡。過政反亂。喪正哀。過政反遊。干戈正亂。過政反危。市肆正貨。過政反邪。譏禁正非。過政失用。皇曰。嗟爾有官有業。乃子乃父。乃兄乃弟。咸若我辭。一歸於正。皇曰。君相信任惟正。相君備位惟忠。相官統治惟公。官相代位惟勤。民官撫愛惟仁。官民事上惟業。父無不義。厥子惟孝。兄無不友。厥弟惟恭。夫不遊。妻不淫。師不怠。教不失。刑者形也。形爾身。道者導也。導爾志。禮者制也。制爾情。樂者和也。和爾聲。政者正也。正其事。

○摹古  
自佳。

【淮南子】昔者神農之治天下也。神不馳於胷中。智不出於四域。懷其仁誠之心。甘雨時降。五穀蕃植。春生夏長。秋收冬藏。月省時考。歲終獻功。以時嘗穀。祀于明堂。明堂之制。有蓋而無四方。風雨不能襲。寒暑

不能傷。遷延而入之。養民以公。其民樸重。端慤。不忍爭而財足。不勞形而功成。因天地之資而與之和。同是故歲厲而不殺。刑錯而不用。法省而不煩。故其化如神。其地南至交趾。北至幽都。東至暘谷。西至三危。莫不聽從。當此之時。法寬刑緩。囹圄空虛。而天下一俗。莫懷姦心。

【尸子】神農理天下。欲雨則雨。五日爲行雨。旬爲穀雨。旬五日爲時雨。正四時之制。萬物咸利。故謂之神。〔神農求雨書〕春夏雨日而不雨。甲乙。命爲青龍。又爲火龍。東方小童舞之。丙丁不雨。命爲赤龍。南方壯者舞之。戊己不雨。命爲黃龍。壯者舞之。庚辛不雨。命爲白龍。又爲火龍。西方老人舞之。壬癸不雨。命爲黑龍。北方老人舞之。如此不雨。潛戲闔南門。置水其外。開北門。取人骨埋之。如此不雨。命巫祝而暴之。如此不雨。神仙積薪擊鼓而焚之。  
〔拾遺記〕炎帝以教民耒耜。躬勸畝之事。百穀滋阜。聖德所感。無不感焉。神芝發其異色。靈苗擢其嘉穎。陸地丹鷄駢生如蓋。香露滴漑。下流成池。四爲象龍之圃。朱草蔓衍於街衢。卿雲蔚藹於叢薄。築圓丘以祀朝日。飾瑤塔以揖夜光。奏九天之相。百獸率舞。八音克諧。木石潤澤。時有流雲灑液。是謂霞漿。服之得道。後天而老。有石磷之玉。號曰夜明。以閤投水。浮而不滅。常以爲器。漸革庖犧之朴。辨文物之用。時有丹雀銜九穗禾。其墜地者。帝乃拾之。以植於田。食者老而不死。援峻鍤之銅以爲器。峻。鍤。山名也。下有金井。白氣冠其上。人升於其間。雷霆之聲。在於地下。井中之金。柔弱。可以緘膝也。

【莊子】芻荷甘與神農同學於老龍吉。神農隱几闔戶。晝暝。芻荷甘日中麥戶而入。曰。老龍死矣。神農隱几擁杖而起。曝然放杖而笑。曰。天知予僻陋慢訑。故棄予而死已矣。夫子無所發予之狂言而死矣。夫弇堯弇聞之。曰。夫體道者。天下之君子所繫焉。今於道。秋毫之端。萬分未得處一焉。而猶知藏其狂言而死。又況夫體道者乎。〔列仙傳〕赤松子。神農時雨師也。服冰玉。以教神農。能入火自燒。竇風雨上下。炎帝少女追之。亦得仙。俱去。至高辛時。復爲雨師。〔山海經〕發鳩之山有焉焉。其狀如鳥。文首白喙赤足。名曰精衛。其鳴自。是炎帝之少女。名曰女娃。女娃遊於東海。溺而不返。故爲精衛。常銜西山之木石。以溷於東海。炎帝之妻。赤水之子。聽妖生炎居。炎居生節竝。節竝生戲器。戲器生祝融。祝融降處於江水。生共工。共工生術器。

備器首方顛。是復土穰。以處江水。共工生后土。后土生噎鳴。噎鳴生歲十有二。炎帝之孫伯陵。伯陵同吳權之妻阿女緣婦。緣婦孕三年。是生鼓延父。始爲侯。鼓延是始爲鐘爲樂風。有互人之國。炎帝之孫名曰靈寗。靈寗生互人。是能上下於天。

○互與氏同。

【帝王世紀】炎帝神農氏在位百二十年崩葬長沙凡八世帝承帝臨帝明帝直帝來帝哀帝榆罔。○外紀。

神農在位四十年帝臨繼八十年帝承六十年帝明四十九年帝直四十五年帝來四十八年帝哀四十二年帝榆罔五十五年。前編匠之。〔春秋命歷序〕炎帝號曰大庭氏。傳八世。合五百二十歲。〔尸子〕神農氏七十世有天下。豈每世賢哉。牧民易也。

稽古農皇。生而神異。少知稼穡。起自少典。乃登帝位。當其爲帝也。禪與代與。所不可知。至其功被生民。澤及萬世。迄于今載。在祀典。誠沒世而不可泯也。民食肉衣毛。則有毒傷難給之害。爲之粒食以養之。揉繫耒耜。利教農桑。夫耕婦織。則免於饑寒。而享豐年樂利之休矣。民有疾病天札。而無以療之。則其生不遂。爲之鞭草菅藥。察其平毒溫寒之性。以爲醫方。則民無沴戾災疾。而登於仁壽之域矣。衣食備而不通工易事。則未免於匱乏積滯之患。爲日中之市。聚其商賈。平其物價。交易而退。各得其所。則財貨通流。厚生利用。無不得其欲矣。當其時。補遂伐而武功昭。夙沙歸而文德著。法不煩而民服。形不勞而功成。風雨時節。五穀蕃登。政醇民樸。天地和同。化被四極。遐邇承風。一百四十年間。雖其政治不少。概見。意必有所以不疾而速。無爲而成者。不然。三皇皆至德。而帝獨以神稱。何謂也哉。傳十有六帝。或

其分封則齊呂申許州紀路洛血食數千載不絕。猗與盛哉。神農之明德遠矣。





# 釋史卷五

## 太古第五

### 黃帝紀

【史記】黃帝者少典之子。姓公孫。名曰軒轅。生而神靈。弱而能言。幼而徇齊。長而敦敏。成而聰明。（帝王世紀）黃帝

少典之子。姬姓也。母曰附寶。見大電繞北斗樞星。照郊野。感附寶。孕二十四月。生黃帝于壽丘。長于姬水。有聖德。受國于有熊。居軒轅之丘。故因以爲名。又以爲號。〔河圖握拒〕黃帝名軒。北斗黃神之精。曾文曰黃帝子。〔孝經鉤命訣〕附寶出。降大靈。生帝軒。〔拾遺記〕軒轅出自有熊之國。母曰吳樞。以戊巳之日生。故以土德稱王也。時有黃星之祥。○五行書云。以戊子日生。〔白虎通〕黃帝龍顏。得天匡陽。上法中宿。取象文昌。

【鬻子】黃帝十歲。知神農之非。而改其政。○今本無。

【史記】軒轅之時。神農氏世衰。諸侯相侵伐。暴虐百姓。而神農氏弗能征。於是軒轅乃習用干戈。以征不享。諸侯咸來賓從。而蚩尤最爲暴。莫能伐。炎帝欲侵陵諸侯。諸侯咸歸軒轅。軒轅乃修德振兵。治五氣。藝五種。撫萬民。度四方。教熊羆貔貅羆虎。以與炎帝戰于阪泉之野。三戰然後得其志。

【帝王世紀】神農氏衰。黃帝修德撫民。諸侯咸去神農而歸之。黃帝於是乃擾馴猛獸。與神農氏戰于阪泉之野。三戰而克之。○神農氏後世德衰。非指炎帝之身也。班固云炎帝參虛。皇甫謐云帝榆罔者。是。

【新書】炎帝者。黃帝同母異父兄弟也。各有天下之半。黃帝行道。而炎帝不聽。故戰於涿鹿之野。血流漂

杵。○史注引。作同父母弟。國語云。少典生炎帝黃帝。成而異德。用師以相濟也。賈誼書蓋本此。然炎帝傳數世。至末帝榆罔而亡。豈猶有兄弟黃帝存哉。此說未詳。(歸藏)黃帝與炎帝爭鬪涿鹿之野。將戰。魃於巫咸。巫咸曰。果哉。而有咎。○史稱克炎帝于阪泉。擒蚩尤于涿鹿。本兩事也。而諸書多言戰炎帝涿鹿之野。當是舛誤。或云蚩尤亦自號炎帝。

【史記】蚩尤作亂。不用帝命。於是黃帝乃徵師諸侯。與蚩尤戰于涿鹿之野。遂禽殺蚩尤。而諸侯咸尊軒轅爲天子。代神農氏。是爲黃帝。(漢書)兵。形勢。蚩尤二篇。(尸子)蚩尤作治。

【帝王世紀】又徵諸侯。使力牧神皇直討蚩尤氏。擒于涿鹿之野。使應龍殺之于凶黎之丘。凡五十二戰。而天下大服。

【周書】昔天之初。口作二后。乃設建典命。赤帝分正二卿。命蚩尤于宇少昊。以臨四方。司口口上天莫成之慶。蚩尤乃逐帝。爭于涿鹿之河。九隅無遺。赤帝大懼。乃說于黃帝。執蚩尤。殺之于中冀。以甲兵釋怒。用大正順天。思序紀于大帝。用名之曰絕轡之野。乃命少昊。請司馬鳥師。以正五帝之官。故名曰質。天用大成。至于今不亂。○此說炎帝命蚩尤居少昊。而蚩尤攻逐炎帝。黃帝乃執蚩尤殺之。復別命少昊也。第古書殘闕。難考矣。

【龍魚河圖】黃帝時。有蚩尤兄弟八十一人。竝獸身人語。銅頭鐵額。食砂石子。造立兵杖刀戟大弩。威振天下。誅殺無道。不仁慈。萬民欲令黃帝行天子事。黃帝仁義。不能禁蚩尤。黃帝仰天而歎。天遣玄女下授黃帝兵信神符。制伏蚩尤。帝因使之主兵。以制八方。蚩尤沒後。天下復擾亂。黃帝遂畫蚩尤形像。以威天下。天下咸謂蚩尤不死。八方萬邦。皆爲弭服。○藝文引。與史注小異。(玄女兵法)蚩尤幻變多方。微風召雨。吹煙噴霧。黃帝師衆大迷。帝歸息太山之阿。昏然憂寢。王母遣使者被

玄狐之裘。以符授帝。佩符既畢。王母乃命九天玄女授帝以三宮五音陰陽之略。太乙遁甲六壬步斗之術。陰符之機。靈寶五符五勝之文。遂克蚩尤于中冀。黃帝攻蚩尤三年城不下。得術士伍胥。問之。胥曰。是城中之將。白色陶音。帝之始攻。得無以秋之東方行乎。今帝爲青色角音。此雄軍也。請以戰爲。帝曰。爲之若何。曰。請攻三日。城必下。乃設五旗五軍。已具。四面攻之。三日。城果下。

【歸藏】蚩尤出自羊水。八肱八趾。疏首。登九淖以伐空桑。黃帝殺之於青丘。作囑鼓之曲十章。一曰雷震。驚。二曰猛虎駭。三曰鷲鳥擊。四曰龍媒蹀。五曰靈夔吼。六曰鵬鷄爭。七曰壯士奪志。八曰能熊哮。九曰石盪崖。十曰波濤壑。（春秋元命苞）蚩尤虎捲。威文立兵。

【黃帝內傳】黃帝伐蚩尤。玄女爲帝製夔牛鼓八十面。一震五百里。連震三千八百里。（山海經）東海中有流沙山。入海七千里。其上有獸。狀如牛。蒼身而無角。一足。出入水則必風雨。其光如日月。其聲如雷。其名曰夔。黃帝得之。以其皮爲鼓。概以雷獸之骨。聲聞五百里。以威天下。玄女爲帝制司南車當其前。記里鼓車居其右。

【古今注】黃帝與蚩尤戰于涿鹿之野。蚩尤作大霧。兵士皆迷。於是作指南車以示四方。遂擒蚩尤而卽帝位。故後常建焉。黃帝與蚩尤戰于涿鹿之野。常有五色雲氣。金枝玉葉。止於帝上。有花葩之象。故因而作華蓋也。

【山海經】蚩尤作兵伐黃帝。黃帝乃令應龍攻之冀州之野。應龍畜水。蚩尤請風伯雨師縱大風雨。黃帝乃下天女曰魃。雨止。遂殺蚩尤。魃不得復上。所居不雨。叔均言之帝。後置之赤水之北。叔均乃爲田祖。魃時亡之。所欲逐之者。令曰。神北行。先除水道。決通溝瀆。應龍處南極。殺蚩尤與夸父。不得復上。故下數旱。

旱而爲應龍之狀。乃得大雨。

【拾遺記】昆吾山。其下多赤金色。如火。昔黃帝伐蚩尤。陳兵於此。地掘深百尺。猶未及泉。惟見火光如星。地中多丹。鍊石爲銅。銅色青而利。

【鹽鐵論】軒轅戰涿鹿。殺兩降蚩尤而爲帝。

【黃帝內傳】黃帝斬蚩尤。蠶神獻絲。乃稱織維之功。

【拾遺記】軒轅去蚩尤之凶。遷其民善者於鄒屠之地。遷惡者於有北之鄉。其先以地名族。後分爲鄒氏屠氏。〔山海經〕蚩尤所棄其桎梏。是謂楓木。夸父與日逐走。入日。渴欲得飲。飲其河渭。河渭不足。北飲大澤。未至。道渴而死。棄其杖。化爲鄒林。〔皇覽〕蚩尤冢在東平郡壽張縣臨鄉城中。高七丈。民常以十月祀之。有赤

氣出。如匹絳帛。民名爲蚩尤旗。肩髀冢在山陽郡鉅野縣。重築大小與闕冢等。傳言黃帝與蚩尤戰于涿鹿之野。黃帝殺之。身體異處。故別葬之。

【記史】有土德之瑞。故號黃帝。

【呂氏春秋】黃帝之時。天先見大螾大螻。黃帝曰。土氣勝。土氣勝。故其色尙黃。其事則土。〔春秋演孔圖〕黃帝之將興。黃雲

升于堂。〔春秋考異郵〕黃帝將興。有黃帝赤頭。立日旁。帝占曰。黃者。土精。赤者。火榮。雀者。賞萌。余當立大功乎。〔春秋合誠圖〕黃帝德冠帝位。

【萬機論】黃帝之初。養性愛民。不好戰伐。而四帝各以方色稱號。交共謀之。邊城日警。介冑不釋。黃帝歎曰。君危於上。民不安於下。主失於國。其臣再嫁。厥疾之由。非養寇邪。今取民萌之上。而四道亢衡。遞震予師。於是遂師營壘。以滅四帝。向令黃帝若不能驤虎變。而與俗同道。則其民臣亦嫁於四帝矣。

【史記】天下有不順者。黃帝從而征之。平者去之。披山通道。未嘗寧居。東至于海。登丸山。及岱宗。西至于空桐。登雞頭。南至于江。登熊湘。北逐葷粥。合符釜山。而邑于涿鹿之阿。（帝王世紀）黃帝都于涿鹿。遷徙往來無常處。以兵師爲營衛。（古史考）黃帝作怒。所以建武。揚德。風勸戰士也。〔世本〕揮作弓牟。夷作矢。〔古今注〕短籟鏡歌。軍樂也。黃帝使成伯所作也。十四以警象。謂帝鑿鉞鏡以提電之聲。〔漢書〕兵。陰陽。黃帝十六篇。圖三卷。

【風后握奇經】天地風雲龍虎鳥蛇四爲正。四爲奇。餘奇爲握機。或總稱之。先出遊軍。定兩端。天有衡。地有軸。前後有衝。風附於天。雲附於地。天衡重列。各四隊。前後之衝。各四隊。風居四維。故以圓地軸單列。各三隊。前後之衝。各三隊。雲居四角。故以方天居兩端。地居中間。總爲八陳。陳訖。遊軍從後躡敵。或驚其左。或驚其右。聽音望塵。以出四奇。天地之前衝。爲虎翼風。爲蛇蟠。圍繞之義也。虎居於中。張翼以進。蛇居兩端。向敵而蟠。以應之。天地之後衝。爲飛龍雲。爲鳥翔。突擊之義也。龍居於中。張翼以進。鳥掖兩端。向敵而翔。以應之。虛實二壘。皆逐天文氣候。山川向背。利害隨時而行。以正合。以奇勝。天地以下。八重以列。或曰握機望敵。卽引其後。以犄角。前列不動。或合而爲一。因離而爲八。各隨師之多寡。觸類而長。天或圓而不動。前爲右。後爲左。天地四望之屬。是也。天居兩端。其次風。左右相向。是也。地方布風雲。各在前後衝之前。天居兩端。其次地居中間。兩地爲比。是也。從布天。一次之。從布地。四次於天衝後。從布四風。挾天地之左右。天地前衝居其右。後衝居其左。雲居兩端。虛實二壘。則此是也。○一曰握機。或言首十九字。風后經。以下太公傳也。

【論語摘輔象】黃帝七輔。風后受金法。天老受天籙。五聖受道級。知命受糾俗。窺紀受變復。地典受州絡。力墨受準斥。州選舉。翼佐帝德。○力墨。蓋即力牧。

【帝王世紀】黃帝以風后配上台。天老配中台。五聖配下台。謂之三公。其餘知命、規紀、地典、力牧、常先、封胡、孔甲等。或以為師。或以為將。

【管子】黃帝得六相。而天地治。神明至。蚩尤明乎天道。故使為當時。大常察乎地利。故使為廩者。奢龍辨乎東方。故使為士師。祝融辨乎南方。故使為司徒。大封辨乎西方。故使為司馬。后土辨乎北方。故使為李春。故者。土師也。夏者。司徒也。秋者。司馬也。冬者。李也。（尸子）子貢問於孔子曰：古者黃帝四面。信乎？孔子曰：黃功。此之謂四面也。（春秋內事）黃帝師於風后。風后善於伏羲之道。故推演陰陽之事。○外禮云：風后明乎天道。管子稱蚩尤者。疑誤。（漢書）黃帝李法曰：璧壘已定。穿箭不繇路。是謂姦人。姦人者殺。

【史記】官名皆以雲命為雲師。舉風后。力牧。常先。大鴻。以治民。○杜預曰：黃帝受命。有雲瑞。故百官師長皆紀。黃帝夢大風吹天下之塵垢皆去。又夢人執千鈞之弩。驅羊萬羣。帝寤而歎曰：風為號令執政者也。垢去土。后在也。天下豈有姓風名后者哉。夫千鈞之弩。單力者也。驅羊數萬羣。能牧民為善者也。天下豈有姓力名牧者哉。於是依二

占而求之。得風后於海隅。登以為相。得力牧於大澤。進以為將。黃帝因著占夢經十一卷。（漢書）道家。力牧二十二篇。兵。陰陽封胡五篇。風后十三卷。圖二卷。力牧十五篇。鳩治子一篇。圖一卷。鬼谷區三卷。圖一卷。地典六篇。○注俱云黃帝之臣。雜家。孔甲。神農以前尚矣。蓋黃帝考定星歷。建立五行。起消息。正閏餘。於是有天地神祇物類之官。是謂五官各司其序。不相亂也。民是以能有信。神是以能有明德。民神異業。敬而不瀆。故神

降之嘉生。民以物享。災禍不生。所求不匱。（論語撰考識）黃帝受地形象天文以制官。

【淮南子】黃帝治天下而力牧太山稽輔之以治日月之行律治陰陽之氣節四時之度正律歷之數別男女異雌雄明上下等貴賤使強不掩弱衆不暴寡人民保命而不夭歲時熟而不凶百官正而無私上下調而無尤法令明而不闇輔佐公而不阿田者不侵畔漁者不爭隈道不拾遺市不豫賈城郭不關邑無盜賊鄙旅之人相讓以財狗彘吐菽粟於路而無忿爭之心

【史記】順天地之紀幽明之占死生之說存亡之難時播百穀草木淳化鳥獸蟲蛾旁羅日月星辰水波

土石金玉勞勤心力耳目節用水火材物〔拾遺記〕軒轅考定曆紀吹玉律正璇衡〔世本〕大撓作甲子容成

木述耕種之利因之以廣耕種〔世本〕雍父作春○黃帝

【三墳】地皇軒轅氏政典皇曰嗟爾天師億相五正百官士子農夫商人工技咸若我言政典曰國無邪教市無淫

貨地無荒土官無濫土邑無游民山不童澤不涸其正道至矣正道至則官有常職民有常業父子不背恩夫婦不背情兄弟不去義禽獸不失長草木不厚生政典曰方圓角直曲斜凹凸必有形遠近高下長短疾緩必有制寒暑燥溼風雨逆順必有時金木水火土石羽毛必有濟布帛桑麻觔角齒革必有用百工器用必有制聖人治天下權以聚財財以施智智以備賢賢以備道道以統下下以事上上以施仁仁以保位位以制義義以備禮禮以制情情以敦信信以一德德以明行行以崇教教以歸政政以崇化化以順性性以存命命以保生生以終壽皇曰岐伯天師爾司日月星辰陰陽曆數爾正爾考無有差貸先

時者殺不及時者殺。爾惟戒哉。皇曰：后土中正。爾職山川。草木蟲魚鳥獸。爾掌爾察。無亂田制。以作田訟。爾惟念哉。皇曰：龍東正。爾分爵祿。賢智爾咨。爾行無掩大賢。以恠財。無庇惡德。以私賞。皇曰：融南正。爾平禮服。祭祀爾正。惟無亂國制。以僭上。無廢祀事。以簡恭。爾惟念哉。皇曰：大封西正。爾分干戈。刑法爾掌。爾平。皇曰：大常北正。爾居田制。民事爾訓。爾均百工。惟良山川。爾圖。爾惟勤恭哉。皇曰：天師備相。五正百官。士子農夫。商人工技。咸若我言。終身於休矣。○文理淺謬不必辯。如土農工商衍爲八字。卽備極庸陋。乃其所命五官。既非史記所稱。復與管子錯謬。

【新語】天下人民野居穴處。未有室屋。則與鳥獸同域。於是黃帝乃伐木構材。築作宮室。上棟下宇。以避風雨。（白虎通）黃帝作宮室以避寒暑。此宮室之始也。（黃帝內傳）帝既斬蚩尤。因立臺榭。無屋曰臺。有屋曰榭。○外紀云。帝作合宮。祀上帝。布政教。

【管子】黃帝問於伯高曰：吾欲陶天下而以爲一家。爲之有道乎。伯高對曰：請刈其蕘而樹之。吾謹逃其蚤牙。則天下可陶而爲一家。黃帝曰：若此言可得聞乎。伯高對曰：上有丹沙者。下有黃金。上有慈石者。下有銅金。上有陵石者。下有鉛錫赤銅。上有赭者。下有鐵。此山之見榮者也。苟山之見其榮者。君謹封而祭之。距封十里。而爲一壇。是則使乘者下行。行者趨。若犯令者。罪死不赦。然則與折取之遠矣。修教十年。而葛盧之山。發而出水。金從之。蚩尤受而制之。以爲劍鎧矛戟。是歲相兼者諸侯九。雍狐之山。發而出水。金從之。蚩尤受而制之。以爲雍狐之戟。芮戈。是歲相兼者諸侯十二。○據此。黃帝臣蚩尤矣。河圖云。黃帝伏蚩尤。使主兵。是也。黃帝之王。謹逃其爪牙。不利其器。燒山林。破增藪。焚沛澤。逐禽獸。實以益人。然後天下可得而牧也。



【古史考】黃帝作車。引重致遠。少昊時。略加牛。禹時。奚仲加馬。〔世本〕影作服牛共鼓。魯抄作馬。〔拾遺記〕軒轅變乘桴以造舟楫。

【漢書】黃帝作舟車以濟不通。旁行天下。方制萬里。畫墾分州。得百里之國萬區。〔帝王世紀〕自神農以上。有大九州。柱州迎州神州。

之等。黃帝以來。德不及遠。惟於神州之內分爲九州。黃帝受命。風后受圖。割地布九州。置十二國。

【史記】置左右太監。監于萬國。萬國和而鬼神山川封禪。與爲多焉。〔論語識〕軒知地利。九牧倡教。〔拾遺記〕置四史以主圖籍。使九行之士以統萬

國。九行者。孝、慈、文、信、言、忠、恭、勇、義。以觀天地。以祠萬靈。亦爲九德之臣。詔令百辟羣臣受德教者。先列珪玉於蘭蒲席上。然沈榆之香。春雜寶爲屑。以沈榆之膠和之。爲泥以塗地。分別尊卑華戎之位也。〔易林〕黃帝

出遊。駕龍乘鳳。東上太山。南遊齊魯。邦國咸喜。獲寶鼎。迎日推策。高帝得寶鼎。宛胸問於鬼臾區。鬼臾區對曰。黃帝得寶鼎

神策。是歲己酉朔旦冬至。得天之紀。終而復始。於是黃帝迎日推策。後率二十歲復朔旦冬至。凡二十推

三百八十年。黃帝僊登于天。封禪七十二王。唯黃帝得上太山封。黃帝時。封則天旱。乾封。黃帝時。

萬諸侯。而神靈之封居七千。天下名山八。而三在蠻夷。五在中國。中國華山、首山、太室、太山、東萊。此五山。

黃帝之所常游。與神會。黃帝且戰且學僊。患百姓非其道者。乃斷斬非鬼神者。百餘歲。然後得與神通。黃

帝郊雍上帝。宿三月。鬼臾區號大鴻。死葬雍。故鴻冢是也。其後黃帝接萬靈明廷。明廷者。甘泉也。所謂寒

門者。谷口也。○史載方士說。多妄。

【論衡】倉頡四日爲黃帝史。

【淮南子】蒼頡作書。而天雨粟。鬼夜哭。史皇生而能書。〔世本〕史皇作畫。○外紀曰。或云倉帝名頡。創文字。在戲伏以前。或云黃帝命倉頡爲左史。制字。使天

下義理必請文字。天下文字必歸六書。（孝經援神契）奎主文章。蒼頡效象洛龜。禮書丹青。垂而畫字。○宋均注曰。金星屈曲相鈎。似文字之畫。蒼頡視龜而作書。則河洛之應。與人意所惟通矣。（衛出書勢）黃帝之史。沮誦蒼頡。既彼鳥迹。始作書契。紀綱萬事。垂法立則。（河圖玉版）倉頡爲帝。南巡。登陽虛之山。臨于玄扈洛汭之水。靈龜負書。丹甲青文。以授之。（春秋元命苞）倉帝史皇氏。名頡。姓侯岡。龍顏侈侈。四目靈光。實有睿德。生而能書。及受河圖繳字。於是窮天地之變。仰觀奎星圓曲之勢。俯視龜文鳥羽山川。指掌而創文字。天爲雨粟。鬼爲夜哭。龍乃潛藏。治下有一十載。都於陽武。終莽術之利。擲亭。○此說倉頡帝號。非史臣矣。

【拾遺記】軒轅始造書契。服冕垂衣。故有袋龍之頌。（世本）黃帝作旃冕。胡曹作冕。余作衣囊。於則作屏。○俱黃帝臣。

【呂氏春秋】昔黃帝令伶倫作爲律。伶倫自大夏之西。乃之阮隰之陰。取竹於嶰谿之谷。以生空竅厚鈞者。斷兩節。其長三寸九分。而吹之。以爲黃鍾之宮。次日。舍少次。制十二筒。以之阮隰之下。聽鳳凰之鳴。以別十二律。其雄鳴爲六。雌鳴亦六。以此黃鍾之宮。適合黃鍾之宮。皆可以生之。故曰黃鍾之宮。律呂之本。黃帝又命伶倫與榮將鑄十二鍾。以和五音。以施英韶。以仲春之月。乙卯之日。日在奎。始奏之。命之曰咸池。（易是類謀）聖人興起。不知姓名。當吹律聽聲。以別其姓。黃帝吹律以定姓。是也。（世本）伶倫造鐘。黃帝使素女鼓瑟。哀不自勝。乃破爲二十五絃。具二均聲。○史作太帝。注。謂伏羲也。

【管子】黃帝以其緩急作五聲。以政五鍾。令其五鍾。一曰青鍾。大音。二曰赤鍾。重心。三曰黃鍾。灑光。四曰景鍾。昧其明。五曰黑鍾。隱其常。五聲既調。然後作立五行。以正天時。五官以正人位。人與天調。然後天地之美生。

【莊子】北門成問於黃帝曰。帝張咸池之樂於洞庭之野。吾始聞之。懼。復聞之。息。卒聞之。而感。蕩蕩默默。乃不自得。帝曰。女殆其然哉。吾奏之以人。徵之以天。行之以禮義。建之以太清。夫至樂者。先應之以人事。

順之以天理。行之以五德。應之以自然。然後調理四時。太和萬物。四時迭起。萬物循生。一盛一衰。文武倫經。一清一濁。陰陽調和。流光其聲。蟄蟲始作。吾驚之以雷霆。其卒無尾。其始無首。一死一生。一債一起。所常無窮。而一不可待。女故懼也。吾又奏之以陰陽之和。燭之以日月之明。其聲能知能長。能柔能剛。變化齊一。不主故常。在谷滿谷。在阬滿阬。塗卻守神。以物爲量。其聲揮綽。其名高明。是故鬼神守其幽。日月星辰行其紀。吾止之於有窮。流之於無止。予欲慮之而不能知也。望之而不能見也。逐之而不能及也。儻然立於四虛之道。倚於槁梧而吟。目知窮乎所欲見。力屈乎所欲逐。吾既不及已。夫形充空虛。乃至委蛇。女委蛇。故怠。吾又奏之以無怠之聲。調之以自然之命。故若混逐叢生。林樂而無形。布揮而不曳。幽昏而無聲。動於無方。居於窈冥。或謂之死。或謂之生。或謂之實。或謂之榮。行流散徙。不主常聲。世疑之。稽於聖人。聖也者。達於情而遂於命也。天機不張。而五官皆備。此之謂天樂。無言而心說。故有焱氏爲之頌曰。聽之不聞其聲。視之不見其形。充滿天地。苞裹六極。女欲聽之。而無接焉。而故惑也。樂也者。始於懼。懼。故崇。吾又次之以怠。怠。故遁。卒之以惑。惑。故愚。愚。故道。道可載而與之俱也。

【呂氏春秋】黃帝曰。芒昧因天之威。與元同氣。黃帝言曰。聲禁重。色禁重。衣禁重。香禁重。味禁重。室禁

重。〔漢書〕道家。黃帝四經四篇。黃帝銘六篇。黃帝君臣十篇雜。黃帝五十八篇。小說家。黃帝說四十篇。迂誕依託。〔七略〕盤盃書者。其傳言孔甲爲之。孔甲。黃帝之史也。書盤盃中爲誡法。或於鼎。名曰銘。〔黃帝巾几銘〕子居民上。搖搖恐夕不至朝。惕惕恐朝不及夕。競慄慄。日慎一日。人莫蹶于山而蹶於堦。

【黃帝陰符經】

上篇

觀天之道。執天之行。盡矣。故天有五賊。見之者昌。五賊在心。施行於天。宇宙在乎手。

萬化生乎身。天性人也。人心機也。立天之道。以定人也。天發殺機。移星易宿。地發殺機。龍蛇起陸。人發殺

機。天地反覆。天人合發。萬變定基。性有巧拙。可以伏藏。九竅之邪。在乎三要。可以動靜。火生於木。禍發必

尅。奸生於國。時動必潰。知之脩鍊。謂之聖人。

中篇

天生天殺。道之理也。天地萬物之盜。萬物人之盜。人

萬物之盜。三盜既宜。三才既安。故曰。食其時。百骸理。動其機。萬化安。人知其神之神。不知不神之所以神

也。日月有數。大小有定。聖功生焉。神明出焉。其盜機也。天下莫能見。莫能知。君子得之固躬。小人得之輕

命。

下篇

警者善聽。聾者善視。絕利一源。用師十倍。三反晝夜。用師萬倍。心生於物。死於物。機在於目。天

之无恩。而大恩生。迅雷烈風。莫不蠢然。至樂性愚。至靜性廉。天之至私。用之至公。禽之制在炁。生者死之

根。死者生之根。恩生於害。害生於恩。愚人以天地文理聖。我以時物文理哲。人以愚虞聖。我以不愚虞聖。

人以奇期聖。我以不奇期聖。故曰。沈水入火。自取滅亡。自然之道靜。故天地萬物生。天地之道浸。故陰陽

勝。陰陽相推。而變化順矣。是故聖人知自然之道不可違。因而制之。至靜之道。律歷所不能契。爰有奇器。

是生萬象。八卦甲子。神機鬼藏。陰陽相勝之術。昭昭乎進乎象矣。

○陰符四百餘言。世傳黃帝遺書也。義蘊無所不包。或謂兵法之鼻祖。或謂道德之權輿。

諸子百氏、悉在環域之中矣。

【列子】黃帝書曰。形動不生形而生影。聲動不生聲而生響。無動不生無而生有。形必終者也。天地終乎。

與我偕終。終進乎不知也。道終乎本無。始進乎本不久。有生則復於不生。有形則復於無形。不生者非本不生者也。無形者非本無形者也。生者理之必終者也。終者不得不終。亦如生者之不得不生。而欲恆其生。盡其終。惑於數也。精神者。天之分。骨骸者。地之分。屬天清而散。屬地濁而聚。精神離形。各歸其真。故謂之鬼。鬼歸也。歸其真宅。黃帝曰。精神入其門。骨骸反其根。我尙何存。

【新書】黃帝曰。道若川谷之水。其出無已。其行其止。故服人而不爲仇。分人而不譎者。惟其道矣。故播之於天下而不忘者。其惟道矣。是以道高比於天。道明比於日。道安比於山。故言之者見謂智。學之者見謂賢。守之者見謂信。樂之者見謂仁。行之者見謂聖人。故惟道不可竊也。不可以虛爲也。故黃帝職道義。經天地。紀人倫。序萬物。以信與仁。爲天下先。然後濟東海。入江內。取綠圖。而濟積石。涉流沙。登於崑崙。於是還歸中國。以平天下。天下太平。唯躬道而已。

【管子】黃帝之治天下也。其民不引而來。不推而往。不使而成。不禁而止。故黃帝之治也。置法而不變。使民安其法者也。

【淮南子】黃帝治天下。日月精明。星辰不失其行。風雨時節。五穀登熟。虎狼不妄噬。鷲鳥不妄搏。鳳凰翔於庭。麒麟游於郊。青龍進駕。飛黃伏阜。諸北僂耳之國。莫不獻其貢職。然猶未及慮戲氏之道也。

【尸子】四夷之民。有貫胸者。有深目者。有長肱者。黃帝之德。嘗致之。

〔宋符瑞志〕黃帝時。南夷乘白鹿來獻鬯。

【韓詩外傳】黃帝卽位。施惠承天。一道修德。惟仁是行。宇內和平。未見鳳凰。惟思其象。夙寐晨興。乃召天老而問之。曰。鳳象何如。天老對曰。夫鳳象。鴻前麟後。蛇頸而魚尾。龍文而龜身。燕頤而雞喙。戴德負仁。抱忠挾義。小音金。大音鼓。延頸奮翼。五彩備舉。明動八風。氣應時雨。食有質。飲有儀。往卽文始。來卽嘉成。惟鳳爲能通天祉。應地靈。律五音。覽九德。天下有道。得鳳象之一。則鳳過之。得鳳象之二。則鳳止之。得鳳象之三。則鳳集之。得鳳象之四。則鳳春秋下之。得鳳象之五。則鳳沒身居之。黃帝曰。於戲。允哉。朕何敢與焉。於是黃帝乃服黃衣。戴黃冕。致齋於宮。鳳乃蔽日而至。黃帝降於東階。西面再拜稽首曰。皇天降祉。不敢不承命。鳳乃止帝東園。集帝梧桐。食帝竹實。沒身不去。詩曰。鳳凰于飛。翾翾其羽。亦集爰止。○麗藻可作鳳賦。

【帝王世紀】黃帝齋於中宮。有大鳥。雞頭鸞喙。龜頸龍形。鱗翼魚尾。狀如鶴。體備五色。三文成字。首文曰順德。背文曰信義。膺文曰仁智。不啄生蟲。不履生草。或止帝之東園。或巢阿閣。或鳴於庭。其飲食也。其雄

自歌。其雌自舞。音如簫笙。〔春秋合誠圖〕黃帝遊玄扈洛水上。與大司馬容光等臨視。鳳凰銜圖置帝前。帝再拜受圖。〔春秋緯〕黃帝坐玄扈閣。鳳凰銜書致帝前。其中得五始之文。〔尙書中候〕帝軒提像。

醜永修歲。麒麟在圃。鸞鳳來儀。〔可圖〕挺輔佐。黃帝修德立義。天下乃治。乃召天老而問焉。余夢見兩龍。挺白圖以授余於河之都。天老曰。河出龍圖。洛出龜書。紀帝錄。列聖人之姓號。興謀治太平。然後鳳凰處之。今鳳凰已下三百六十日矣。天其授帝圖乎。黃帝乃祓齋七日。至於翠嬌之川。大鱧有折溜而至。乃與天老迎之。五色畢具。魚汎白圖。蘭葉朱文。以授黃帝。名曰綠圖。〔文心雕龍〕綠圖曰。渾渾鳴鳴。棼棼維維。萬物盡化。○或作與物俱化。此綠圖中文也。

也。〔宋符瑞志〕秋七月庚申。天霧三日三夜。晝昏。黃帝以問天老。力牧。容成曰。於公何如。天老曰。臣聞之。國安。其主好文。則鳳凰居之。國亂。其主好武。則鳳凰去之。今鳳凰翔於東郊而樂之。其鳴音中夷則。與天相副。以是

觀之。天有黷教。以湯帝。帝勿犯也。乃召史卜之。龜焦。史曰。臣不能占也。其問之聖人。帝曰。已問天老。力牧。容成矣。

史北面再拜曰。龜不違聖智。故焦。霧除。遊於洛水之上。見大魚。殺五牲以醮之。天乃甚雨。七日七夜。魚流於海。

得圖書焉。龍圖出河。龜書出洛。赤文篆字。以授軒  
轅。〔尙書中候〕黃帝巡洛。龜書赤文成字象軒。

【說文】解薦獸也。似山牛一角。古者決訟。令觸不直。神人以薦遺黃帝。帝曰。何食何處。曰。食薦。夏處水澤。冬處松柏。〔宋符瑞志〕聖德光被。羣瑞畢臻。有屈軼之草。生於庭。佞人入朝。則草指之。是以佞人不敢進。有景雲之瑞。冬處松柏。有赤方氣與青方氣相連。赤方中有兩星。青方中有一星。凡三星皆黃色。以天清明時見而攝提。名曰景星。

【帝王世紀】黃帝命雷公歧伯論經脈。旁通問難八十。爲難經。教制九針。著內外術經十八卷。〔漢書〕黃帝內經十八卷。外經三十七卷。

【內經素問】四氣調神大論。春三月。此謂發陳。天地俱生。萬物以榮。夜臥早起。廣步於庭。被髮緩形。以使志生。生而勿殺。予而勿奪。賞而勿罰。此春氣之應。養生之道也。逆之則傷肝。夏爲寒變。奉長者少。夏三月。此謂蕃秀。天地氣交。萬物華實。夜臥早起。無厭於日。使志無怒。使華英成秀。使氣得泄。若所愛在外。此夏氣之應。養長之道也。逆之則傷心。秋爲痠瘡。奉收者少。冬至重病。秋三月。此謂容平。天氣以急。地氣以明。早臥早起。與雞俱興。使志安寧。以緩秋刑。收斂神氣。使秋氣平。無外其志。使肺氣清。此秋氣之應。養收之道也。逆之則傷肺。冬爲餐泄。奉藏者少。冬三月。此謂閉藏。水冰地坼。無擾乎陽。早臥晚起。必待日光。使志若伏。若匿。若有私意。若已有得。去寒就溫。無泄皮膚。使氣亟奪。此冬氣之應。養藏之道也。逆之則傷腎。春爲痿厥。奉生者少。天氣清淨。光明者也。藏德不止。故不下也。天明則日月不明。邪害空竅。陽氣者閉塞。地氣者冒明。雲霧不精。則上應白露不下。交通不表。萬物命故不施。不施。則名木多死。惡氣不發。風雨不節。白露不

下則菀橐不榮。賊風數至。暴雨數起。天地四時不相保。與道相失。則未央絕滅。唯聖人從之。故身無奇病。萬物不失。生氣不竭。逆春氣。則少陽不生。肝氣內變。逆夏氣。則太陽不長。心氣內洞。逆秋氣。則太陰不收。肺氣焦滿。逆冬氣。則少陰不藏。腎氣獨沈。夫四時陰陽者。萬物之根本也。所以聖人春夏養陽。秋冬養陰。以從其根。故與萬物沈浮於生長之門。逆其根。則伐其本。壞其真矣。故陰陽四時者。萬物之終始也。死生之本也。逆之則災害生。從之則苛疾不起。是謂得道。道者。聖人行之。愚者佩之。從陰陽則生。逆之則死。從之則治。逆之則亂。反順爲逆。是謂內格。是故聖人不治已病。治未病。不治已亂。治未亂。此之謂也。夫病已成而後藥之。亂已成而後治之。譬猶渴而穿井。鬪而鑄兵。不亦晚乎。

五常政大論

黃帝問曰。太虛寥廓。五運

迴薄。衰盛不同。損益相從。願聞平氣何如而名。何如而紀也。岐伯對曰。昭乎哉問也。木曰敷。火曰升。明土曰備化。金曰審平。水曰靜順。帝曰。其不及奈何。岐伯曰。水曰委和。火曰伏明。土曰卑監。金曰從革。水曰涸流。帝曰。太過何謂。岐伯曰。木曰發生。火曰赫曦。土曰敦阜。金曰堅成。水曰流衍。帝曰。三氣之紀。願聞其候。岐伯曰。悉乎哉問也。敷和之紀。木德周行。陽舒陰布。五化宣平。其氣端。其性隨。其用曲直。其化生榮。其類草木。其政發散。其候溫和。其令風。其藏肝。肝其畏清。其主目。其穀麻。其果李。其實核。其應春。其蟲毛。其畜犬。其色蒼。其養筋。其病裏急支滿。其味酸。其音角。其物中堅。其數八。升明之紀。正陽而治。德施周普。五化均衡。其氣高。其性速。其用燔灼。其化蕃茂。其類火。其政明曜。其候炎暑。其令熱。其藏心。心其畏寒。其主



杏。其穀麥。其果杏。其實絡。其應夏。其蟲羽。其畜馬。其色赤。其養血。其病疇癩。其味苦。其音徵。其物脈。其數七。備化之紀。氣協天休。德流四政。五化齊脩。其氣平。其性順。其用高下。其化豐滿。其類土。其政安靜。其候溽蒸。其令溼。其藏脾。脾。其畏風。其主口。其穀稷。其果棗。其實肉。其應長夏。其蟲倮。其畜牛。其色黃。其養肉。其病否。其味甘。其音宮。其物膚。其數五。審平之紀。收而不爭。殺而無犯。五化宣明。其氣潔。其性剛。其用散落。其化堅斂。其類金。其政勁肅。其候清切。其令燥。其藏肺。肺。其畏熱。其主鼻。其穀稻。其果桃。其實殼。其應秋。其蟲介。其畜雞。其色白。其養皮毛。其病欬。其味辛。其音商。其物外堅。其數九。靜順之紀。藏而勿害。治而善下。五化咸整。其氣明。其性下。其用沃衍。其化凝堅。其類水。其政流演。其候凝肅。其令寒。其藏腎。腎。其畏溼。其主二陰。其穀豆。其果栗。其實濡。其應冬。其蟲鱗。其畜麋。其色黑。其養骨髓。其病癩。其味鹹。其音羽。其物濡。其數六。故生而勿殺。長而勿罰。化而勿制。收而勿害。藏而勿抑。是謂平氣。委和之紀。是謂勝生。生氣不政。化氣迺揚。長氣自平。收令迺早。涼雨時降。風雲竝興。草木晚榮。蒼乾凋落。物秀而實。膚肉內充。其氣斂。其用聚。其動縵戾拘緩。其發驚駭。其藏肝。其果棗李。其實核殼。其穀稷稻。其味酸辛。其色白蒼。其畜犬雞。其蟲毛介。其主霧露淒滄。其聲角商。其病搖動注恐。從金化也。少角與判商同。上角與止角同。上商與正商同。其病支廢癰腫瘡瘍。其甘蟲邪傷肝也。上宮與正宮同。蕭颺肅殺。則炎赫沸騰。皆於三。所謂復也。其主飛蠹蛆雉。迺爲雷霆。伏明之紀。是謂勝長。長氣不宣。藏氣反布。收氣自政。化令迺衡。寒清數舉。暑令

迺薄承化物。生而不長。成實而稚。遇化已老。陽氣屈伏。蟄蟲早藏。其氣鬱。其用暴。其動彰。伏變易。其發  
 痛。其藏心。其果栗桃。其實絡濡。其穀豆稻。其味苦鹹。其色玄丹。其畜馬鹿。其蟲羽鱗。其主冰雪霜寒。其聲  
 微羽。其病昏惑悲忘。從水化也。少徵與少羽同。上商與正商同。邪傷心也。凝慘凜冽。則暴雨霖霪。皆於九  
 其主驟注。雷霆震驚。沈澍淫雨。卑監之紀。是謂減化。化氣不令。生政獨彰。長氣整。雨迺愆。收氣平。風寒竝  
 興。草木榮美。秀而不實。成而糝也。其氣散。其用靜定。其動蕩。涌分潰癰腫。其發滯滯。其藏脾。其果李栗。其  
 實濡核。其穀豆麻。其味酸甘。其色蒼黃。其畜牛犬。其蟲倮毛。其主飄怒振發。其聲宮角。其病留滿否塞。從  
 木化也。少宮與少角同。上宮與正宮同。上角與正角同。其病餐泄。邪傷脾也。振拉飄揚。則蒼乾散落。其告  
 四維。其主敗折虎狼。清氣迺用。生政迺辱。從革之紀。是謂折收。收氣迺後。生氣迺揚。長化合德。火政迺宣。  
 庶類以蕃。其氣揚。其用躁切。其動鏗禁。替厥其發。效喘。其藏肺。其果李杏。其實殼絡。其穀麻麥。其味苦辛。  
 其色白丹。其畜雞羊。其蟲介羽。其主明曜炎燦。其聲商徵。其病噎效。魴。從火化也。少商與少徵同。上商  
 與正商同。上角與正角同。邪傷肺也。炎光赫烈。則冰雪霜雹。皆於七。其主鱗伏。麋鼠。歲氣早至。迺生大寒。  
 涸流之紀。是謂反陽。藏令不舉。化氣迺昌。長氣宣布。蟄蟲不藏。土潤。水泉減。草木條茂。榮秀滿盛。其氣滯。  
 其用滲泄。其動堅止。其發燥槁。其藏腎。其果棗杏。其實濡肉。其穀黍稷。其味甘鹹。其色黔玄。其畜麋牛。其  
 蟲鱗倮。其主埃鬱昏翳。其聲羽宮。其病痿厥兼下。從土化也。少羽與少宮同。上宮與正宮同。其病癰闕。邪

傷腎也。埃昏驟雨。則振拉摧拔。皆於一。其主毛顯狐貉。變化不藏。故乘危而行。不速而至。暴虐無德。災反及之。微者復微。甚者復甚。氣之常也。發生之紀。是謂啓軼。土疎泄。蒼氣達。陽和布化。陰氣迺隨。生氣淳化。萬物以榮。其化生。其氣美。其政散。其令條舒。其動掉眩巔疾。其德鳴靡啓坼。其變振拉摧拔。其穀麻稻。其畜雞犬。其果李桃。其色青黃白。其味酸甘辛。其象春。其經足厥陰少陽。其藏肝脾。其蟲毛介。其物中堅外堅。其病怒。太角與上商同。上徵。則其氣逆。其病吐利。不務其德。則收氣復。秋氣勁切。甚則肅殺。清氣大至。草木凋零。邪迺傷肝。赫曦之紀。是謂蕃茂。陰氣內化。陽氣外榮。炎暑施化。物得以昌。其化長。其氣高。其政動。其令鳴顯。其動炎灼妄擾。其德暄暑鬱蒸。其變炎烈沸騰。其穀麥豆。其畜羊麋。其果杏栗。其色赤白玄。其味苦辛鹹。其象夏。其經手少陰太陽。手厥陰少陽。其藏心肺。其蟲羽鱗。其物脈濡。其病笑瘡瘡瘍。血流狂妄。目赤。上羽與正徵同。其收齊。其病痿。上徵而收氣後也。暴烈其政。藏氣迺復。時見凝慘。甚則雨水霜雹切寒。邪傷心也。敦阜之紀。是謂廣化。厚德清靜。順長以盈。至陰內實。物化充成。煙埃朦鬱。見於厚土。大雨時行。溼氣迺用。燥政迺僻。其化圓。其氣豐。其政靜。其令周備。其動濡積并稽。其德柔潤重淖。其變震驚飄驟崩潰。其穀稷麻。其畜牛犬。其果棗李。其色蒼玄蒼。其味甘鹹酸。其象長夏。其經足太陰陽明。其藏脾腎。其蟲倮毛。其物肌核。其病腹滿。四支不舉。大風迅至。邪傷脾也。堅成之紀。是謂收引。天氣潔。地氣明。陽氣隨。陰治化。燥行其政。物以司成。收氣繁布。化洽不終。其化成。其氣削。其政肅。其令銳切。其動暴折瘍疰。

其德霧露肅颺。其變肅殺凋零。其穀稻黍。其畜雞馬。其果桃杏。其色白青丹。其味辛酸苦。其象秋。其經手太陰陽明。其藏肺肝。其蟲介羽。其物穀絡。其病喘喝。胷憑仰息。上徵與正商同。其生齊。其病效。政暴變。則名木不榮。柔脆焦首。長氣斯救。大小流炎。燦且至。蔓將槁。邪傷肺也。流行之紀。是謂封藏。寒司物化。天地嚴凝。藏政以布。長令不揚。其化凜。其氣堅。其政謚。其令流注。其動漂泄沃涌。其德凝慘寒霧。其變冰雪霜雹。其穀豆稷。其畜彘牛。其果栗棗。其色黑丹黔。其味鹹苦甘。其象冬。其經足少陰太陽。其藏腎心。其蟲鱗倮。其物濡滿。其病脹。上羽而長氣不化也。政過則化氣大舉。而埃昏氣交。大雨時降。邪傷腎也。故曰。不恆其德。則所勝來復。政恆其理。則所勝同化。此之謂也。帝曰。天不足西北。左寒而右涼。地不滿東南。右熱而左溫。其故何也。岐伯曰。陰陽之氣。高下之理。太少之異也。東南方陽也。陽者其精降於下。故右熱而左溫。西北方陰也。陰者其精奉於上。故左寒而右涼。是以地有高下。氣有溫涼。高者氣寒。下者氣熱。故適寒涼者。脹之溫熱者。瘡下之則脹已。汗之則瘡已。此湊理開閉之常。太少之異耳。帝曰。其於壽夭何如。岐伯曰。陰精所奉。其人壽。陽精所降。其人夭。帝曰。善。其病也。治之奈何。岐伯曰。西北之氣。散而寒之。東南之氣。收而溫之。所謂同病異治也。故曰。氣寒氣涼。治以寒涼。行水漬之。氣溫氣熱。治以溫熱。強其內守。必同其氣。可使平也。假者反之。帝曰。善。一州之氣。生化壽夭不同。其故何也。岐伯曰。高下之理。地勢使然也。崇高則陰氣治之。污下則陽氣治之。陽勝者先天。陰勝者後天。此地理之常。生化之道也。帝曰。其有壽夭乎。岐伯

曰。高者其氣壽。下者其氣夭。地之小大異也。小者小異。大者大異。故治病者。必明天道地理。陰陽更勝。氣之先後。人之壽夭。生化之期。乃可以知人之形氣矣。帝曰。善。其歲有不病。而藏氣不應不用者。何也。歧伯曰。天氣制之。氣有所從也。帝曰。願卒聞之。歧伯曰。少陽司天。火氣下臨。肺氣上從。白起金。用草木。眚。火見。燔。病革。金且耗。大暑以行。欬。嚏。衄。鼻窒。瘡。瘍。寒熱。附腫。風行于地。塵沙飛揚。心痛。胃脘痛。厥逆。鬲不通。其主暴速。陽明司天。燥氣下臨。肝氣上從。蒼起木。用而立。土。眚。淒。滄。數至。木伐。草萎。脇痛。目赤。掉振。鼓慄。筋痿。不能久立。暴熱至。土。眚。暑。陽氣鬱發。小便變。寒熱如瘧。甚則心痛。火行于稿。流水不冰。蟄蟲。迺見。太陽司天。寒氣下臨。心氣上從。而火且明。丹起金。迺。眚。寒。清。時。舉。勝。則。水。冰。火。氣。高。明。心。熱。煩。噉。乾。善。渴。軌。嚏。喜。悲。數。欠。熱。氣。妄。行。寒。迺。復。霜。不。時。降。善。忘。甚。則。心。痛。土。迺。潤。水。豐。衍。寒。客。至。沈。陰。化。溼。氣。變。物。水。飲。內。積。中。滿。不。食。皮。癢。肉。苛。筋。脈。不。利。甚。則。附。腫。身。後。癱。厥。陰。司。天。風。氣。上。臨。脾。氣。下。從。而。土。且。隆。黃。起。水。迺。眚。土。用。革。體。重。肌。肉。萎。食。減。口。爽。風。行。太。虛。雲。物。搖。動。目。轉。耳。鳴。火。縱。其。暴。地。迺。暑。大。熱。消。燦。赤。沃。下。蟄。蟲。數。見。流。水。不。冰。其。發。機。速。少。陰。司。天。熱。氣。下。臨。肺。氣。上。從。白。起。金。用。草。木。眚。喘。嘔。寒。熱。嚏。衄。鼻。窒。大。暑。流。行。甚。則。瘡。瘍。燔。灼。金。燦。石。流。地。迺。燥。槁。淒。滄。數。至。脇。痛。善。太。息。肅。殺。行。草。木。變。太。陰。司。天。溼。氣。下。臨。腎。氣。上。從。黑。起。水。埃。冒。雲。雨。胸。中。不。利。陰。萎。氣。大。衰。而。不。起。不。用。當。其。時。反。腰。腫。痛。動。轉。不。便。也。厥。逆。地。迺。藏。陰。大。寒。且。至。蟄。蟲。早。附。心。下。否。痛。地。裂。冰。堅。少。腹。痛。時。害。於。食。乘。金。則。止。水。增。味。迺。鹹。行。水。減。

也。帝曰：歲有胎孕不育，治之不全，何氣使然？歧伯曰：六氣五類，有相勝制也。同者盛之，異者衰之。此天地之道，生化之常也。故厥陰司天，毛蟲靜，羽蟲育，介蟲不成，在泉，毛蟲育，倮蟲耗，羽蟲不育。少陰司天，羽蟲靜，介蟲不成，在泉，羽蟲育，介蟲耗，不育。太陰司天，倮蟲靜，鱗蟲育，羽蟲不成，在泉，倮蟲育，鱗蟲不成。少陽司天，羽蟲靜，毛蟲育，倮蟲不成，在泉，羽蟲育，介蟲耗，毛蟲不育。陽明司天，介蟲靜，羽蟲育，介蟲不成，在泉，介蟲育，毛蟲耗，羽蟲不成。太陽司天，鱗蟲靜，倮蟲育，在泉，鱗蟲耗，倮蟲不育。諸乘所不成之運則甚也。故氣主有所制，歲立有所生，地氣制已勝，天氣制勝已，天制色，地制形，五類衰盛，各隨其氣之所宜也。故有胎孕不育，治之不全，此氣之常也。所謂中根也。根于外者亦五，故生化之別有五氣、五味、五色、五類、五宜也。帝曰：何謂也？歧伯曰：根于中者，命曰神機，神去則機息。根于外者，命曰氣立，氣止則化絕。故各有制，各有勝，各有生，各有成。故曰：不知年之所加，氣之同異，不足以言生化。此之謂也。帝曰：氣始而生化，氣散而有形，氣布而蕃育，氣終而象變，其致一也。然而五味所資，生化有薄厚，成熟有少多，終始不同，其故何也？歧伯曰：地氣制之也，非天不生，地不長也。帝曰：願聞其道。歧伯曰：寒熱燥溼，不同其化也。故少陽在泉，寒毒不生，其味辛，其治苦酸，其穀蒼丹。陽明在泉，溼毒不生，其味酸，其氣溼，其治辛苦甘，其穀丹素。太陽在泉，熱毒不生，其味苦，其治淡鹹，其穀麩。厥陰在泉，清毒不生，其味甘，其治酸苦，其穀蒼赤。其氣專，其味正。少陰在泉，寒毒不生，其味辛，其治辛苦甘，其穀白丹。太陰在泉，燥毒不生，其味鹹甘，其氣熱，其

治甘鹹其穀麩化淳則鹹守氣專則辛化而俱治故曰補上下者從之治上下者逆之以所在寒熱盛衰而調之故曰上取下取內取外取以求其過能毒者以厚藥不勝毒者以薄藥此之謂也氣反者病在上取之下病在下取之上病在中傍取之治熱以寒溫而行之治寒以熱涼而行之治溫以清冷而行之治清以溫熱而行之故消之制之吐之下之補之寫之久新同法帝曰病在中而不實不堅且聚且散奈何歧伯曰悉乎哉問也無積者求其藏虛則補之藥以祛之食以隨之行水瀆之和其中外可使畢已帝曰有毒無毒服有約乎歧伯曰病有久新方有大小有毒無毒固宜常制矣大毒治病十去其六常毒治病十去其七小毒治病十去其八無毒治病十去其九穀肉果菜食養盡之無使過之傷其正也不盡行復如法必先歲氣無伐天和無盛盛無虛虛而遣人天殃無致邪無失正絕人長命帝曰其久病者有氣從不康病去而瘠奈何歧伯曰昭乎哉聖人之問也化不可代時不可違夫經絡以通血氣以從復其不足與衆齊同養之和之靜以待時謹守其氣無使傾移其形迺彰生氣以長命曰聖王故大要曰無代化無違時必養必和待其來復此之謂也帝曰善

天元紀  
大論黃帝問曰天有五行御五位以生寒暑燥溼風人有五藏化五氣以生喜怒思憂恐論言五運相襲而皆治之終朞之日周而復始余已知之矣願聞其與三陰三陽之候奈何合之鬼臾區稽首再拜對曰昭乎哉問也夫五運陰陽者天地之道也萬物之紀綱變化之父母生殺之本始神明之府也可不通乎故物生謂之化物極謂之變陰陽不測謂之神神用

無方謂之聖。夫變化之爲用也。在天爲玄。在人爲道。在地爲化。化生五味道。道生智。玄生神。神在天爲風。在地爲木。在天爲熱。在地爲火。在天爲溼。在地爲土。在天爲燥。在地爲金。在天爲寒。在地爲水。故在天爲氣。在地成形。形氣相感。而化生萬物矣。然天地者。萬物之上下也。左右者。陰陽之道路也。水火者。陰陽之徵兆也。金木者。生成之終始也。氣有多少。形有盛衰。上下相召。而損益彰矣。帝曰。願聞五運之主時也。何如。鬼臾區曰。五氣運行。各終其日。非獨主時也。帝曰。請聞其所謂也。鬼臾區曰。臣積考太始天元冊文曰。太虛廖廓。肇基化元。萬物資始。五運終天。布氣真靈。總統坤元。九星懸朗。七曜周旋。曰陰曰陽。曰柔曰剛。幽顯既位。寒暑弛張。生生化化。品物咸章。臣斯十世。此之謂也。帝曰。善。何謂氣有多少。形有盛衰。鬼臾區曰。陰陽之氣。各有多少。故曰三陰三陽也。形有盛衰。謂五行之治。各有太過不及也。故其始也。有餘而往。不足隨之。不足而往。有餘從之。知迎知隨。氣可與期。應天爲天符。承歲爲歲直。三合爲治。帝曰。上下相召。奈何。鬼臾區曰。寒暑燥溼風火。天之陰陽也。三陰三陽。上奉之。木火土金水火。地之陰陽也。生長化收藏。下應之。天以陽生陰長。地以陽殺陰藏。天有陰陽。地亦有陰陽。木火土金水火。地之陰陽也。生長化收藏。故陽中有陰。陰中有陽。所以欲知天地之陰陽者。應天之氣。動而不息。故五歲而右遷。應地之氣。靜而守位。故六基而環會。動靜相召。上下相臨。陰陽相錯。而變由生也。帝曰。上下周紀。其有數乎。鬼臾區曰。天以六爲節。地以五爲制。周天氣者。六基爲一備。終地紀者。五歲爲一周。君火以明。相火以位。五六相合。而七百



二十氣爲一紀。凡三十歲。千四百四十氣。凡六十歲而爲一周。不及太過。斯皆見矣。帝曰。夫子之言。主終天氣。下畢地紀。可謂悉矣。余願聞而藏之。上以治民。下以治身。使百姓昭著。上下和親。德澤下流。子孫無憂。傳之後世。無有終時。可得聞乎。鬼臾區曰。至數之機。迫迨以微。其來可見。其往可追。敬之者昌。慢之者亡。無道行私。必得天殃。謹奉天道。請言真要。帝曰。善言始者。必會於終。善言近者。必知其遠。是則至數極而道不惑。所謂明矣。願夫子推而次之。令有條理。簡而不匱。久而不絕。易用難忘。爲之綱紀。至數之要。願盡聞之。鬼臾區曰。昭乎哉。問。明乎哉。道如鼓之應桴。響之應聲也。臣聞之。甲巳之歲。土運統之。乙庚之歲。金運統之。丙辛之歲。水運統之。丁壬之歲。木運統之。戊癸之歲。火運統之。帝曰。其於三陰三陽。合之奈何。鬼臾區曰。子午之歲。上見少陰。丑未之歲。上見太陰。寅申之歲。上見少陽。卯酉之歲。上見陽明。辰戌之歲。上見太陽。己亥之歲。上見厥陰。少陰。所謂標也。厥陰。所謂終也。厥陰之上。風氣主之。少陰之上。熱氣主之。太陰之上。溼氣主之。少陽之上。相火主之。陽明之上。燥氣主之。太陽之上。寒氣主之。所謂本也。是謂六元。帝曰。光乎哉。道明乎哉。論請著之玉版。藏之金匱。署曰天元紀。

○上古文字簡略。而世傳素問一書。顛煩數萬言。知非軒后之舊矣。然精微奧博。語多至道。

其亦緩和擊扁之流。依託以立言者乎。

【莊子】黃帝立爲天子十九年。令行天下。聞廣成子在於空同之上。故往見之。曰。我聞吾子達於至道。敢問至道之精。吾欲取天地之精。以佐五穀。以養民人。吾又欲官陰陽。以遂羣生。爲之奈何。廣成子曰。而所

欲問者。物之質也。而所欲官者。物之殘也。自而治天下。雲氣不待族而雨。草木不待黃而落。日月之光。益以荒矣。而佞人之心。翦翦者。又奚足以語至道。黃帝退。捐天下。築特室。席白茅。閉居三月。復往邀之。廣成子南首而臥。黃帝順下風。膝行而進。再拜稽首而問曰。聞吾子達於至道。敢問治身奈何。而可以長久。廣成子蹙然而起曰。善哉。問乎來。吾語汝至道。至道之精。窈窈冥冥。至道之極。昏昏默默。無視無聽。抱神以靜。形將自正。必靜必清。無勞女形。無搖女精。乃可以長生。目無所見。耳無所聞。心無所知。女神將守形。形乃長生。慎女內。閉女外。多知爲敗。我爲女遂於大明之上矣。至彼至陽之原也。爲女入於窈冥之門矣。至彼至陰之原也。天地有官。陰陽有職。慎守女身。物將自壯。我守其一。以處其和。故我修身千二百歲矣。吾形未嘗衰。黃帝再拜稽首曰。廣成子之謂天矣。廣成子曰。來。余語女。彼其物無窮。而人皆以爲終。彼其物無測。而人皆以爲極。得吾道者。上爲皇而下爲王。失吾道者。上見光而下爲土。今夫百昌皆生於上。而反於土。故余將去女。入無窮之門。以遊無極之野。吾與日月參光。吾與大地爲常。當我緡乎。遠我昏乎。人其盡死。而我獨存乎。○理臻無上。而文復如神龍。其卷舒變化。莫測端倪。東坡取此爲廣成子書。直可冠冕諸子矣。〔春秋合誠圖〕黃帝請問太一長生之道。太一曰。齋戒五丁。道乃可成。黃帝將見大隗乎具茨之山。方明爲御。昌寓驂乘。張若謬朋前馬。昆闞滑稽後車。至於襄城之野。七聖皆迷。無所問塗。適遇牧馬童子。問塗焉。曰。若知具茨之山乎。曰。然。若知大隗之所存乎。曰。然。黃帝曰。異哉。小童。非徒知具茨之山。又知大隗之所存。請問爲天下。小童曰。夫爲天下者。亦若此而已矣。又奚事焉。予少而自遊於

六合之內。予適有瞽病。有長者教予曰。若乘日之車。而遊於襄城之野。今予病少痊。予又且復遊於六合之外。夫爲天下亦若此而已。予又奚事焉。黃帝曰。夫爲天下者。則誠非吾子之事。雖然。請問爲天下。小童辭。黃帝又問。小童曰。夫爲天下者。亦奚以異乎。牧馬者哉。亦去其害馬者而已矣。黃帝再拜稽首。稱天師而退。

〔符子〕黃帝潛述比度之丘。中路。逢容成子。乘翠華之蓋。建日月之旗。馳紫虬。御雙鳥。黃帝命方明遊路。謂容成子曰。吾將釣於一壑。棲於一丘。

知北遊於玄水之上。登隱斧

之丘。而適遭無爲謂焉。知謂無爲謂曰。予欲有問乎。若何。思何慮。則知道。何處何服。則安道。何從何道。則得道。三問而無爲謂不答也。非不答。不知答也。知不得問。反於白水之南。登狐闕之上。而睹狂屈焉。知以之言也。問乎狂屈。狂屈曰。唉。予知之。將語若。中欲言而忘其所欲言。知不得問。反於帝宮。見黃帝而問焉。黃帝曰。無思無慮。始知道。無處無服。始安道。無從無道。始得道。知問黃帝曰。我與若知之。彼與彼不知也。其孰是邪。黃帝曰。彼無爲謂。真是也。狂屈似之。我與汝終不近也。夫知者不言。言者不知。故聖人行不言之教。道不可致。德不可至。仁可爲也。義可虧也。禮相僞也。故曰。失道而後德。失德而後仁。失仁而後義。失義而後禮。禮者。道之華而亂之首也。故曰。爲道者日損。損之又損之。以至於無爲。無爲而無不爲也。今已爲物也。欲復歸根。不亦難乎。其易也。其唯大人乎。生也。死之徒。死也。生之始。孰知其紀。人之生。氣之聚也。聚則爲生。散則爲死。若死生爲徒。吾又何患。故萬物一也。是其所美者爲神奇。其所惡者爲臭腐。臭腐復化爲神奇。神奇復化爲臭腐。故曰。通天下一氣耳。聖人故貴一。知謂黃帝曰。吾問無爲謂。無爲謂不應我。

非不我應。不知應我也。吾問狂屈。狂屈中欲告我。而不我告。非不我告。中欲告而忘之也。今予問乎若。若知之。奚故不近。黃帝曰。彼其真是也。以其不知也。此其似之也。以其忘之也。予與若終不近也。以其知之也。狂屈聞之。以黃帝爲知言。

【秦壹雜子】黃帝謁峨眉。見天真皇人。拜之玉堂。曰。敢問何爲三一之道。皇人曰。而既已君統矣。又咨三一。無乃朗抗乎。古之聖人。盍三辰。立晷景。封域以判邦。山川以分陰陽。寒暑以平歲。道執以衛衆。交質以聚民。備械以防姦。車服以章等。皆法乎天。而鞠乎有形者也。天地有啓閉。日星有薄失。治亂有運會。陰陽有期數。賢愚之蔽。壽夭之質。貴賤之事。吉凶之故。一成而不變。類氣浮于上。而精氣萃于下。性發乎天。命成乎人。使聖人以爲之紀。是以聖人欲治天下。必先身之。立權以聚財。葬財以施智。因智以制義。由義以出信。仗信以著衆。用衆以行仁。安行以輔道。迪道以保教。善教以政俗。從俗以毓質。崇質以恢行。勤行以典禮。制禮以定情。原情以道性。復性以一德。成德以敍命。和命以安生。而天下自爾治。萬物自爾得。神志不勞。而真一定矣。子以蕞爾之身。而百夫之所爲備。故天和莫至。悔吝屢庚。生殺失寒暑之宜。動靜戾剛柔之節。而貪欺終無所用。無乃已浮乎。黃帝乃終身弗遠。而天下治。

○路史引集仙錄。稱華其語。以爲雲華告禹之言。中段語同。僞三墳。意彼剽竊此文。

也。按漢書·神僊雜占各有壹雜子書。

【抱朴子】黃帝東到青丘。過風山。見紫府先生。受三皇內文。以効召萬神。南到圓隴。蔭建木。觀百穀之所

登探若乾之華。飲丹轡之水。西見中黃子。受九加之方。過洞庭。從廣成子。受自然之經。北到洪隄。上具茨。見大隗君。黃蓋童子。授神芝圖。還陟王屋。得神丹金訣。到峨嵋山。見天皇真人於玉堂。黃帝生而能言。役使百靈。可謂天授自然之體者也。猶復不能端坐而得道。故陟王屋而受丹經。到鼎湖而飛流珠。登崆峒而問廣成之具茨。而事大隗。適東岱而奉中黃。入金谷而咨滑子。論導養而質玄素。二女精推步。則訪山稽力牧。講占候。則詢風后。著體診。則受歧雷。審攻戰。則納五音之策。窮神姦。則記白澤之辭。相地理。則書青鳥之說。救傷殘。則綴金冶之術。故能畢該祕要。窮道盡真。遂乘龍以高躋。與天地乎罔極也。

○類書引

多訛字。今以原本校正。〔黃帝內經〕帝既與王母會於玉屋。乃鑄大鏡十二面。隨月用之。則鏡始於軒轅矣。〔軒轅本紀〕帝登恆山。於海濱得白澤神獸。能言。通於萬物之情。因問天下鬼神之事。令寫爲圖。作祝邪之文以祝之。〔宋符瑞志〕澤獸。黃帝時巡狩。至於東海濱。澤獸出。能言。達知萬物之精。以成於民。爲時除害。賢君明德。幽遠則來。〔春秋合誠圖〕黃帝先致白虎白狐。諸神物乃下。〔莊子〕黃帝遊乎赤水之北。登乎崑崙之丘而南望。還歸。遺其玄珠。使知索之而不得。使離朱索之而不得。使喫詬索之而不得也。乃使象罔。象罔得之。黃帝曰。異哉。象罔乃可以得之乎。〔徐濟記〕帝使風后負書。常伯荷劍。日遊涇流。夕歸陰浦。行萬里而一息。涇流如河塵。足踐則陷。其深難測。大風吹沙如霧。中多神龍魚鼈。皆能飛翔。有石藻青色。堅而甚輕。從風靡靡。覆其波上。一莖百葉。千年一花。其地一名沙灘。言沙湧起而成波瀾也。仙人甯封。食飛魚而死。二百年更生。故甯先生遊沙海七言頌云。青蘂灼燦千載舒。百齡暫死餌飛魚。則此化此魚也。〔列仙傳〕甯封子。黃帝時人也。爲黃帝陶正。有異人過之。爲其掌火。能出五色煙。久則。教封子。封子積火自燒。而隨煙氣上下。視其灰燼。猶有其骨。時人共葬於甯北山。故謂之甯封子焉。馬師皇者。黃帝時馬醫也。知馬形生死之診。治之輒愈。有龍下向之。垂耳張口。皇曰。此龍有病。知我能治。乃鍼其唇下口中。以甘草湯飲之而愈。後數有疾龍。出告而求治。一旦。龍負皇而去。〔遁甲開山圖〕絳北有陽石山。有神龍池。黃帝遣雲夢先生養龍於此。帝王歷代養龍之處。國有水旱。不時祀池請雨。〔論衡〕滄海之中。有度朔之山。上有大桃木。其戶蟠三千里。其枝開東。曰鬼門。萬鬼所出入也。上有二神人。一曰鬱壘。主閱領萬鬼。善惡之鬼。執以羣索。而以食虎。於是黃帝乃作禮。以時驅之。立大桃人。門戶畫神荼鬱壘與虎。懸羣以禦凶魅。有形。善惡執以食虎。〔莊子〕逸篇游鳧問於雄黃曰。逐疫出魅。擊鼓呼操。何也。曰。黔首多疾。黃帝氏立巫咸。使之沐浴齋戒。

·以通九竅·鳴鼓振鐸·以動其心·勞形趨步·以發陰陽之氣·飲酒  
茹葱·以通五藏·擊鼓呼噪·逐疫出魅·黔首不知·以爲魅崇耳·

【列子】黃帝卽位十有五年喜天下戴已養正命娛耳目供鼻口焦然肌色旣黯昏然五情爽惑又十有五年憂天下之不治竭聰明進智力營百姓焦然肌色旣黯昏然五情爽惑黃帝乃喟然讚曰朕之過淫矣養一已其患如此治萬物其患如此於是放萬機舍宮寢去直侍徹鐘懸減廚膳退而閒居大庭之館齋心服形三月不親政事晝寢而夢遊於華胥氏之國華胥氏之國在弇州之西台州之北不知斯齊國幾千萬里蓋非舟車足力之所及神遊而已其國無帥長自然而已其民無嗜慾自然而已不知樂生不知惡死故無夭殤不知親己不知疎物故無愛憎不知背逆不知向順故無利害都無所愛惜都無所畏忌人水不溺入火不熱斫撻無傷痛指擗無疥癢乘空如履實寢虛如處牀雲霧不礙其視雷霆不亂其德美惡不滑其心山谷不躓其步神行而已黃帝旣寤怡然自得召天老力牧太山稽告之曰朕閒居三月齋心服形思有以養身治物之道弗獲其術疲而睡所夢若此今知至道不可以情求矣朕知之矣朕得之矣而不能以告若矣又二十有八年天下大治幾若華胥氏之國而帝登假百姓號之二百餘年不輟

【史記】黃帝二十五子其得姓者十四人黃帝居軒轅之丘而娶於西陵之女是爲嫫祖嫫祖爲黃帝正妃生二子其後皆有天下其一曰玄囂是爲青陽青陽降居江水其二曰昌意降居若水昌意娶蜀山氏

女曰昌僕。生高陽。高陽有聖德焉。○玄鸞·青陽·諸書

【帝王世紀】元妃西陵氏女曰嫫祖。生昌意。次妃方雷氏女曰女節。生青陽。次妃彤魚氏女。生夷鼓。一名

蒼林。次妃嫫母。班在三人之下。○按國語·夷鼓蒼林是二人。漢書古今人表·彤魚氏生夷鼓·嫫母生蒼林·不得如謚所說·史云嫫祖生青陽·謚云女節生青陽·所見亦異也。

【呂氏春秋】人之於色也。無不知說美者。而美者未必遇也。故嫫母執乎黃帝。黃帝曰。屬女德而弗忘。與

女正而弗衰。雖惡奚傷。〔列女傳〕黃帝妃嫫母。於四妃之班居下。甚醜而最賢。心每自退。○藝文引。〔軒轅本紀〕

帝祭之。以爲祖神。令次妃嫫母監護於道。以時祭之。因以嫫母爲方相氏。

【史記】黃帝崩。葬橋山。〔帝王世紀〕黃帝在位百年而崩。年百一十歲矣。〔皇覽〕黃帝冢在上郡橋山。黃帝采首山銅。鑄鼎於荆山下。鼎既成。有龍

垂胡髯。下迎黃帝。黃帝上騎。羣臣後宮從上者七十餘人。龍乃上去。餘小臣不得上。乃悉持龍髯。龍髯拔

墮。墮黃帝之弓。百姓仰望。黃帝既上天。乃抱其弓。與胡髯號。故後世因名其處曰鼎湖。其弓曰烏號。〔漢書〕

黃帝作寶鼎三。象天地人。〔鼎錄〕金華山·黃帝作一鼎·高一丈三尺·中如十石甕·像龍騰雲·百神螭獸滿其中·文曰·真金作鼎·百神率伏。〔古今注〕世稱黃帝鍊丹於鑿硯山·乃得仙藥乘上天·羣臣授龍鬚·鬚墜而生草·曰龍鬚。

〔帝王世紀〕或傳以爲黃帝已僊上天。羣臣葬其衣冠。〔博物志〕黃帝登仙·其臣左徹者·削木象黃帝·帥諸侯以朝之·七年不還·左徹乃立顓頊·左徹亦仙去也。〔紀年〕帝

仙。或言壽三百歲。黃帝已僊上天。羣臣葬其衣冠。〔博物志〕黃帝登仙·其臣左徹者·削木象黃帝·帥諸侯以朝之·七年不還·左徹乃立顓頊·左徹亦仙去也。〔紀年〕帝

以土德王。應地裂而陟葬。羣臣有左徹者。感恩帝德。取衣冠几杖而廟饗之。諸侯大夫。其孫昌意之子高陽立。是爲

帝顓頊也。○史不印少昊氏·說見下卷。〔山海經〕黃帝生禺繡·禺繡生禺京·禺京處北海·禺繡處東海·是爲海神·帝俊生禺號·禺號生淫梁·淫梁生番禺·是始爲舟·番禺生奚仲·奚仲生吉光·吉光是始以木爲車·有儻

耳之國。任姓。禺號子。食穀。有牛黎之國。有人無骨。儻耳之子。有繼無民。任姓。無骨子。食氣魚。又有無腸之國。是任姓。無繼子。食魚。黃帝生苗龍。苗龍生融吾。融吾生弄明。弄明生白犬。白犬有牝牡。是爲犬戎。肉食。





# 釋史卷六

## 太古第六

### 少皞紀

【漢書】少昊帝考德曰清。清者黃帝之子清陽也。是其子孫名摯。立土生金。故爲金德。天下號曰金天氏。周曆其樂。故易不載。序於行。〔河圖〕大星如虹。下流華渚。女節意感。生白帝朱宣。〔宋符瑞志〕帝摯少昊氏。母曰陽。姬姓也。卽圖讖所謂白帝朱宣者也。故稱少昊號金天氏。

【拾遺記】少昊以金德王。母曰皇娥。處璇宮而夜織。或乘桴木而晝遊。經歷窮桑滄茫之浦。時有神童。容貌絕俗。稱爲白帝之子。卽太白之精。降乎水際。與皇娥讌戲。奏嬈娟之樂。游漾忘歸。窮桑者西海之濱。有孤桑之樹。直上千尋。葉紅椹紫。萬歲一實。食之後天而老。帝子與皇娥泛於海上。以桂枝爲表。結薰茅爲旌。刻玉爲鳩。置於表端。言鳩知四時之候。故春秋傳曰。司至是也。今之相風。此之遺象也。帝子與皇娥並坐。撫桐峯梓瑟。皇娥倚瑟而清歌曰。天清地曠。浩茫茫。萬象迴薄。化無方。洽天蕩蕩。望滄滄。乘桴輕漾。著日傍。當其何所。至窮桑。心知和樂。說未央。俗謂遊樂之處爲桑中也。白帝子答歌曰。四維八延。眇難極。驅光逐影。窮水域。璇宮夜靜。當軒織。桐峯文梓。千尋直。伐桴作器。成琴瑟。清歌流暢。樂難極。滄湄海浦。來棲息。

及皇娥生少昊。號曰窮桑氏。亦曰桑丘氏。○帝子聖母。而有桑中之戲。清歌七言。乃見軒皇之世乎。子年之妄極矣。

【帝王世紀】少昊帝是爲玄囂。降居江水。有聖德。邑于窮桑。以登帝位。都曲阜。故或謂之窮桑。○公羊疏云。依八代記。

少昊十  
二而冠。

【古史考】少昊以金德王。故號金天氏。或曰宗師太皞之道。故曰少皞。少昊之樂曰九淵。

【漢書】世經春秋昭公十七年。鄭子來朝。傳曰。昭子問。少昊氏。鳥名何故。對曰。吾祖也。我知之矣。昔者黃帝氏以雲紀。故爲雲師而雲名。炎帝氏以火紀。故爲火師而火名。共工氏以水紀。故爲水師而水名。太昊氏以龍紀。故爲龍師而龍名。我高祖少昊摯之立也。鳳鳥適至。故紀於鳥。爲鳥師而鳥名。言鄭子據少昊受黃帝。黃帝受炎帝。炎帝受共工。共工受太昊。故先言黃帝。上及太昊。稽之於易。炮犧神農黃帝相繼之世可知。（朱符瑞志）登帝位。有鳳凰之瑞。○杜氏左傳注云。鳳鳥知天時。故以名歷正之官。玄鳥以春分來。秋分去。伯趙以夏至鳴。冬至止。青鳥以立春鳴。立夏止。丹鳥以立秋來。立冬去。上四鳥皆歷正之屬官。祝鳩孝。故爲司徒。主教民。鳴鳩驚而有別。故爲司馬。主法制。鳴鳩平均。故爲司空。平水土。爽鳩驚。故爲司寇。主盜賊。鶡鳩春來冬去。故爲司事。雉有五種。西方曰鶡雉。東方曰鶡雉。南方曰鶡雉。北方曰鶡雉。伊洛之南曰鶡雉。廬有九種。春廬鳩。夏廬竊玄。秋廬竊藍。冬廬竊黃。棘廬竊丹。行廬暗暗。廬霄噴噴。桑廬竊脂。老廬鶡鷄。以九廬爲九農之號。各隨其宜。以教民事。

【拾遺記】少昊以主西方。一號金天氏。亦曰金窮氏。時有五鳳。隨方之色。集於帝庭。因曰鳳鳥氏。金鳴於山。銀湧於地。或如龜蛇之狀。乍似人鬼之形。有水屈曲。亦如龍鳳之狀。有山盤紆。亦如屈龍之勢。故有龍山。龜山。鳳水之目也。亦因以爲姓。末代爲龍丘氏。蛇丘氏。

【尸子】少昊金天氏。邑於窮桑。日五色。下照窮桑。

【田俅子】少昊都于曲阜。鞭鞮毛人獻其羽裘。赤燕一羽。飛集少昊氏之戶。遺其丹書。

【帝王世紀】在位百年而崩。○外紀。在位八十四年。壽百歲。鳥紀官。〔春秋命歷序〕少昊傳八世。〔山海經〕少昊生倍伐。培伐處緜淵。少昊生般。般是始爲弓矢。有人一目。當面中生。一曰是威姓。少昊之子。食黍。東海之外大壑。少昊之國。少昊孺帝顓頊。於此棄其琴瑟。

史記本紀曰。黃帝之子曰玄囇。是爲青陽。青陽降居江水。不得在位。是不然。青陽與玄囇。皆黃帝之子。非一人也。青陽卽少昊氏也。少昊之居西方。蓋在蚩尤旣滅之時。其登帝位也。乃在黃帝升遐之後。何以明之。周書曰。帝執蚩尤。殺之于曰冀。乃命少昊請司馬鳥師以正五帝之官。故名曰質。質卽少昊之名。摯是也。摯有盛德。嗣位爲帝。都于曲阜。曲阜非西方也。明矣。紀年曰。少昊不居帝位。帥鳥師居西方。以鳥紀官。是又不然。命官天子之事也。方少昊之宅西。所任者侯伯之職。所司者一方之治。及其立爲帝也。鳳鳥適至。始因之以紀官。使少昊而終於西方。將已亦在雲師雲名之列。又何由鳩雉扈農。設官備物哉。周書所稱。亦未可盡據矣。古史考曰。宗師太昊之道。故曰少昊。是又不然。少昊其初立國之名也。猶堯之爲唐。舜之爲虞。三代之爲夏商周。皆先有其號。及有天下。因而不改。豈其黃帝之子。作述一堂。乃近舍軒后之法。遠修戲皇之道哉。問者曰。少昊之爲帝信矣。然則五帝德何以不載。曰。帝德因宰我之問而及之也。少昊續緒承家。德協黃帝。是以宰我未問。孔子亦不言。非謂其不帝也。然則繫辭何

以不序。曰。易序伏羲氏以來制作之君。少昊顓頊帝嚳皆無所制作。故統言黃帝堯舜略不備舉。非謂其皆不帝也。史見玄圃之降處江水也。則以爲青陽不帝。紀年見少昊之以鳥名官也。則以爲帥鳥師居西方。世紀是少昊爲金行之帝也。則以爲玄圃自江水登帝位。是皆怵忽不得其實。故備論焉。以爲五帝之首。

# 釋史卷七

## 太古第七

### 高陽紀

【大戴禮記】黃帝產昌意。昌意產高陽。是爲帝顓頊。昌意娶於蜀山氏。蜀山氏之子謂之昌濮氏。產顓頊。

〔山海經〕黃帝妻靈祖。生昌意。昌意降處若水。生韓流。韓流擯首謹耳。人面豕喙。鱗身。渠股豚止。取掉子。曰阿女。生顓頊。○韓流。或作乾荒。

【帝王世紀】帝顓頊高陽氏。黃帝之孫。昌意之子。姬姓也。母曰景僕。蜀山氏女。爲昌意正妃。謂之女樞。金

天氏之末。女樞生顓頊於若水。〔詩含神霧〕瑤光如兒。貫月正白。感女樞。生顓頊。〔宋符瑞志〕女樞見瑤光之星

顓頊戴午。是謂清明。發節移度。蓋象招搖。〔潛夫論〕赤帝顓頊。其相駢幹。○新論作并軒。〔拾遺記〕昌意出河濱。遇黑龍負玄玉圖。時有一老叟謂昌意云。生子必叶水德而王。至十年。顓頊生。手有文如龍。亦有玉圖之象。其夜。昌

意仰視天。北辰下。化爲老叟。昌意雖黃帝之嫡。以德劣降居若水。爲諸侯。及顓頊生。十年而佐少昊。二十而登帝位。

【呂氏春秋】嘗得學黃帝之所以誨顓頊矣。爰有大圓在上。大矩在下。汝能法之。爲民父母。

【鬻子】昔者帝顓頊年十五而佐黃帝。二十而治天下。其治天下也。上緣黃帝之道而行之。學黃帝之道

而常之。

【帝王世紀】平九黎之亂。以水事紀官。南正重司天。以屬神。北正黎司地。以屬民。於是民神不雜。萬物有

序始都窮桑。徙商丘。

【漢書】顓頊帝春秋外傳曰。少昊之衰。九黎亂德。顓頊受之。迺命重黎蒼林。昌意之子也。金生水。故爲水德。天下號曰高陽氏。周譽其樂。故易不載。序於行。

【古史考】顓頊以孟春正月爲元。其時正朔立春。五星會于天歷營室。天曰作時。地曰作昌。人曰作樂。鳥獸萬物莫不應和。故顓頊聖人爲歷宗也。

【呂氏春秋】帝顓頊生自若水。實處空桑。乃登爲帝。惟天之合。正風乃行。其音若熙熙。淒淒鏘鏘。帝顓頊好其音。乃令飛龍作效。八風之音。命之曰承雲。以祭上帝。乃令鱣先爲樂倡。鱣乃偃浸。以其尾鼓其腹。其音英。（帝王世紀）命飛龍効八風之音。作樂五英。以祭上帝。（樂緯）顓頊之樂曰五莖。

【新書】帝顓頊曰。至道不可過也。至義不可易也。是故以後者復迹也。故上緣黃帝之道而行之。學黃帝之道而賞之。加而弗損。天下亦平也。顓頊曰。功莫美於去惡而爲善。罪莫大於去善而爲惡。故非吾善善而已也。善緣善也。非惡惡而已也。惡緣惡也。吾日慎一日。其此已也。

【淮南子】帝顓頊之法。婦人不辟。男子於路者。拂之於四達之衢。

【史記】帝顓頊高陽者。黃帝之孫而昌意之子也。靜淵以有謀。疏通而知事。養材以任地。載時以象天。依鬼神以制義。治氣以教化。潔誠以祭祀。北至于幽陵。南至于交趾。西至于流沙。東至于蟠木。動靜之物。小

大之神。日月所照。莫不砥屬。

〔真語〕顓頊父君。弱水之鄉。頊身陶七河之津。是爲玄黃也。伏萬靈以信順。監衆神以

祥衆祉。莫不總集。不稟正朔。越山航海而皆至也。帝乃揖四方之靈。羣后執珪以禮。百辟各有班序。受文德者。錫

以鐘磬。受武德者。錫以干戈。有浮金之鐘。沈明之磬。以羽毛拂之。則聲振百里。石浮於水上。如萍藻之輕。取以爲

磬。不加磨琢。及朝萬國之時。乃奏含英之樂。其音清密。落雲閉之羽。鯨鯢游湧。海水恬波。有曳影之劍。騰空而舒

若四方有兵。此劍則飛起指其方。則虓伐。未用之時。常於匣裏如龍虎之吟。溟海之北。有勃鞞之國人。皆衣羽毛

落。帝乃更以文豹爲飾。獻黑玉之食。色如淳。貢玄駒千疋。帝以駕鐵輪。騁勞。殊鄉絕域。其人依風泛黑河以旋其

國也。〔博物志〕蒙雙民。昔高陽氏有同產而爲夫婦。帝放之此野。相抱而死。神鳥以不死草覆之。七年。男女皆沾。

同頸二頭四手。是蒙雙民。〔拾遺記〕閩河之北。有紫桂成林。其實如棗。羣

仙餌焉。韓終採藥四言詩曰。閩河之桂。實大如棗。得而食之。後天不老。

【帝王世紀】顓頊在位七十八年。年九十八歲。歲在鶉火而崩。葬東郡頓丘廣陽里。〔皇覽〕顓頊冢在東郡濮

陽頓丘城門外廣陽里中。〔山海經〕漢水出鮪魚之山。帝顓頊葬于陽。九嬪葬于陰。四蛇衛之。大荒之中。河水之閒。附禺之山。帝顓頊與

九嬪葬焉。爰有鳴久文貝離瑜。鸞鳥鳳鳥。大物小物。有青鳥環鳥。玄鳥黃鳥。虎豹熊羆。黃蛇視肉。踏瑰瑤碧。皆出

衛於山。

【史記】帝顓頊生子曰窮蟬。顓頊崩而玄囂之孫高辛立。是爲帝嚳。〔春秋命歷序〕顓頊卽高陽氏。傳二

年。啓其左脅。六人出焉。其一曰樊。是爲昆吾。其二曰惠連。是爲參胡。其三曰鏡。是爲彭祖。其四曰萊言。是

爲云鄆人。其五曰安。是爲曹姓。其六曰季連。是爲芊姓。昆吾者。衛氏也。參胡者。韓氏也。彭祖者。彭氏也。云

·四曰會人。五曰曹姓。六曰季連。芊姓。楚其後也。昆吾氏。夏之時。嘗為侯伯。桀之時。湯滅之。彭祖氏。殷之時。嘗為侯伯。殷之末世。滅彭祖氏。（風俗通）陸終娶于鬼方氏。是謂女嬃。蓋孕而三年不育。啓其左脅。三人出焉。老童生重及黎。帝令重獻上天。令黎印下地。下地是生噎。處於西極。以行日月星辰之行次。有人名曰吳回。奇左。是無右臂。世本彭祖姓。名鏗。在商為守藏史。在周為柱下史。年八百歲。論語疏引。神仙傳彭祖者。顯頊之女孫也。周未已七百六十七歲。而不衰老。少好恬靜。不卹世務。不營名譽。不飾車服。唯以養生治身為事。王令采女問道於彭祖。彭祖曰。欲舉形登天。上補仙官。常用金丹。其次當愛養精神。服藥草。可以長生。吾遺腹而生。三歲而失母。遇犬戎之亂。流離西域。百有餘年。加以少枯。喪四十九妻。失五十四子。數遭憂患。和氣折傷。恐不度世。乃去。不知所之。其後七十餘年。聞人於流沙之國西見之。文多不具錄。列仙傳彭祖。帝顯頊之孫。陸終氏之子。據德不殆。南山松柏。長受嘉福。楚辭注彭鏗好和滋味。善辭雄羹。能事帝堯。帝堯美而饗食之。以壽考。祖至八百歲。猶自悔不壽。恨枕席而眠遠也。莊子注云。杖晚而睡遠。山海經有國名曰淑士。顯頊之子。有人焉。三面。是顯頊之子。三面一臂。三面之人不死。有國曰顯頊。生伯服。食黍。有季禹之國。顯頊之子。食黍。有國曰中區。顯頊之子。食黍。有叔歌國。顯頊之子。食黍。使四鳥虎豹熊羆。有人有翼。名曰苗民。顯頊生驩頭。驩頭生苗民。營姓。食肉。按驩兜苗民。傳不言父子。亦非高陽之後。此疑脫誤。搜神記昔顯頊氏有三子。死而為疫鬼。一居江水。為疇鬼。一居若水。為魍魎鬼。一居人宮室。善驚人小兒。為小鬼。於是正歲命方相氏帥肆難以驅疫鬼。

顯頊。黃帝之孫。而少昊氏兄弟之子也。據史則嗣黃帝而立。據世紀則繼少昊而立。少昊一代。既不可混。則世紀為可信乎。然史之失。在於輕信而多疎。世紀之失。在於牽合而附會。顯頊之佐黃帝。與黃帝之誨顯頊。見於鬻子。呂覽。皆近古之書也。世紀牽於二十登位之說。則謂其生於金天末年。十年而佐少昊。如以鬻子未可信。將二十治天下之言。亦竝可廢。胡為兩歧其說。吾不能為之解也。最難知者。帝王之諸系。最無徵者。上世之年紀。史敍昌意於玄囂之下。何由知其為黃帝之嫡。昌意降處若水。亦猶



帝擊嗣位。堯受唐封。封建之來久矣。何由知其德之劣。史自三代以上。止表其世。共和以下。始紀其年。年固有不可強知也。必以顓頊爲在位七十八年。年九十八歲。則不得不就二十而曲爲之說。此皇甫氏之蔽也。然則顓頊之年果若何。曰。是固不可知也。抑嘗考之。黃帝在位。已百年矣。少昊嗣之。未必復有八十四年之久。或者顓頊及見黃帝。由此登庸任治。其治天下。惡知不在軒昊之時。舜禹之功。成於唐世。奚必二十而登帝位哉。帝之有天下也。其道則緣乎黃帝。其功則在乎爲善而去惡。其德靜淵。疏通。其治象天任地。其法男女有別。命官以民事。而五正咸得其職。平九黎之亂。命重黎絕地天。通神人。無復雜糅。民用安生。休祥滋至。化被四海。莫不砥屬。以斗杓建寅爲歷元。四時以正。五星聚室。萬物應和。後世法而行之。久無差違也。作承雲之樂。陰陽以調。用享上帝。夙乎承五運之終。立帝德之極。載在傳記者。歷歷可考如此。至其登位之蚤晚。享年之多寡。姑闕疑焉。



# 釋史卷八

## 太古第八

### 高辛紀

【史記】帝嚳高辛者黃帝之曾孫也。高辛父曰蟠極。蟠極父曰玄囂。玄囂父曰黃帝。自玄囂與蟠極皆不得在位。至高辛。即帝位。高辛於顓頊爲族子。

【大戴禮記】黃帝產玄囂。玄囂產蟠極。蟠極產高辛。是爲帝嚳。〔白虎通〕帝嚳離齒。上法月參。康度成紀。取理

新論作戴眉。帝王紀云。嚳母無聞焉。

【帝王世紀】帝嚳高辛氏。姬姓也。其母生見其神異。自言其名曰爰。齟齬有聖德。年十五而佐顓頊。三十登帝位。都亳。

【嚳子】昔者帝嚳年十五而佐帝顓頊。三十而治天下。其治天下也。上緣黃帝之道而明之。學帝顓頊之道而行之。

【新書】帝嚳曰。緣道者之辭而學爲已。緣巧者之事而學爲巧。行仁者之操而學爲仁也。故節仁之器以修其躬。而身專其美矣。故上緣黃帝之道而明之。學帝顓頊之道而行之。而天下亦平也。帝嚳曰。德莫

高於博愛人而政莫高於博利人。故政莫大於信。治莫大於仁。吾慎此而已也。〔尙書璇璣鈴〕帝嚳以上朴略。有象難傳。

【帝王世紀】以人事紀官。故以勾芒爲木正。祝融爲火正。蓐收爲金正。玄冥爲水正。后土爲土正。是五行之官分職而治諸侯。於是化被天下。

【史記】重黎爲帝嚳高辛居火正。甚有功能。光融天下。帝嚳命曰祝融。共工氏作亂。帝嚳使重黎誅之。而不盡。帝乃以庚寅日誅重黎。而以其弟吳回爲重黎。後復居火正。爲祝融。

【漢書】帝嚳春秋外傳曰。顓頊之所建。帝嚳受之。清陽玄囂之孫也。水生木。故爲木德。天下號曰高辛氏。周嚳其樂。故易不載。周人禘之。

【史記】高辛生而神靈。自言其名。普施利物。不於其身。聰以知遠。明以察微。順天之義。知民之急。仁而威。惠而信。修身而天下服。取地之財而節用之。撫教萬民而利誨之。曆日月而迎送之。明鬼神而敬事之。其色郁郁。其德嶷嶷。其動也時。其服也士。帝嚳既執中而徧天下。日月所照。風雨所至。莫不從服。〔濟夫論〕帝嚳代顓頊氏。

其號高辛。厥質神靈。德行祇肅。迎送日月。順天之則。能敘三辰以周民。作樂六英。

【呂氏春秋】帝嚳命咸黑作爲聲歌。九招六列六英。有倕作爲鞀鼓。鐘磬吹苓。管壎篪鞀椎鐘。帝嚳乃令人拊。或鼓鞀。擊鐘磬。吹苓。展管篪。因令鳳鳥天翟舞之。帝嚳大喜。乃以康帝德。〔帝王世紀〕帝嚳六莖。以康帝德。〔宋符瑞志〕使鼓人拊鞀。

鼓。擊鐘磬。鳳凰鼓翼而舞。

〔樂緯〕帝嚳之樂曰六英。

【玄中記】高辛時。犬戎爲亂。帝曰。有討之者。妻以美女。封三百戶。帝之狗曰槃瓠。去三月而殺犬戎。以其首來。帝以女妻之。不可教訓。浮之會稽東海中。得地三百里。封之。生男爲狗。女爲美人。是爲犬封氏。（搜神記）高辛氏有老婦人。居於王宮。得耳疾。醫爲挑治。出頂蟲大如繭。婦人置於瓠。覆之以盤。餓化爲犬。因名盤瓠。時戎吳強盛。數侵邊境。乃募天下有能得戎吳將軍首者。購金千斤。封邑萬戶。又賜以少女。後盤瓠銜得一頭。將還王闕。王診視之。卽是戎吳。少女聞之。啓曰。盤瓠爲國除害。此天命使然。不可以女子而負約於天下。從之。盤瓠將女上山。入谷。止於石室之中。蓋經三年。產六男六女。自相配偶。後母歸。以語王。王遣使迎諸男女。衣服編毳。言語侏儻。飲食蹲踞。於山巖都。王順其意。賜以名山廣澤。號曰蠻夷。故世稱赤犢橫裙。盤瓠子孫。（拾遺記）有丹丘之國。獻碼碼瓠。以盛甘露。帝德所治。被於殊方。以露充於廚也。碼碼。石類也。南方者爲之勝。今善別馬者。死則破其腦視之。其色如血者。則日行萬里。能騰空飛。腦色黃。日行千里。腦色青者。嘶聞數百里。腦色黑者。入水毛鬣不濡。日行五百里。腦色白者。多力而怒。今爲器多用赤色。若是人工所制者。多不成器。亦殊朴拙。其國人聽馬鳴。則別其腦色。丹丘之地。有夜叉駒跋之鬼。能以赤馬腦爲瓶盃及樂器。皆精妙輕麗。中國人有用者。則魘魅不能達之。

【世本】帝嚳卜其四妃之子。皆有天下。元妃有郃氏之女。曰姜嫄。生后稷。次妃有娥氏之女。曰簡狄。生契。

次妃陳鄴氏之女。曰慶都。生帝堯。次妃訾陬氏之女。曰常儀。生帝摯。○大戴禮記。陳鄴。作陳隆。訾陬。作陳訾。帝王世紀。又作娥訾。

【史記】帝嚳娶陳鋒氏女。生放勳。娶姬訾氏女。生摯。帝嚳崩而摯代立。

【帝王世紀】帝嚳在位七十年。年百五歲而崩。葬東郡頓丘廣陽里。（春秋命歷序）帝嚳傳十世。（皇覽）帝嚳海經有女子方浴月。帝俊妻常羲。生月十有二。此始浴之。有羲和之國。有女子名曰羲和。方浴日於甘淵。羲和者。帝俊之妻。生十日。有司幽之國。帝俊生晏龍。晏龍生司幽。司幽生思士不妻。思士不妻。食黍食歌。是使四鳥。帝俊生晏龍。晏龍是爲琴瑟。帝俊有子八人。是始爲歌舞。○帝嚳名笈。山海經稱帝俊。是也。然亦有非帝嚳者。未詳其說。（拾遺記）帝嚳之妃。郃屠氏之女也。女行不踰地。常復風雲。游於伊洛。帝乃期焉。納以爲妃。妃常夢吞日則生一子。凡經八夢。則生八子。世謂之八神。亦謂八翼。翼。明也。亦謂八英。亦謂八力。言其神力英明。翼成萬象。億兆流其神睿焉。

【史記】帝摯立不善崩而弟放助立是爲帝堯。

【帝王世紀】帝摯之母於四人中。班最在下。而摯於兄弟最長。得登帝位。封異母弟放助爲唐侯。摯在位九年。政微弱。而唐侯德盛。諸侯歸之。摯服其義。乃率羣臣造唐。而致禪。唐侯自知有天命。乃受帝禪。乃封摯於高辛。○綱目前編云。摯荒淫無度。諸侯廢之。而推尊堯爲天子。按帝摯或崩或禪或廢。諸說各不同也。

帝嚳高辛氏。黃帝之曾孫。顓頊之族子也。生而神靈。嗣高陽氏爲天子。其嗣天子者。以賢立也。五帝之世。以公天下爲心。非至德不足以治天下。非得至德之人不敢授以天下。是以高辛高陽咸起支封。又必試以官職。故高陽十五而佐黃帝。高辛亦十五而佐高陽。詢事考言。乃登大位。故曰五帝官天下。官天下者。以天下爲公器。惟賢是擇。近不嫌於傳子。黃帝少昊是已。外不妨於異姓。堯舜是已。少昊之後。無足嗣帝位者。而顓頊有至德。顓頊之後。無足嗣帝位者。而嚳有至德。有至德者登大位。皆以其賢也。非以其親也。顓頊之所建。帝嚳受之。聰明祗肅。普施利物。順天取地。節用愛民。德化四訖。享國七十年。帝摯嗣立。未久而崩。而陶唐氏作矣。然竊有疑焉。記稱帝嚳四妃之子。以嫡也。則莫如立后稷。以賢則堯稷契。皆其人也。不立嫡與賢而立摯。豈嚳無知子之明。有愛憎之私乎。非所以論嚳也。或稱摯荒淫。諸侯廢之。或稱唐侯德盛。摯微弱。而禪焉。若是。則堯有利天下之心。諸侯擅廢立之權。尤非所以論堯也。史記本紀。但曰摯立不善崩而已。所謂不善者。德不類邪。政不理邪。民不從邪。抑如書所謂有疾弗

豫傳所謂弱足不良者邪。荒淫微弱。皆後世揣摩之言。摯之賢不肖。未可以臆度也。意者帝嚳之子。摯最居長。當如世紀所說。既而享年不永。兄終弟及。外紀曰。帝堯年十六。卽天子位。然則帝嚳之崩。堯方七歲。故不立堯而立摯。殆以此與。





# 釋史卷九

## 太古第九

### 陶唐紀

【大戴禮記】帝嚳產放勳。是爲帝堯。

【帝王世紀】帝堯陶唐氏。祁姓也。母慶都。孕十四月而生堯於丹陵。名曰放勳。烏庭荷勝。眉有八采。豐下

銳上。或從母姓伊氏。（春秋合誠圖）堯母慶都。蓋大帝之女。生於斗維之野。常在三河東南。天大雷電。有血流澗大石

觀山河。奄然陰風。赤龍與慶都合。有娠而生堯。宋符瑞志）慶都觀於三河。常有龍隨之。一旦。龍負圖而至。其文

要曰：亦受天祐。眉八彩。鬚髮長七尺二寸。面銳上豐下。足履翼宿。既而陰風四合。赤龍感之。孕十四月。而生堯於丹

陵。其狀如圖。帝堯碑）赤龍負圖出。慶都讀之。云：赤受天運。其下圖人。衣赤衣。鬚髮尺餘。長七尺二寸。兌下

豐上。足履翼星。聖曰：赤帝起成天下寶。其先出自塊隗。翼火之精。有神龍自出於常羊。慶都交之。生伊堯。不與

凡等。龍顏日角。眉八彩。謾自依伯。游於玄河。龍龜負銜。授與。然後受命。淮南子）堯眉八彩。九竅通洞。而

公正無私。一言而萬民齊。春秋元命苞）堯眉八采。是謂通明。歷象日月。璇璣玉衡。尚書大傳）堯八眉。八者。

如八字年十五而佐帝摯。受封於唐。爲諸侯。身長十尺。嘗夢天而上之。故二十而登帝位。都平陽。

【書】曰：若稽古帝堯。曰放勳。欽明文思安安。允恭克讓。光被四表格于上下。克明俊德。以親九族。九族既

睦。平章百姓。百姓昭明。協和萬邦。黎民於變時雍。

【史記】帝堯者。放勳。其仁如天。其知如神。就之如日。望之如雲。富而不驕。貴而不舒。黃收純衣。彤車乘白

馬能明馴德。以親九族。九族既睦。便章百姓。百姓昭明。合和萬國。

【淮南子】堯之有天下也。非貪萬民之富。而安人主之位也。以爲百姓力征。強陵弱。衆暴寡。是於堯乃身服節儉之行。而明相愛之仁。以和輯之。是故茅茨不翦。采椽不斷。大路不畫。越席不緣。大羹不和。粢食不穀。巡狩行教。勤勞天下。周流五嶽。豈其奉養不足樂哉。舉天下而以爲社稷。非有利焉。年衰志憫。舉天下而傳之舜。猶却行而脫蹤也。所以樂爲人主者。以其窮耳目之欲。而適躬體之便也。今高臺層榭。人之

所麗也。而堯樸桷不斲。素題不斲。珍怪奇味。人之所美也。而堯糲粢之飯。藜藿之羹。文繡狐白。人之所好也。而堯布衣揜形。鹿裘御寒。養性之具。不加厚。而增之以任重之憂。故舉天下而傳之於舜。若釋重負然。

【尸子】人之言君天下者。瑤臺九鼎。而堯白屋。黻衣九種。而堯大布。宮中三市。而堯鷄居糲飯菜粥。麒麟青龍。而堯素車玄駒。【六韜】帝堯土天下之時。金銀珠玉不飾。錦繡文綺不衣。奇怪珍異不視。玩好之器不寶。淫佚之樂不聽。宮垣屋室不聖。栗棗椽楹不斷。芡茨編庭不翦。鹿裘禦寒。布衣掩形。糲粢之飯。藜藿之羹。示以儉作之故。害民耕織之時。削心約志。從事乎無爲。吏忠正奉法者尊其位。廉潔愛人者厚其祿。民有孝慈者愛敬之。盡力農桑者慰勉之。旌別淑慝。表其門閭。平心正節。以法度禁邪僞。所憎者有功必賞。所愛者有罪必罰。存養天下。鰥寡孤獨。賑贍。別淑慝。表其門閭。平心正節。以法度禁邪僞。所憎者有功必賞。所愛者有罪必罰。存養天下。鰥寡孤獨。賑贍。賜亡之家。其自奉也甚薄。其賦役也甚寡。故萬民富樂。而無饑寒之色。百姓戴其君如日月。親其君如父母。

【書】乃命羲和。欽若昊天。曆象日月星辰。敬授人時。分命羲仲。宅嵎夷。曰暘谷。寅賓出日。平秩東作。日中星鳥。以殷仲春。厥民析。鳥獸孳尾。申命羲叔。宅南交。平秩南訛。敬致日永星火。以正仲夏。厥民因。鳥獸希革。分命和仲。宅西。曰昧谷。寅饒納日。平秩西成。宵中星虛。以殷仲秋。厥民夷。鳥獸毛毳。申命和叔。宅朔方。曰幽都。平在朔易。日短星昴。以正仲冬。厥民隩。鳥獸氄毛。帝曰。咨。汝羲暨和。朞三百有六旬有六日。以閏

月定四時，成歲允釐百工，庶績咸熙。〔論衡〕堯候四時之中，命羲和察四星以占時氣。〔山海經注〕羲和，蓋天地始職出入，以爲晦明。又曰：瞻彼上天，一明一晦，有夫羲和之子，出于陽谷，故堯因此而立羲和之官。以主四時，其後世遂爲此國。〔春秋文耀鉞〕唐堯卽位，羲和立象儀。〔尸子〕造歷數者，羲和子也。

【古今注】堯設誹謗之木，今之華表木也。以橫木交柱頭，狀若花也。形似桔槔，大路交衢悉施焉。或謂之表木，以表王者納諫也。亦以表識衢路也。〔帝王世紀〕堯置敢諫之鼓。〔淮南子〕堯置敢諫之鼓，舜立誹謗之木。敢諫之鼓，三王立誹謗之木。文選注云：進善之旌。堯立之五達之道，誹謗木，堯作之橋梁板，所以書政治之愆失。〔淮南子〕堯戒曰：戰戰慄慄，日慎一日，人莫誦于山而踐于堙。

【呂氏春秋】堯戰于丹水之浦，以服南蠻。而不服，堯征而克之於丹水之浦。〔帝王世紀〕諸侯有苗氏，處南蠻。

【淮南子】堯之時，十日竝出，焦禾稼，殺草木，而民無所食。獫狁鑿齒，九嬰大風，封豨修蛇，皆爲民害。堯乃使羿誅鑿齒於疇華之野，殺九嬰於凶水之上，繳大風於青丘之澤，上射十日而下殺獫狁，斷修蛇於洞庭，擒封豨於桑林。萬民皆喜，置堯以爲天子。於是天下廣狹險易，遠近始有道里。〔山海經〕羿與鑿齒戰于壽

弓矢，鑿齒持盾，一曰戈，斨，龍首，居弱水中，其狀如龍首，食人。貳負之臣曰心，危與貳負殺斨，帝梏之疏屬之山，梏其右足，反縛兩手與髮，繫之山上木。帝俊賜羿彤弓素旃，以扶下國，羿是始去。恤下地之百艱。〔楚辭注〕堯令羿仰射十日，中其九日，日中九鳥皆死，墜其羽翼。○諸說荒誕。

【呂氏春秋】帝堯立，乃命質爲樂，質乃效山林谿谷之音以歌，乃以麋鞞置缶而鼓之，乃拊石擊石，以象上帝玉磬之音，以致舞百獸。瞽叟乃抃五絃之瑟，作以爲十五絃之瑟，命之曰大章，以祭上帝。〔帝王世紀〕夔放山川谿谷之音，作樂大章。天下大和。〔古今樂錄〕神人鳴，帝堯所作。堯郊天地，祭神，座上有謨，堯曰：水方至爲害，命子救之。堯乃作歌曰：清廣穆兮承予宗，百寮肅兮子寢堂，酸禱進福，求年豐，有韻在坐，敕子爲寄在玄中，鈞哉昊天德不隆。

·奉命任禹  
爲中宮·

【新書】帝堯曰。吾存心於先古。加意於窮民。痛萬姓之罹罪。憂衆生之不遂也。故一民或饑。曰此我饑之也。一民或寒。曰此我寒之也。一民有罪。曰此我陷之也。仁行而義立。德博而化富。故不賞而民勸。不罰而民治。先恕而後行。是以德音遠也。是故堯教化及雕題蜀越。撫交趾。身涉流沙。地封獨山。西見王母。訓及大夏。渠搜。北中幽都。及狗國。與人身鳥面及焦僂。好賢而隱。不還而彊於行。而奮於志。率以仁而恕至此而已矣。

【管子】昔者堯之治天下也。猶埴之在埏也。唯陶之所以爲。猶金之在鑪。恣冶之所以鑄。其民引之而來。推之而往。使之而成。禁之而止。故堯之治也。善明法禁之令而已矣。倍堯之時。混吾之美在下。其道非獨出人也。山不童而用贍。澤不弊而養足。耕以自養。以其餘應良天子。故平牛馬之牧。不相及。人民之俗。不相知。不出百里而來足。故卿而不理。靜也。其獄一跼腓。一跼履而當死。堯舜之王。所以化海內者。北用禹氏之玉。南貴江漢之珠。其勝禽獸之仇。以大夫隨之。令諸侯之子。將委質者。皆以雙武之皮。卿大夫豹飾。列大夫豹幘。大夫散其邑粟。與其財物。以市虎豹之皮。故山林之人。刺其猛獸。若從親戚之仇。此君冕服於朝。而猛獸勝於外。大夫已散其財物。萬人得受其流。此堯舜之數也。

【列子】堯治天下五十年。不知天下治歟。不治歟。不知億兆之願戴已歟。不願戴已歟。願問左右。左右不

知問外朝。外朝不知。問在野。在野不知。堯乃微服游於康衢。聞童兒謠曰。立我蒸民。莫匪爾極。不識不知。順帝之則。堯喜。問曰。誰教爾爲此言。童兒曰。我聞之大夫。問大夫。大夫曰。古詩也。堯還宮召舜。因禪以天下。舜不辭而受之。○堯七十載始舉舜。

【高士傳】帝堯之世。天下太和。百姓無事。壤父年八十餘。而擊壤於道中。觀者曰。大哉。帝之德也。壤父曰。吾日出而作。日入而息。鑿井而飲。耕田而食。帝何德於我哉。

【莊子】堯觀乎華。華封人曰。嘻。聖人。請祝聖人。使聖人壽。堯曰。辭。使聖人富。堯曰。辭。使聖人多男子。堯曰。辭。封人曰。壽富多男子。人之所欲也。汝獨不欲。何邪。堯曰。多男子則多懼。富則多事。壽則多辱。是三者。非所以養德也。故辭。封人曰。始也。我以汝爲聖人邪。今然。君子也。天生萬民。必授之職。多男子而授之職。則何懼之有。富而使人分之。則何事之有。夫聖人鶉居而鶡食。鳥行而無彰。天下有道。則與物皆昌。天下無道。則修德就閒。千歲厭世。去而上僊。乘彼白雲。至於帝鄉。三患莫至。身常無殃。則何辱之有。封人去之。堯隨之曰。請問。封人曰。退已。

【述異記】陶唐之世。越裳國獻千歲神龜。方三尺餘。背上有文科斗。書記開闢以來。帝命錄之。謂之龜曆。堯爲仁君。一日十瑞。宮中芻化爲禾。鳳凰止於庭。神龍見於宮沼。曆草生堦宮。禽五色。鳥化白神。木生蓮筵。蒲生廚。景星耀於天。甘露降於地。是爲十瑞。

【尚書中候】堯卽政七十載。德政清平。比隆伏羲。鳳皇巢於阿閣。驩林。景星出翼軫。朱草生郊。嘉禾滋連。

甘露潤液。醴泉出山。（宋符瑞志）帝在位七十年。景星出翼。鳳凰在庭。朱草生嘉禾秀。甘露潤。醴泉出。日月如合璧。五星如連珠。

【說文】萑蒲。瑞草也。堯時生於庖廚。扇暑而涼。（宋符瑞志）廚中自生肉。其薄如筆。搖動則風生。食物寒而不臭。名曰簞脯。

【田佚子】堯爲天子。莫莢生於庭。爲帝成曆。（宋符瑞志）又有草夾著而生。月朔始生一莢。月半而生十五莢。十六日歷。

堯時有獬豸。緝其毛爲帝帳。

【博物志】堯時有屈佚草生於庭。佞人入朝。則屈而指之。一名指佞草。（拾遺記）堯在位七十年。有鸞鷟歲歲來集。麒麟遊於藪澤。梟鷂逃於絕漠。有

抵支之國。獻重明之鳥。一名雙睛。言雙睛在目。狀如雞。鳴似鳳。時解落毛羽。肉羽而飛。能搏逐猛獸。虎狼。使妖巢

羣惡不能爲害。飴以瓊膏。或一歲數來。或數歲不至。國人莫不掃灑門戶。以望重明。其未至之時。國人或刻木鑄

金。爲此鳥之狀。置於門戶之間。則魘魅魂類。自然退伏。貞嶠山有木名猗桑。實權以爲蜜。有冰蠶長七寸。黑色。

有角有鱗。以霜雪覆之。然後作蠶。長一尺。其色五彩。織爲文錦。入水不濡。以之投火。經宿不燎。唐堯之世。海人

獻之。堯以爲黼黻。帝堯在位。聖德光洽。河洛之濱。得玉版方尺。謂天地之形。又獲金鑿之瑞。字炳列。記天地

造化之始。四凶既除。善人來服。分職設官。舜倫攸敘。乃命大禹。疏川豬澤。有吳之鄉。有北之地。無有妖災。沈翔

之類。自相馴擾。幽州之墟。羽山之北。有善鳴之禽。人面鳥喙。八翼一足。毛色如雉。行不踐地。名曰青鶴。其聲似

鐘磬笙竿也。世語曰。青鶴鳴時太平。故盛明之世。翔鳴藪澤。音中律呂。飛而不行。至禹平水土。棲於川岳。所集似

地。必有聖人出焉。自古鑄諸鼎器。皆圖象其形。銘贊至今不絕。

【說苑】當堯之時。舜爲司徒。契爲司馬。禹爲司空。后稷爲田疇。夔爲樂正。倕爲工師。伯夷爲秩宗。皋陶爲大理。益掌馭禽。堯體力便巧。不能爲一焉。堯爲君而九子爲臣。其故何也。堯知九職之事。使九子者各受其事。皆勝其任。以成九功。堯遂成厥功。以王天下。是故知人者王道也。知事者。臣道也。王道知人。臣道知

事毋亂舊法而天下治矣。（韓詩外傳）辟土殖穀者。后稷也。決江疏河者。禹也。聽獄執中者。皋陶也。然而有聖名者。堯爲天子。季秋下旬。夢白虎遺馬喙子。其母曰扶始。升高丘。觀白虎上有雲感已。生皋陶。索扶始問之。如堯言。明於刑法罪次始終。故立皋陶爲大理。〔白虎通〕皋陶喙。是謂至信。決獄明白。察於人情。〔文子〕。皋陶暗而爲大理。天下無虐刑。有貴乎言者也。〔荀子〕皋陶之狀。色如削瓜。〔淮南子〕伯益作井。而龍登玄雲。神棲帳窟。能愈多而德慰薄矣。〔世本〕伯夷作刑。垂作鍾。無句作磬。

【淮南子】堯之治天下也。舜爲司徒。契爲司馬。禹爲司空。后稷爲大田師。奚仲爲工。其導萬民也。水處者漁。山處者木。谷處者牧。陸處者農。地宜其事。事宜其械。械宜其用。用宜其人。澤皋織網。陵阪耕田。得以所有易所無。以所工易所拙。是故離叛者寡而聽從者衆。譬若播棊丸於地。員者走澤。方者處高。各從其所安。夫有何上下焉。若風之遇簫。忽然感之。各以清濁應矣。○文子同。

【新語】民知室居食穀。而未知功力。於是后稷乃列封疆。畫畔界。以分土地之所宜。闢土殖穀。以用養民。種桑麻。致絲枲。以蔽形體。當斯之時。四瀆未通。洪水爲害。禹乃決江疏河。通之四瀆。致之於海。大小相引。高下相受。百川順流。各歸其所。然後人民得去高險。處平土。川谷交錯。風化未通。九州絕隔。未有舟車之用。以濟深致遠。於是奚仲乃橈曲爲輪。因直爲轅。駕馬服牛。浮舟杖楫。以代人力。鑠金鑠木。分苞燒殖。以備器械。於是民知輕重。好利惡難。避勞就逸。於是皋陶乃立獄制罪。懸賞設罰。異是非。明好惡。檢奸邪。消佚亂。

【呂氏春秋】堯不以帝見善綬。北面而問焉。堯天子也。善綬布衣也。何故禮之若此其甚也。善綬得道之

士也得道之人不可驕也。堯論其德行達智而弗若。故北面而問焉。〔漢書〕小說家。務成子十一篇。稱堯問。非古語。〔帝王世紀〕堯乃以尹壽許由為

師。

【莊子】堯讓天下於許由曰。日月出矣。而燭火不息。其於光也不亦難乎。時雨降矣。而猶浸灌。其於澤也

不亦勞乎。夫子立而天下治。而我猶尸之。吾自視缺然。請致天下。許由曰。子治天下。天下既已治也。而我

猶代子。吾將為名乎。名者實之賓也。吾將為賓乎。鶴鷄巢於深林。不過一枝。偃鼠飲河。不過滿腹。歸休乎

君。子無所用。天下為庖人。雖不治庖。尸祝不越樽俎而代之矣。〔呂氏春秋〕昔者堯朝許由於所澤之中。曰。十日

已治矣。請屬天下於夫子。許由辭曰。為天下之不治與。而記已治矣。日為與。啖嚙巢於林。不過一枝。偃鼠飲於河。

不過滿腹。歸已君乎。惡用天下。塗之箕山之下。潁水之陽。耕而食。終身無經天下之色。〔符子〕許由欲觀帝意。謂

堯曰。坐於華殿之上。而兩闕之下。君之榮。願亦已足矣。夫堯曰。余坐華殿之上。森然而松生於棟。余立樞屏之內。

罪然而雲生於牖。雖面兩闕。無異乎崔魏之冠蓬萊。雖背墉郭。無異乎迴轡之縈崑崙。余安知其所以安榮。〔韓非子〕

堯以天下讓許由。許由逃之。舍於家人。家人藏其皮冠。夫棄天下而家人藏其皮冠。是不知許由者也。〔莊子〕堯之師

曰許由。許由之師曰鬻缺。鬻缺之師曰王倪。王倪之師曰被衣。堯問於許由曰。鬻缺可以配天乎。吾藉王倪以要之。許

由曰。始哉。坡乎天下。鬻缺之為人。聽明睿知。給數以啟。其性過人。而又乃以人受天。彼審乎禁過。而不知過之

所由生。由之配天乎。彼且乘人而無天。方且本身而身形。方且尊知而火馳。方且為緒使。方且為物絃。方且四顧而物

應。方且應衆宜。方且與物化而未始有恆。夫何足以配天乎。雖然。有族有祖。可以為衆父。而不可以為衆父。治亂

之率也。非面之禍也。南面之賊也。意而子見許由。許由曰。堯何以資汝。意而子曰。堯謂我。汝必躬服仁義而明言

是非。許由曰。爾奚來為。夫堯既已黜汝以仁義。而刺汝以是非矣。汝將何以遊夫遙蕩恣肆轉徙之塗乎。意而子曰。雖然。吾願遊於其藩。許由曰。不然。夫盲者無以與乎眉目。願世之好。瞽者無以與乎青黃黼黻之觀。意而子曰。夫無莊

之失其美。據梁之失其力。黃帝之亡其知。皆在鑿錘之閒耳。庸詎知夫造物者之不息我黥而補我劓。使我乘成以隨先生

邪。許由曰。噫。未可知也。我為汝言其大略。吾師乎。吾師乎。整萬物而不為義。澤及萬世而不為仁。長於上古而不

為老。覆載天地。刻彫衆形。而不為巧。此所遊已。鬻缺問乎王倪曰。子知物之所同是乎。曰。吾惡乎知之。子知子

之所不知邪。曰。吾惡乎知之。然則物無知邪。且吾惡乎知之。雖然。嘗試言之。庸詎知吾所謂知之非不知邪。庸詎



知吾所謂不知之非知邪。且吾嘗試問乎汝。民溼疑。則腰疾偏死。鱷然乎哉。木處。則惴慄恟懼。攫猴然乎哉。三者孰知正處。民食芻象。麋鹿食藜。卿且甘帶。鷓鴣書鼠。四者孰知正味。猿。獼狽以爲雌。麋與鹿交。鱷與魚游。毛嬙麗姬。人以所美也。魚見之深入。鳥見之高飛。麋鹿見之決驟。四者孰知天下之正色哉。自我觀之。仁義之端。是非之塗。樊然殽亂。吾惡能知其辯。齧缺曰。子不知利害。則至人固不知利害乎。王倪曰。至人神矣。大澤焚而不能熱。河漢涸而不能寒。疾雷破山。風振海而不能驚。若然者。乘雲氣。騎日月。而遊乎四海之外。死生無變於已。而況利害之端乎。○莊生文奇縱。而寓言無稽。如此稱毛嬙麗姬之類。齧缺問於王倪。四問而四不知。齧缺因躍而大喜。行以告蒲衣子。蒲衣子曰。而乃今知之乎。有虞氏不及泰氏。有虞氏其猶藏仁以要人。亦得人矣。而未始出於非人。泰氏其臥徐徐。其覺于。一以口爲馬。一以己爲牛。其知情信。其德甚真。而未始入於非人。齧缺問道乎被衣。被衣曰。若正汝形。一汝視。天和將至。攝汝知。一汝度。神將來舍。德將爲汝美。道將爲汝居。汝瞳焉如新生之犢。而無求其故。言未卒。齧缺睡寐。被衣大說。行歌而去之。曰。形若槁骸。心若死灰。真其實知。不以故自持。媒媒晦晦。無心而不可與謀。彼何人哉。

【高士傳】許由字武仲。陽城槐里人也。爲人據義履方。邪席不坐。邪饜不食。後隱於沛澤之中。堯讓天下於許由。許由不受而逃去。於是遁耕於中岳。潁水之陽。箕山之下。終身無經天下之色。堯又召爲九州長。由不欲聞之。洗耳於潁水濱。時其友巢父牽犢欲飲之。見由洗耳。問其故。對曰。堯欲召我爲九州長。惡聞其聲。是故洗耳。巢父曰。子若處高岸深谷。人道不通。誰能見子。子故浮游。欲聞求其名譽。汙吾犢口。牽犢上流飲之。許由沒。葬箕山之巔。（經注）箕山上有許由冢。堯所封也。山下有牽牛墟。側潁水有犢泉。是巢父遺牛處也。石上犢跡存焉。古今樂錄許由者。古之貞固之士也。以清節約聞於堯。堯乃遣使禱爲天子。由喟然歎曰。匹夫結志。固如磐石。採山飲河。所以養性。非以貪天下也。堯既殂落。乃作箕山之歌曰。登彼箕山兮。瞻望天下。山川麗岫。萬物遺普。日月運照。靡不龍睹。游放其閒。何所却慮。歎彼唐堯。獨自愁苦。勞心九州。憂勤后土。謂予欽明。傳禮易祖。我樂何如。蓋不盼顧。河水流兮緣高山。甘瓜施兮葉綿蠻。高林蕭兮相錯連。居此之處。傲堯君。（古史考）許由隱箕山。恬泊養性。無欲於世。堯禮待之。終不肯就。時人遂崇大之曰。堯將讓天下於許由。由恥聞之。乃洗其耳。又有巢父。與許由同志。或曰。許由夏常居巢。故一號巢父。法言或問。堯將讓天下於許由。由恥。有諸。曰。好大者爲之也。願由無求於世而已矣。尤哲堯德舜之重。則不輕於由矣。好大累

克巢父灑耳。不亦宜乎。○堯讓由辭。其人其事。俱在有無之間。譏周以為有其人無其事。本揚子也。（莊子）堯以天下讓許由。許由不受。又讓於子州支父。子州支父曰。以手為入子。猶之可也。雖然。我適有幽憂之病。方且治之。未暇治天下也。大天下至重也。而不以害其小。又況他物乎。唯無以天下為者。可以託天下也。（符符）堯以天下讓巢父。巢父曰。君之牧天下。亦猶余之牧孤犢。是各有其所牧矣。君焉用惴惴焉以所與余。余無用天下為也。於是牽犢而去。○莊子不言巢父。則巢父又後人增設。（列仙傳）遠俗者。山環樂父也。形體生毛。兩目更方。能飛行逐走馬。以松子遺堯。堯不暇服也。時人受服者。皆至二三百歲焉。一方回者。堯時隱人也。堯聘以為閭士。練食雲母。隱於五柞山中。夏啓末。為宦士。為人所劫。閉之室中。從求道。回化而得去。更以方回印封其戶。時人言。得回一丸泥添門戶。終不可開。

【大載禮記】帝堯娶散宜氏之子。謂之女皇氏。（帝王世紀）堯娶散宜氏之女。曰女皇。生丹朱。又有庶子九人。皆不肖。（博物志）堯作圍。以教丹朱。

【帝王世紀】堯以甲申歲生。甲辰即帝位。甲午徵舜。甲寅舜代行天子事。辛巳崩。年百十八。在位九十八年。葬於濟陰之城陽西北。是為穀林。

【墨子】堯北教乎八狄。道死。葬鞏山之陰。衣衾三領。穀木之棺。葛以緘之。既泥而後哭。滿埒無封。已葬而牛馬乘之。

【呂氏春秋】堯葬于穀林。通樹之。（皇覽）堯冢在濟陰城陽。（山海經）狄山。帝堯葬於陽。帝嚳葬於陰。爰有熊羆離朱。鳩久。實賈。延維。祿肉。熊羆。虎豹。葬於岳山。爰有女貝。離離。離失。祿肉。吁咽。文王皆葬其所。一曰鴻山。一曰爰有熊羆。文虎。雌豹。瑜。鳩久。實賈。延維。祿肉。熊羆。虎豹。朱水。青支。青華。玄實。

書曰。欽若昊天。曆象日月星辰。敬授人時。此堯之初政也。歷數之起尚矣。庖犧氏畫八卦以應氣候。炎帝分八節以紀農功。黃帝迎日推策。造律呂。作甲子。定閏餘。少昊命鳥師以司分至啓閉。顓頊建孟春。以為歷元。及堯即位。懼前法之未備。歲久之差移也。始為曆象之法。察日星。均四時。順民情。驗物理。而

疇人分職之事。必諄切告誡之。可謂至慎至詳矣。且帝之所以首重其事者何也。人君代天理民。非敬天無以圖治。非憲天無以出治。非奉天無以成治。帝惟以兢業欽若之心。懷乎居兆民之上。以天道爲君道。是以百工允釐。庶績咸熙。行之五十餘年。休祥竝臻。童叟歌謠。治之極也。極治之後。曾有一亂。顧帝以欽明之德。致時雍之化。亂胡由生。天降洪水。下民昏墊。胤子不肖。鯀績無成。凡此者。皆天也。而在朝舊臣。不過共驩之等夷。帝是以憂惶咨詢。務得可以巽位之聖人。然後明揚師錫。舉舜而薦之天焉。凡此者。亦皆天也。而說者曰。四凶在朝。堯不能去。元愷在野。堯不能用。此非堯之不能也。當舜未登庸之時。共驩諸臣。類有鳩功任事之才。凶蹟未著。聖人何爲無罪而行誅。抑帝所汲汲咨求者。得舜而授之以政。旣得舜矣。考績黜陟之典。悉以委之。所去所舉。猶是以帝堯之心爲心。而堯何庸有事哉。惟時禹臯稷契。咸奏碩功。元愷之流。因才授職。罪人斯得。野無遺賢。於是舜之德。莫非堯之德。羣下之功。莫非堯之功矣。今之言至治者。必推唐虞之際。而不知堯舜之時。乃能轉亂以爲治。又能因亂以成治也。二十八載之後。堯之與天下。宜若相忘矣。一旦殂落。百姓如喪考妣。則堯之於百姓。與舜之所以事堯者。不概見哉。是以吾夫子上下千載。刪書斷自帝堯始。而贊之曰。惟天爲大。惟堯則之。巍巍乎其成功。煥乎其有文章。帝德廣運。乃聖乃神。乃武乃文。言則天也。合和萬國。命官分職。地平天成。烝民乃粒。言成功也。制作明備。禮樂具舉。聲教四達。萬世作則。言文章也。用以德越前聖。道開百王。其稱大也宜哉。

或曰堯讓天下於許由。許由不受。使堯無髮天下之心。以徒讓爲事。而後可善乎。太史公之言曰。堯之於舜。岳牧咸薦。乃試之以位。典職數十年。傳天下若斯之難也。讓由云乎哉。

# 釋史卷十

## 太古第十

### 有虞紀

【史記】虞舜者名曰重華。重華父曰瞽叟。瞽叟父曰橋牛。橋牛父曰句望。句望父曰敬康。敬康父曰窮蟬。窮蟬父曰帝顓頊。帝顓頊父曰昌意。以至舜七世矣。自從窮蟬以至帝舜。皆微爲庶人。○大戴禮。橋作嬌。望作芒。呂梁碑云。舜祖幕。幕生窮蟬。窮蟬生敬康。敬康生喬牛。喬牛生瞽叟。瞽叟生舜。中無句望一世。

【帝王世紀】帝舜有虞氏姚姓也。目重瞳。故名重華。字都君。有聖德。〔宋書符瑞志〕母曰握登。見大虹。意感而生舜於姚墟。目重瞳子。故名重華。龍顏大口黑色。身長六尺一寸。〔真源賦〕舜字仲華。〔孝經援神契〕舜龍顏重瞳大口。手握覆。〔洛書靈准聽〕有人方面。目衡重華。握石椎。懷神珠。〔白虎通〕舜重瞳子。是謂玄景。上應攝提。以象三光。○元命苞。玄景作滋涼。〔淮南子〕舜瞳子。是謂重明。作事成法。出言成章。〔春秋繁露〕舜形體大上面圓首。長於天文。純於孝慈。〔荀子〕堯舜參牟子。

【史記】舜父瞽叟盲而舜母死。瞽叟更娶妻而生象。象傲。瞽叟愛後妻子。常欲殺舜。舜避逃。及有小過。則受罪。順事父及後母與弟。日以篤謹。匪有懈。舜父瞽叟頑。母嚚。弟象傲。皆欲殺舜。舜順適。不失子道。兄弟孝慈。欲殺不可得。卽求嘗在側。舜年二十。以孝聞。

【越絕書】舜親父假母。母常殺舜。去耕歷山。三年大熟。身自外養。父母皆饑。舜父頑。母嚚。兄狂弟傲。舜求

爲變心易志。譬滕欲殺舜。未嘗可得。呼而使之。未嘗不在側。〔帝王世紀〕舜能和諧。大杖則避。小杖則受。年二  
處。〔琴操〕舜耕於歷山。思慕父母。見鳩  
與母俱飛鳴。相哺食。益以感恩。乃作歌。

【史記】舜冀州之人也。舜耕歷山。漁雷澤。陶河濱。作什器於壽丘。就時於負夏。〔搜神記〕虞舜耕於歷山。得玉

體道不倦。〔尚書大傳〕舜耕於歷山。夢眉與髮等。〔尸子〕虞舜灰於常羊。什器於壽丘。就時負夏。未嘗暫息。頓丘

賈賈。於是販於頓丘。傳虛實賤。於是價於傳虛。以均救之。〔墨子〕舜耕於歷山。陶於河濱。漁於雷澤。灰於常陽。

堯得之服涇之陽。爲天子。〔公孫尼子〕舜牧牛於濱陽。堯舉之以爲天子。〔尸子〕舜事親養兄。爲天下法。其游也。

得六人。曰雄陶。方回。紳牙。伯陽。東不識。秦不空。皆一國之賢者也。○或作東不嘗秦不虛。又有鱉甫。曰七人。  
〔魯連子〕舜耕於歷山而友。舜耕歷山。歷山之人皆讓畔。漁雷澤。雷澤之人皆讓居。陶河濱。河濱器皆不苦窳。

益。陶於河濱而友。〔呂氏春秋〕舜耕於歷山。陶於河濱。釣於雷澤。天下說之。秀士從之。一年而所居成聚。二年成邑。三年成都。〔帝王世紀〕舜始遷於負夏。販於頓丘。價於傳虛。家本冀州。每徙。則百

姓歸之。  
【淮南子】昔舜耕於歷山。其年而田者爭處境墻。以封壤肥饒相讓。釣於河濱。其年而漁者爭處湍瀨。以

曲隈深潭相予。當此之時。口不設言。手不指麾。執玄德於心。而化馳若神。使舜無其志。雖口辯而戶說之。

不能化一人。〔韓非子〕歷山之農者。使畔。舜往耕焉。其年。明欽正。河濱之漁者。爭坻。舜往漁焉。其年而讓長。東夷

也。舜其信仁乎。乃躬耕處苦。而民從之。故曰。聖人之德化乎。或問儒者曰。方此時也。堯安在。其人曰。堯爲天子

也。然仲尼之。堯奈何。聖人明察。在上位。將使天下無姦也。今耕漁不爭。陶器不虛。舜又何德而化。舜之救敗也。

則是堯有失也。賢舜。則去堯之明察。聖堯。則去舜之德。化不可兩得也。楚人有鬻楨與矛者。譽之曰。吾楨之堅。莫

能陷也。又譽其矛曰。吾矛之利。於物無不陷也。或曰。以子之矛。陷子之楨。何如。其人弗能應也。夫不可陷之楨。與

無不陷之矛。不可同世而立。今堯舜之不可兩譽。矛盾之說也。且舜救敗。其年已一過。三年已三過。舜有盡。壽有盡。天下過無已者。以有盡逐無已。所止者寡矣。賞罰使天下必行之。令曰。中程者賞。弗中程者誅。今朝至暮變。暮至

朝變。十日而海內畢矣。奚待胡乎。舜猶不以此說堯令從已。乃躬親。不亦無術乎。且夫以身爲苦而後化民者。堯舜之所難也。處勢而令下者。庸主之所易也。將治天下。釋庸主之所易。道堯舜之所難。未可與爲政也。○矛楯之喻辯矣。利口奪正。是故惡夫佞者。〔尸子〕舜廉愛百姓。務利天下。其田歷山也。荷彼耒耜。耕彼南畝。與四海俱有其利。其滴出澤也。旱則爲耕者鑿澗。險則爲獵者表虎。故有光若日月。天下歸之若父母。〔文心雕龍〕舜之禋日云。荷此耒耜。耕彼南畝。四海俱有。利民之志。頗升於言矣。

【越絕書】舜用其仇而王天下者。言舜父瞽瞍用其後妻。常欲殺舜。舜不爲失孝行。天下稱之。堯聞其賢。

遂以天下傳之。此爲王天下仇者。舜後母也。〔劉向孝子傳〕舜父夜臥。夢見一鳳凰。自名爲雞。口銜米以食己。言

猶之。比年糴稻。穀中有錢。舜也。乃三日三夜。仰天自告。舜過前抵之。雞爲子孫。視之。乃鳳凰。以黃帝夢書占之。此子孫當有貴者。舜占

目雀然開。〔真源賦〕舜糶於平陽中。父認之。乃砥其目。目以光明。

【書】帝曰。疇咨若時登庸。放齊曰。胤子朱啓明。帝曰。吁。嚚訟可乎。帝曰。疇咨若予采。驩兜曰。都。共工方鳩

僝功。帝曰。吁。靜言庸違。象恭滔天。帝曰。咨。四岳。朕在位七十載。汝能庸命。巽朕位。岳曰。否德忝帝位。曰。

明明揚側陋。師錫帝曰。有鰥在下。曰。虞舜。帝曰。兪。予聞如何。岳曰。瞽子。父頑母嚚。象傲克諧。以孝烝烝。乂

不格。茲。帝曰。我其試哉。女子時。觀厥刑于二女。釐降二女子于嬀汭。嬪于虞。帝曰。欽哉。〔書序〕在昔帝堯。聰明

于位。讓于虞舜。文思。光宅天下。將遜

作堯典。

【尸子】舜一徙成邑。再徙成都。三徙成國。堯聞其賢。徵之草茅之中。與之語禮樂。而不逆。與之語政。至簡

而行。與之語道。廣大而不窮。於是妻之以嬀。媵之以娥。九子事之。而託天下焉。〔新論〕堯之知舜。不違桑陰。

【史記】三十而帝堯問可用者。四嶽咸薦虞舜。曰。可。於是堯乃以二女妻舜。以觀其內。使九男與處。以觀

其外舜居媯汭內行彌謹堯二女不敢以貴驕事舜親戚甚有婦道堯九男皆益篤〔大戴禮記〕帝舜娶於帝

〔列女傳〕有虞二妃帝堯二女也長娥皇次女英二女承事舜於畎畝之中不以天子之女故而驕盈怠慢猶謙恭儉

思盡婦道〔尸子〕有虞氏身有南畝妻有桑田〔淮南子〕堯妻以二女以觀其內任以百官以觀其外乃屬以

九子贈以昭華之玉〔呂氏春秋〕堯傳天下於舜傳之諸侯

妻以二女臣以十子身請北面朝之○諸子雜記多妄堯乃賜舜絺衣與琴為築倉廩予牛羊瞽叟尚復

欲殺之使舜上塗廩瞽叟從下縱火焚廩舜乃以兩笠自扞而下去得不死後瞽叟又使舜穿井舜穿井

為匿空旁出舜既入深瞽叟與象共下十實井舜從匿空出去〔列女傳〕瞽叟與象謀殺舜使塗廩二女曰往

象復與父母謀使舜浚井二女曰往哉舜往浚井格其出入從掩舜潛出時既不能殺舜瞽叟又速舜飲酒醉

將殺之二女乃與舜藥浴注遂往舜終日飲酒不醉舜之弟繫憐之與二嫂諧〔通史〕瞽叟使舜濞廩舜告堯

二女女曰時其焚汝鵠汝衣裳鳥工往舜既登廩得免去舜穿井又告二女女曰去汝裳衣龍工往入井

瞽叟與象下十實井舜從他井出去〔宋符瑞志〕舜父母憎舜使其塗廩自下焚之舜服鳥工衣服飛去又使浚井

自上填之以石舜服龍工衣自傍而出〔論衡〕舜未逢堯鰥在側陋瞽叟與象謀殺之使之完廩火燔其下令之

浚井十掩其上舜得下廩不殺火災穿井旁出不觸土害堯聞微用○蘇子古史云四岳之薦舜曰丞丞父不

格姦豈有既已用之而猶欲殺之哉前編謂孟子發明聖人處變之心則其事瞽叟象喜以舜為已死象曰本謀者

迹之前後有無皆不必辯按論衡以焚廩掩井事在舜未逢堯時蓋近之矣象象與其父母分於是曰舜妻堯二女與琴象取之牛羊倉廩予父母象乃止舜宮居鼓其琴舜往見之

象鄂不懌曰我思舜正鬱陶舜曰然爾其庶矣舜復事瞽叟愛弟彌謹○萬章稱舜在牀琴史復謂象居

舜宮鼓其琴誰之中又訛矣【書】曰若稽古帝舜曰重華協于帝濬哲文明溫恭允塞玄德升聞乃命以位○今文無此二十八字慎徽五

典五典克從納于百揆百揆時敘賓于四門四門穆穆納于大麓烈風雷雨弗迷

【史記】於是堯乃試舜五典百官皆治昔高陽氏有才子八人世得其利謂之八愷高辛氏有才子八人



世謂之八元。此十六族者。世濟其美。不隕其名。至於堯。堯未能舉。舜舉八愷。使主后土。以揆百事。莫不時序。舉八元。使布五教于四方。父義母慈。兄友弟恭。子孝。內平外成。昔帝鴻氏有不才子。掩義隱賊。好行凶慝。天下謂之渾沌。少皞氏有不才子。毀信惡忠。崇飾惡言。天下謂之窮奇。顓頊氏有不才子。不可教訓。不知話言。天下謂之檮杌。此三族。世憂之。至于堯。堯未能去。緡雲氏有不才子。貪于飲食。冒于貨賄。天下謂之饕餮。天下惡之。比之三凶。舜賓于四門。乃流四凶族。遷于四裔。以御魘魅。于是四門辟。言毋凶人也。杜元凱云。八愷卽垂益禹皋陶之倫。八元卽稷契朱虎熊羆之倫。渾敦。謂驩兜。窮奇。謂共工。檮杌。謂鯀。正義亦云。饕餮。謂三苗也。然則四凶之誅。不盡在舜受終于文祖之後矣。堯使舜入山林川澤。暴風雷雨。舜行不迷。堯以爲聖。〔論衡〕試之於職。官治職修。事無廢亂。使入大麓之野。虎狼不搏。螻蛇不噬。達烈風。疾雨。行不迷惑。〔列女傳〕既納于百揆。賓于四門。遷于林木。入于大麓。堯試之百方。每事常謀于二女。堯乃知舜之足授天下。堯老。使舜攝行天子政。巡狩。

【書】帝曰。格汝舜。詢事考言。乃言底可績。三載。汝陟帝位。舜讓於德。弗嗣。正月上日。受終於文祖。〔書序〕舜在側微。堯聞之聰明。將使嗣位。歷試諸難。作舜典。

【史記】正月上日。舜受終於文祖。文祖者。堯大祖也。於是帝堯老。命舜攝行天子之政。以觀天命。○正義引昔堯德衰爲舜所囚。又云。舜復偃塞丹朱。使不與父相見。皆好事者爲之。

【書】在璿璣玉衡。以齊七政。肆類于上帝。禋于六宗。望于山川。徧于羣神。輯五瑞。既月。乃日覲四岳羣牧。班瑞于羣后。歲二月。東巡守。至于岱宗。柴望秩于山川。肆覲東后。五玉三帛。二生一死。贊協時月。正日。同

律度量衡修五禮如五器率乃復五月南巡守至于南岳如岱禮八月西巡守至于西岳如初十有一月朔巡守至于北岳如西禮歸格于藝祖用特五載一巡守羣后四朝敷奏以言明試以功車服以庸〔文中舜〕

一歲而巡四岳兵衛少而徵求寧也〔尚書璇璣鈴〕帝堯燠炳隆興可觀口載曰車曰軒曰冠曰冕作此車服以賜有功象以典刑流宥五刑鞭作官刑扑作教刑金作贖

刑皆災肆赦怙終賊刑欽哉欽哉惟刑之恤哉流共工于幽州放驩兜于崇山竄三苗于三危殛鯀于

羽山四罪而天下咸服○書記四罪於攝位之末前編云作書者紀舜二十八年之間所刑者四人而已若果季年之事禹已成功而猶罪鯀人情之必不然者

【史記】驩兜進言共工堯曰不可而試之工師共工果淫四辟嶽舉鯀治鴻水堯以為不可嶽彊請試之

試之而無功故百姓不便三苗在江淮荊州數為亂於是舜歸言於帝請流共工於幽陵以變北狄放驩

兜於崇山以變南蠻遷三苗於三危以變西戎殛鯀於羽山以變東夷四臯而天下咸服○雜書稱鯀共工作亂附載于後

〔韓非子〕堯欲傳天下於舜。鯀諫曰。不祥哉。孰以天下而傳之於匹夫乎。堯不聽。舉兵而誅鯀於羽山之郊。共工又諫曰。孰以天下而傳之於匹夫乎。堯不聽。又舉兵而誅共工於幽州之都。於是天下莫敢言無傳天下於舜。仲尼聞之曰。堯之知舜之賢。非其難者也。夫至乎誅諫者必傳之舜。乃其難也。一曰。不以其所疑改其所察。則難也。〔呂氏春秋〕堯以天下讓舜。鯀為諸侯。怒於堯曰。得天之道者為帝。得地之道者為三公。今予得地之道。而不以我為三公。以

堯為失論。欲得三公。怒甚猛獸。欲以為亂。比獸之角。能以登城。舉其尾。能以為旌。召之不來。仿伴於野。以患帝舜。於是殛之於羽山。副之以吳刀。禹不敢怒。而反事之。官為司空。以通水潦。顏色黎黑。步不相過。竅氣不通。以

中帝心。〔世本〕鯀作城。〔博物志〕共唐堯以天下讓於虞。三苗之民非之。帝殺有苗之民。叛。浮入南海。為二苗國。

【荀子】堯問於舜曰我欲致天下為之奈何對曰執一無失行微無怠忠信無倦而天下自來執一如天

地行微如日月忠誠盛於內賁於外形於四海天下其在一隅邪夫有何足致也堯問於舜曰人情何

地行微如日月忠誠盛於內賁於外形於四海天下其在一隅邪夫有何足致也堯問於舜曰人情何

如舜對曰：人情甚不美，又何問焉？妻子具而孝衰於親，嗜欲得而信衰於友，爵祿盈而忠衰於君，人之情乎？人之情乎？甚不美，又何問焉？

【尸子】堯問於舜曰：何事？曰：事天。何任？曰：任地。何務？曰：務人。

【莊子】昔者舜問於堯曰：天王之用心何如？堯曰：吾不敖無告，不廢窮民，苦死者，嘉孺子而哀婦人，此吾所以用心已。舜曰：美則美矣，而未大也。堯曰：然則何如？舜曰：天德而出寧，日月照而四時行，若晝夜之有經，雲行而雨施矣。堯曰：然則膠膠擾擾乎？子天之合也，我人之合也。昔者堯問於舜曰：我欲伐宗、脗、胥、敖，南面而不釋然，其故何也？舜曰：夫三子者，猶存乎蓬艾之間，若不釋然，何哉？昔者十日竝出，萬物皆照，

而況德之進乎日者乎？○諸子記堯舜問答之言，未足據信。〔呂氏春秋〕客有問季子曰：奚以知舜之能也？季子曰：堯固已治天下矣，舜言治天下，而合己之符，是以知其能也。若雖知之，奚道知其不爲私

·季子曰：諸能治天下者，固必通乎性命之情者，當無私矣。夏不衣裘，非愛裘也。燠有餘也。冬不用絮，非愛絮也。清有餘也。聖人之不爲私也，非愛貴也。節乎已也。節已，雖食汗之心猶若止，又况乎聖人。〔金樓子〕舜攝天子，有援耳貫胷之民，來獻珠璣。

【史記】堯知子丹朱之不肖，不足授天下，於是乃權授舜。授舜，則天下得其利而丹朱病；授丹朱，則天下

病而丹朱得其利。堯曰：終不以天下之病而利一人，而卒授舜以天下。〔宋符瑞志〕堯歸功於舜，將以天下禪之，乃潔齋，修壇塲於河維，擇良日，率

舜等升首山，遵河渚，有五老遊焉，蓋五星之精也。相謂曰：河圖將來，告帝以期。知我者重瞳黃姚，五老因飛爲流星，上入昴，二月辛丑昧明，禮備。至於日昃，榮光出河，休氣四塞，白雲起，回風搖，乃有龍馬銜甲，赤文綠色，臨壇而止。吐甲圖而去。甲似龜背廣九尺，其圖以白玉爲檢，赤玉爲泥，以黃金約以青繩。檢文曰：闔色授舜，言虞夏殷周秦漢當受天命，帝乃寫其言，藏於東序。後二年二月仲辛，率羣臣沈璧於洛，禮畢，退俟。至於下昃，赤光起，玄龜

負書而出。背甲赤文成字。止於壇。其書言當禪舜。遂讓舜。〔論語比考識〕仲尼曰。帝堯率舜等游于首山。觀河洛。有五老游河洛。一曰。河圖將來告帝期。二曰。河圖將來告帝謀。三曰。河圖將來告帝書。四曰。河圖將來告帝圖。五曰。河圖將來告帝符。有頃。赤龍銜玉苞舒圖刻版題命可卷金泥玉檢封盛書。戒曰。知我者。重童也。五老乃為流星。上入昴。黃姚視之。龍沒圖在。堯等共發。曰。帝當樞百。則禪于虞。〔春秋元命苞〕堯游河洛。赤龍負圖以出。圖出如綿狀。龍沒圖在。〔春秋合誠圖〕堯坐舟中。與太尉舜臨觀。鳳皇負圖授堯。其章曰。天賜帝符璽五字。〔春秋運斗樞〕赤龍負圖以出河。見。堯與太尉舜等百三十人集發。藏大麓。〔尚書中候〕堯率羣臣東沈璧于洛。退俟。至于下稷。赤光起。玄龜負書出。赤文成字。止壇。又沈璧于河。黑龜出赤文題。修壇河洛。仲月辛日昧明禮備。榮光由河。休氣四塞。龍馬銜甲。赤文綠色。臨壇上。甲似龜背。廣袤九尺。圓理平上。五色文。有列星之分。斗政之度。帝王紀錄興亡之數。○緯識雜說。河洛之事。履機厭觀。

【琴清英】舜彈五絃之琴。而天下治。堯加二絃。以合君臣之恩也。○禮記疏曰。南風。孝子之詩。舜以教天下之孝。

【尸子】帝舜彈五絃之琴。以歌南風。其詩曰。南風之薰兮。可以解吾民之愠兮。南風之時兮。可以阜吾民

之財兮。〔琴操〕舜作南風操。曰。反彼三山兮。商岳嵯峨。大降五老兮。迎我來歌。有黃龍兮。自出於河。負圖書兮。委蛇羅沙。案圖觀識兮。閔天嗟嗟。擊石拊韶兮。淪幽洞微。鳥獸踳踳兮。鳳皇來儀。凱風自南兮。喟其增悲。

○南風詩亦見家語。雖附記。猶存古意。琴操淺鄙。斯為下矣。

【史記】堯立七十年得舜。二十年而老。令舜攝行天子之政。薦之於天。堯辟位。凡二十八年而崩。百姓悲哀。如喪父母。三年。四方莫舉樂。以思堯。

【書】二十有八載。帝乃殂落。百姓如喪考妣。三載。四海遏密八音。

【史記】堯崩。三年之喪畢。舜讓辟丹朱於南河之南。諸侯朝覲者。不之丹朱而之舜。獄訟者。不之丹朱而之舜。謳歌者。不謳歌丹朱而謳歌舜。舜曰。天也。夫然後之中國。踐天子位焉。是為帝舜。〔春秋演孔圖〕舜將興。黃雲升堂。舜

之踐帝位。載天子旗。往朝父警叟。夔夔唯謹。如子道。封弟爲諸侯。

〔尙書逸篇〕堯子丹朱不肯。舜使居丹淵。爲諸侯。

【書】月正元日。舜格于文祖。詢于四岳。闢四門。明四目。達四聰。

〔古今注〕五明扇。舜所作也。既受堯禪。廣開視聽。求賢人以自輔。故作五明扇焉。

廣咨

十有二牧。曰。食哉惟時。柔遠能邇。惇德允元。而難任人。蠻夷率服。舜曰。咨四岳。有能奮庸。熙帝之載。使宅百揆。亮采惠疇。兪曰。伯禹作司空。帝曰。兪咨禹。汝平水土。惟時懋哉。禹拜稽首。讓于稷。契暨臯陶。帝曰。兪。汝往哉。帝曰。棄黎民阻飢。汝后稷。播時百穀。帝曰。契。百姓不親。五品不遜。汝作司徒。敬敷五教。在寬。帝曰。臯陶。蠻夷猾夏。寇賊姦宄。汝作士。五刑有服。五服三就。五流有宅。五宅三居。惟明克允。帝曰。疇若予工。兪曰。垂哉。帝曰。兪咨垂。汝共工。垂拜稽首。讓于艾。斯暨伯與。帝曰。兪往哉。汝諧。帝曰。疇若予上下。草木鳥獸。兪曰。益哉。帝曰。兪咨益。汝作朕虞。益拜稽首。讓于朱虎。熊羆。帝曰。兪往哉。汝諧。帝曰。咨四岳。有能典朕三禮。兪曰。伯夷。帝曰。兪咨伯。汝作秩宗。夙夜惟寅。直哉惟清。伯拜稽首。讓于夔。龍。帝曰。兪往欽哉。帝曰。夔。命汝典樂。教胄子。直而溫。寬而栗。剛而無虐。簡而無傲。詩言志。歌永言。聲依永。律和聲。八音克諧。無相奪倫。神人以和。帝曰。龍。朕聖。讒說殄行。震驚朕師。命汝作納言。夙夜出納朕命。惟允。帝曰。咨汝二十有二人。欽哉。惟時亮天功。

【漢書】書載唐虞之際。命羲和四子。順天文。授民時。咨四岳。以舉賢材。揚側陋。十有二牧。柔遠能邇。禹作司空。平水土。棄作后稷。播百穀。禹作司徒。敷五教。咎繇作士。正五刑。垂作共工。利器用。繇作朕虞。育草木。

鳥獸。伯夷作秩宗。典三體。夔典樂。和神人。龍作納言。出入帝命。

【史記】舜得舉。用事二十年。而堯使攝政。攝政八年。而堯崩。三年喪畢。讓丹朱。天下歸舜。而禹、皋陶、契、后稷、伯夷、夔、龍、倕、益、彭祖。自堯時而皆舉用。未有分職。於是舜乃至於文祖。謀於四嶽。辟四門。明通四方。耳目。命十二牧。論帝德。行厚德。遠佞人。則蠻夷率服。此二十二人。咸成厥功。皋陶爲大理。平民各伏得其實。伯夷主禮。上下咸讓。垂主工師。百工致功。益主虞山澤辟。棄主稷。百穀時茂。契主司徒。百姓親和。龍主賓客。遠人至。十二牧行。而九州莫敢辟違。唯禹之功爲大。披九山。通九澤。決九河。定九州。各以其職來貢。不失厥宜。方五千里。至于荒服。南撫交趾。北發西戎。析枝渠廈。氏羌北山。戎發息慎。東長鳥夷。四海之內。咸戴帝舜之功。皋陶作士以理民。帝舜朝禹。伯夷、皋陶相與語帝前。皋陶述其謀。○伯夷當作伯益。

【書】曰。若稽古皋陶。曰。允迪厥德。謨明弼諧。禹曰。俞。如何。皋陶曰。都。慎厥身。修思永。惇敘九族。庶明勵翼。邇可遠在茲。禹拜昌言曰。俞。皋陶曰。都在知人。在安民。禹曰。吁。咸若時。惟帝其難之。知人則哲。能官人。安民則惠。黎民懷之。能哲而惠。何憂乎驩兜。何遷乎有苗。何畏乎巧言令色孔壬。皋陶曰。都。亦行有九德。亦言其人有德。乃言曰。載采采。禹曰。何。皋陶曰。寬而栗。柔而立。愿而恭。亂而敬。擾而毅。直而溫。簡而廉。剛而塞。彊而義。彰厥有常。吉哉。日宣三德。夙夜浚明有家。日嚴祗敬。六德。亮采有邦。翕受敷施。九德咸事。俊乂在官。百僚師師。百工惟時。撫于五辰。庶績其凝。無教逸欲。有邦。兢兢業業。一日二日。萬幾。無曠庶官。天工

人其代之。天敍有典，勅我五典，五惇哉。天秩有禮，自我五禮，有庸哉。同寅協恭，和衷哉。天命有德，五服五章哉。天討有罪，五刑五用哉。政事懋哉懋哉。天聰明自我民聰明，天明畏自我民明威。達于上下，敬哉有土。皐陶曰：朕言惠可底行。禹曰：兪乃言底可績。皐陶曰：予未有知，思曰贊贊襄哉。帝曰：來禹，汝亦昌言。禹拜曰：都，帝予何言？予思日孜孜。皐陶曰：吁，如何？禹曰：洪水滔天，浩浩懷山襄陵，下民昏墊。予乘四載，隨山刊木，暨益奏庶鮮食。予決九州，距四海，濬畎澮，距川，暨稷播奏庶艱食鮮食。懋遷有無化居，烝民乃粒。萬邦作乂。皐陶曰：兪，師汝昌言。禹曰：都，帝慎乃在位。帝曰：兪，禹曰：安汝止，惟幾惟康，其弼直，惟動丕應，後志以昭受上帝。天其申命用休。帝曰：吁，臣哉鄰哉，鄰哉臣哉。禹曰：兪，帝曰：臣作朕股肱耳目。予欲左右有民，汝翼。予欲宣力四方，汝爲。予欲觀古人之象，日月星辰，山龍華蟲，作會宗彝，藻、火、粉、米、黼、黻、絺、繡，以五采彰施于五色，作服，汝明。予欲聞六律五聲八音，在治忽，以出納五言，汝聽。予違汝弼，汝無面從，退有後言。欽四鄰，庶頑讒說，若不在時，侯以明之，撻以記之。書用識哉，欲竝生哉。工以納言，時而颺之，格則承之，庸之，否則威之。禹曰：兪哉，帝光天之下，至于海隅蒼生，萬邦黎獻，共惟帝臣。惟帝時舉，敷納以言，明庶以功，車服以庸，誰敢不讓，敢不敬應。帝不時，敷同日奏罔功。無若丹朱傲，惟慢遊是好，傲虐是作，罔晝夜頷頷，罔水行舟，朋淫于家，用殄厥世。予創若時，娶于塗山，辛壬癸甲，啓呱呱而泣，予弗子，惟荒度土功。弼成五服，至于五千，州十有二師，外薄四海，咸建五長，各迪有功。苗頑弗卽工，帝其念哉。帝曰：迪朕德，時乃功。

惟敍。臯陶方祗厥敍。方施象刑惟明。〔書序〕臯陶矢厥謀。禹成厥功。帝舜中之。作大禹。臯陶謨。益稷。〔風俗通〕咎陶謨。禹始造律。〔尙書大傳〕唐虞象刑。犯墨者蒙帛巾。犯劓者請其衣。犯贖者以墨蒙其贖處而畫之。犯大辟者。布衣無領。〔論衡〕雉觶者。一角之羊也。性知有罪。臯陶治獄。其罪疑者。令羊觸之。有罪則觸。無罪則不觸。故臯陶敬羊。起坐視之。

【尙書大傳】維元祀巡狩四岳八伯。壇四奧。沈四海。封十有二山。兆十有二州。樂正定樂名。元祀代泰山。貢兩伯之樂焉。東岳陽伯之樂舞侏離。其歌聲比余謠。名曰皙陽。儀伯之樂舞鸞哉。其歌聲比大謠。名曰南陽。中祀大交霍山。貢兩伯之樂焉。夏伯之樂舞謾或。其歌聲比中謠。名曰初慮。羲伯之樂舞將陽。其歌聲比大謠。名曰朱千。秋祀柳穀華山。貢兩伯之樂焉。秋伯之樂舞蔡俶。其歌聲比小謠。名曰荅落。和伯之樂舞玄鶴。其歌聲比中謠。名曰歸來。幽都弘山祀。貢兩伯之樂焉。冬伯之舞齊落。歌曰縵縵。并論八音四會。歸格于禰祖。用特五載一巡狩。羣后德讓。貢正聲。而九族具成。雖禽獸之聲。猶悉關於律。樂者。人性之所自有也。故聖王巡十有二州。觀其風俗。習其性情。因論十有二俗。定以六律五聲八音七始。著其素淡。以爲八。此八伯之事也。分定於五。此五岳之事也。五音。天音也。八聲。天化也。七始。天統也。

【史記】於是禹乃興九招之樂。致異物。鳳皇來翔。天下問德。皆自虞帝始。

【呂氏春秋】舜立。仰延。乃拌瞽叟之所爲瑟。益之八絃。以爲二十三絃之瑟。帝舜乃令質修九招六列六英。以明帝德。〔春秋繁露〕舜時。民樂其昭幾之業也。故韶。韶者。昭也。

【書】夔曰。夏擊鳴球。搏拊琴瑟。以詠祖考來格。虞賓在位。羣后德讓。下管鼗鼓。合止祝敔。笙鏞以閒。鳥獸



踰躄。簫韶九成。鳳凰來儀。夔曰：於予擊石拊石，百獸率舞。庶尹允諧。〔宋符瑞志〕舜卽帝位，冀莢生於階，鳳凰房，地出乘黃之馬，西王母獻白環玉玦。〔洛書靈准聽〕舜受終，鳳皇儀，黃龍感，朱草生，冀莢滋。〔孝經援神契〕王者德至山陵，則山出木根車，應載萬物，虞舜德盛於山陵，故山車出有垂綬。〔尙書大傳〕舜以天德嗣堯，西王母來獻白玉瑄。〔尙書帝命驗〕西王母於大荒之國，得益地圖，慕舜德，遠來獻之。

【淮南子】有虞氏之祀，其社用土，祀中霤，葬成畝，其樂咸池，承雲九韶，其服尙黃。〔禮記注〕鑾輅，有虞氏之車也。有鑾和之節。

【管子】有虞之王，燒會藪，斬羣害，以爲民利，封土爲社，置木爲閭，民始知禮也。當是其時，民無溫惡不服，而天下化之。〔淮南子〕舜作室，築牆茨屋，辟地樹穀，令民皆知去廢穴，各有家室。〔古史考〕舜作瓦棺土而天下化之。〔書序〕帝盤下土方，設居方，別生分類，作汨作，九共九篇，藥飲。〇十一篇俱亡。

【新書】帝舜曰：吾盡吾敬以事吾上，故見謂忠焉；吾盡吾敬以接吾敵，故見謂信焉；吾盡吾敬以使吾下，故見謂愛焉；是以見愛親於天下之民，而見貴信於天下之君，故吾取之以敬也；吾得之以敬也，故欲明道而諭教，唯以敬也，故欲明道爲忠，必服之。

【尸子】有虞之君天下也，使天下貢善；商周之君天下也，使天下貢財；其治天下，見人有善，則如己有善；見人有惡，則如己有惡。此有虞氏之盛德也。〔帝王世紀〕舜立誹謗之木。〔新語〕舜棄黃金於斡廡之山，禹捐珠玉於五湖之淵，將以杜邪淫之欲，絕琦璋之情。

【韓詩外傳】舜餽盆無臚，而下不以餘獲罪；飯乎土簋，啜乎土型，而農不以力獲罪；麀衣而盪領，而女不以巧獲罪；法下易由，事寡易爲功，而民不以政獲罪；故大道多容，大德衆下，聖人意爲，故用物常壯也。

【呂氏春秋】舜之耕漁，其賢不肖，與爲天子同，其未遇時也，以其徒屬掘地財，取水利，編蒲葦，結罟網，手

足胼胝不居。然後免於凍餒之患。其遇時也。登爲天子。賢士歸之。萬民譽之。丈夫女子。振振殷殷。無不戴說。舜自爲詩曰。普天之下。莫非王土。率土之濱。莫非王臣。所以見盡有之也。盡有之。賢非加也。盡無之。賢非損也。時使然也。〔尸子〕舜之陶也。不能利其巷。南面而治天下。則蠻夷蒙福。

【尸子】舜南面而治天下。天下太平。調於玉燭。息於永風。食於膏火。飲於醴泉。舜之行。其猶河海乎。千仞之谿。亦滿焉。螻蟻之穴。亦滿焉。由此觀之。禹湯之功。不足言也。

【書】三載考績。三考黜陟幽明。庶績咸熙。分北三苗。帝庸作歌曰。勅天之命。惟時惟幾。乃歌曰。股肱喜哉。元首起哉。百工熙哉。皐陶拜手稽首。颺言曰。念哉。率作興事。慎乃憲。欽哉。屢省乃成。欽哉。乃廣載歌曰。元首明哉。股肱良哉。庶事康哉。又歌曰。元首叢脞哉。股肱惰哉。萬事墮哉。帝拜曰。兪往欽哉。

【高士傳】善卷者。古之賢人也。堯北面師之。及舜。又以天下讓卷。卷曰。昔唐氏之有天下。不教而民從之。不賞而民勸之。今子盛爲衣裳之服。以眩民目。繁調五音之聲。以亂民耳。丕作皇詔之樂。以愚民心。天下之亂。從此始矣。予立於宇宙之間。冬衣皮毛。夏衣絺葛。春耕種。秋收斂。逍遙於天地之間。而心意自得。吾何以天下爲哉。遂不受。去入深山。莫知其處。〔莊子〕舜以天下讓其友北人無擇。北人無擇曰。異哉。后之爲人也。見之。因自投清泠之淵。舜以天下讓其友石戶之農。石戶之農曰。捲捲乎后之爲人。葆力之士也。以舜之德爲未至也。於是夫負妻戴。攜子以入於海。終身不反也。舜讓天下於子州支伯。子州支伯曰。予適有幽憂之病。方且治之。未暇治天下也。故天下。大器也。而不以易生。此有道者之所以異乎俗者也。〔尸子〕蒲衣子八歲。舜讓以天下。〔莊子〕舜問乎丞曰。道可得而有乎。曰。汝身非汝有也。汝何得有夫道。舜曰。吾身非吾有也。孰有之哉。曰。是天地之

委形也。生非汝有。是天地之委和也。性命非汝有。是天地之委順也。孫子非汝有。是天地之委蛻也。故行不知所往。處不知所持。食不知所味。天地之疆陽氣也。又胡可得而有邪。○列子同。〔尸子〕務成昭之教舜曰。避天下之逆。從天下之順。天下不足收也。避天下之順。從天下之逆。天下不足失也。〔拾遺記〕冀州之西二萬里。有孝養之國。其俗人年三百歲。而織茅爲衣。死。葬之中野。百鳥銜土爲墳。羣獸爲之掘穴。不封不樹。有親死者。刻木爲影。事之如生。其俗驍勇。能嚼金石。其舌杪方而本小。手搏千鈞。以爪畫地。則洪泉涌流。善養禽獸。入海取虬龍。育於園室。以充祭祀。昔黃帝伐蚩尤。除諸凶害。獨表此處爲孝養之鄉。萬國莫不欽仰。故舜封爲孝讓之國。舜受堯禪。其國執玉帛來朝。特加寶禮。異於餘戎狄也。

【帝王世紀】娥皇無子。女英生商均。〔呂氏春秋〕舜有子九人。〔山海經〕有人三身。帝俊妻娥皇。生此三身之國。下民百巧。舜妻登比氏。生宵明燭光。處河大澤。二女之靈。能照此所方百里。一曰登北氏。帝舜生戲。戲生搖民。有戲民之國。帝舜生無淫。降戲處。是爲巫戲民。巫戲民勝姓。食穀。不績不經服也。不稼不穡食也。爰有歌舞之鳥。鸞鳥自歌。鳳鳥自舞。爰有百獸。相羣爰處。百穀所聚。

【書】舜生三十徵庸。三十在位。五十載。陟方乃死。

【史記】舜年二十。以孝年聞。三十堯舉之。年五十攝行天子事。年五十八堯崩。年六十一代堯踐帝位。踐

帝位三十九年。南巡狩。崩於蒼梧之野。葬於江南九疑。是爲零陵。〔帝王世紀〕舜以堯之二十一年甲子生。三十

癸卯。南征。崩于鳴條。殞以瓦棺。葬於蒼梧九疑山之陽。是爲零陵。謂之紀市。〔皇覽〕舜家在零陵營浦縣。其山九谿皆相似。故曰九疑。〔論衡〕舜葬蒼梧。象爲之耕。〔山海經〕蒼梧之山。帝舜葬于陽。帝丹朱葬于陰。赤水之中。有蒼梧之野。舜與叔均之所葬也。爰有文貝離翕。鳴久鷹。賈委維熊。象虎豹狼視肉。〔拾遺記〕舜葬蒼梧之野。有鳥如雀。丹州而來。吐五色之氣。名曰憑霄。雀能羣飛。銜土成丘墳。此鳥能反形變色。在木則爲禽。行地則爲獸。時來蒼梧之野。銜青砂珠。積成壘阜。名曰珠丘。其珠輕細。風吹如塵起。名曰珠塵。服之不死。帶者身輕。故仙人方回遊南岳。七言讚曰。珠塵圓潔。輕且明。有道服者得長生。

【墨子】舜西教乎七戎。道死。葬南已之市。衣衾三領。穀木之棺。葛以緘之。已葬而市人乘之。〔呂氏春秋〕舜葬於紀。市不

變其肆。〔述異記〕會稽山有虞舜巡狩臺。臺下有望陵祠。帝舜南巡。葬於九疑。民思之。立祠曰望陵祠。

【禮記】舜葬于蒼梧之野。蓋三妃未之從也。○檀弓〔列女傳〕舜陟方。死於蒼梧。二妃死於江湖之間。俗謂之湘君。〔博物志〕堯之二女。舜之二妃。曰湘夫人。帝崩。二妃啼。以

擗揮竹。竹盡斑。〔水經注〕大舜之陟方也。二妃從征。溺於湘江。神遊洞庭之淵。出入瀟湘之浦。

匹夫而有天下。自舜始也。堯知其子之不肖。以爲授賢。則天下利。授子。則丹朱利。而天下病。終不以天下之病而利一人。故授舜而不疑。至公也。舜在側陋。以純孝格親。玄德升聞。岳牧咸薦。使之主事而事治。使之主祭而鬼神享。謳歌訟獄。雖欲避之而不能也。至德也。當是時。俊乂登朝。化洽四海。賡歌喜起。揖讓廟堂之上。有更姓之名。而無改物之實。故唐虞猶一家也。非甚盛德。而能若此乎。據史記所敘。黃帝以至三王。皆同族異號。舜亦黃帝苗裔。蓋堯之羣從玄孫屬也。先儒非之曰。以堯舜爲同族。則二女之妻。幾於嬪姓亂序。舜爲父母所惡。屢瀕於死。耕稼陶漁。必待四岳之薦。而後用。則不得謂之九族既睦。故路史考據國語。以爲舜之系出於虞。幕五帝之中。獨不祖黃帝。其說甚備。可謂信而有徵矣。余因是而反覆詳究。不獨舜不祖黃帝。卽顓頊亦不當祖黃帝。旣顓頊不祖黃帝。則夏后氏亦不當祖黃帝矣。曷言之。國語史伯之言曰。成天地之功者。其子孫未嘗不章。虞夏商周是也。虞幕能聽協風。以成樂物。生夏禹。能平水土。商契能和合五教。周棄能播殖穀蔬。其後皆爲王公侯伯。左傳史趙之言曰。自幕至於瞽叟。無違命。舜重之以明德。是舜之祖幕審矣。國語又曰。幕能帥顓頊者也。左氏傳又曰。陳顓

項之族也。是幕之祖顓頊亦審矣。史記之誤。由於輕信世本。果如世本所言。黃帝至堯五世。至舜則九世。顓頊至禹三世。至舜則七世。何舜獨年代之數。而堯禹年代之曠邪。蓋世本一書。出於周末。采記前代之世次。必多遺脫。史記用之。而不知察也。周歷千餘年。而十五世。論者皆知其疎矣。堯禹之祖。能必其不疎乎。少昊之爲帝。史且遺之矣。諸世代之微者。能必其不遺乎。雖然。世代之疎漏。則有之矣。至如窮蟬以下諸名。必非鑿空增設。再加以虞幕。而幕又未必卽顓頊之子。窮蟬之父也。若是。則舜之世代。與堯禹益相懸絕矣。何能同時授受。余故知前代之世次。必有遺脫也。抑嘗考之。漢書曰。黃帝之子清陽。其子孫名摯。以金德王。號曰金天氏。是少昊氏乃黃帝之後裔。而非其子也。國語曰。少昊氏之衰。九黎亂德。顓頊受之。蓋少昊氏一代之通稱。非常其世而遽衰也。然則顓頊之去黃帝。中間曠隔。何得爲黃帝之孫。而昌意之子。山海經言黃帝生昌意。昌意生韓流。韓流生顓頊。韓流或作乾荒。按山海經所載古帝子孫。率多簡略。安知乾荒之外。不更有所遺乎。且顓頊與帝嚳。亦未必親相承接也。不知傳歷幾世。而後高辛氏興。將帝嚳上至黃帝。又不止三世而已矣。古者帝王一代之興。必建立名號。至如世及相承。則因之而不改。故太皞十五世皆襲庖犧氏之號。神農八世皆以炎帝稱。何獨黃帝之後。伯仲子孫。遞相授受。必世世殊稱易運。而列爲五帝也哉。春秋命歷序曰。黃帝傳十世。少昊傳八世。顓頊傳二十世。帝嚳傳十世。此雖緯讖雜說。不足深信。然而足以補遷史之疎。濟諸說之窮。似未可盡棄也。又

漢書帝系曰。顓頊五世而生鯀。則鯀非顓頊之子。是夏之上世。史有遺脫矣。左傳稱高陽氏之才子八愷。高辛氏之才子八元。此十六族者。世濟其美。若卽爲二帝之子。則高陽八子何其壽。高辛八子。豈其堯之諸弟邪。蓋二氏之族黨。猶言顏氏有八賢也。故杜氏注云。皆其苗裔。夫高辛之苗裔。堯未能舉。是譽堯亦非父子相承。或高辛氏歷世既久。及摯而衰。堯始起而代之。是堯之上世。史亦有遺脫矣。若此。則唐虞夏后之世代。可以相值。卽曰堯舜同出於黃帝。固已曠代疏絕。猶魯之與宋。秦之與趙也。傳曰。黃帝之子二十五人。同姓者二人而已。異姓則異德。男女相及以生民也。記曰。繫之以姓而弗別。雖百世而婚姻不通者。周道然也。若如魯宋秦趙。久爲異姓別宗。則堯亦何嫌於二女之嬪虞。而又何必疑於舜之降在匹庶。堯不能親睦也哉。至於禘郊祖宗之制。則禮有明文矣。大傳曰。禘者。禘其祖之所自出。以其祖配之。況神不歆非類。禮不祭非鬼。有虞氏之禘。黃帝而郊。魯祖顓頊而宗。堯也。其於報親紹堯之義。兩不相違。不必攻戴記之失。而曲折言之。固已囑然矣。不然。疑舜之祖。將竝疑高陽夏后氏之祖。夫豈史遷同族異號之說。茫然無所原本。而肆爲妄謬。以待後人之摘發哉。惜乎諸儒疑統系之外。而未及察世代之疎。仁山金氏發其端。而未究其所以然也。